

# 史記斠證卷一百十七

## 司馬相如列傳第五十七

### 王叔岷

故其親名之曰犬子。

案御覽三四二引親作母。

慕藺相如之爲人，更名相如。以貲爲郎。

正義：藺相如，六國時人，義而有勇也。『以貲爲郎，』以貲財多，得拜爲郎。

案白帖七引『更名』作『遂改名。』漢傳貲作訾，師古注：『訾，讀與貲同。』

貲、訾正、假字，張釋之傳有說。正義說，本師古注。

長卿久宦遊不遂，而來過我。

案御覽四百五引作『長卿久客，旅遊不遂，可來過我。』

臨邛令繆爲恭敬，日往朝相如。

案趙翼陔餘叢考二二『朝』條，云：『古時凡謁人皆曰朝。呂覽「堯朝許由於沛澤之中。」是也。』所稱呂覽，見求人篇。堯以天子而朝隱者許由，以尊朝卑，用一朝字，乃示恭敬之意，非僅如常人之造諧而已。臨邛令之繆爲恭敬朝相如，雖曰繆詐，仍示恭敬之意也。

而卓王孫家僮八百人。

施之勉云：『荀紀：卓氏家僮千有餘人。』

案華陽國志三蜀志云：『卓王孫家僮千數。』

一坐盡傾。

案師古注：『皆傾慕其風采也。』

故相如與令相重，而以琴心挑之。

索隱：『張揖云：「挑，燒也。以琴中燒之。」挑音徒了反，燒音奴了反。其詩曰：「鳳兮鳳兮歸故鄉，遊遨四海求其皇。有一豔女在此堂，室邇人遐毒我腸，何由交接爲鴛鴦？」也。又曰：「鳳兮鳳兮從皇棲，得託子尾永爲妃。交情通體必和諧，中夜相從別有誰？」』

施之勉云：『楊樹達云：挑假爲訛，相呼誘也。此謂以琴心誘之。』

案御覽五七七、記纂淵海七八引繆並作謬，謬、繆正、假字，爾雅序釋文引方言云：『謬，詐也。』上文『臨邛令繆爲恭敬。』繆亦謬之借字。說文：『挑，撓也。』段注：『挑者，謂撥動之。』『以琴心挑之，』謂以琴中所寄之心意挑動之也。楊氏謂『挑假爲訛。』訛、挑古亦通用，列子楊朱篇：『媒而挑之。』釋文：『挑，說文作訛，相誘也。』（說文本作『相呼誘也。』）藝文類聚四三載相如挑動文君之琴歌云：『鳳兮鳳兮歸故鄉，遊遨四海求其皇。有豔淑女在此房，何緣交接爲鴛鴦？鳳兮鳳兮從我栖，得託子尾永爲妃。交情通體心和諧，中夜相從知者誰？』與索隱所引小異。索隱『必和諧，』必蓋心之誤。又索隱張注，『琴中』下蓋脫音字。『挑音徒了反。』本師古注。

相如之臨邛，

案御覽、記纂淵海引相如下並有始字，下文『及飲卓氏弄琴，』始字與及字相應。

文君夜亡奔相如。相如乃與馳歸成都，家居徒四壁立。

王氏雜志所據震澤王氏本無成都二字，云：『「馳歸」下脫成都二字，當從宋本補。文選左思詠史詩注引此亦有成都二字，漢書同。「家居徒四壁立，」本作「居徒四壁立。」居卽家也。（家、居二字，古聲義竝相近，故說文曰：「家，居也。」……）索隱引孔文祥云：「家空無資儲，但有四壁而已。」家字正釋居字，故漢書作「家徒四壁立。」宋本及各本皆作「家居徒四壁立。」則文不成義。此後人依漢書旁記家字，而寫者因誤入正文也。汲古閣單行索隱本作「居徒四壁立，」後補入家字，而字形長短不一，補刻之迹顯然。文選詠史詩注引作「居徒四壁立。」六帖二十二曰：「司馬相如居徒四壁。」則無家字，明矣。』考證：『張文虎曰：舊刻及王、柯、凌本，竝脫成都二字。〔家居徒四壁立，〕

御覽百八十七引作「家徒四壁立，」與漢書合。疑本有異文，後人誤併。』

施之勉云：景祐本有成都二字，黃善夫本無。

案漢紀言文君『夜奔相如，遂與俱歸成都。』世說新語品藻篇注引嵇康高士傳云：『文君奔之，俱歸成都。』亦並有成都二字。『家居徒四壁立，』王氏謂家字乃後人依漢書旁記字誤入正文者，是也。御覽引此作『家徒四壁立，』蓋與漢傳相亂也。漢傳補注引錢大昭曰：『西京雜記：文君姣好，眉色如望遠山，臉際常如芙蓉，肌膚柔滑如脂。十七而寡，爲人放誕風流，故悅長卿之才而越禮焉。』

第俱如臨邛，

索隱：『「弟如臨邛。」文穎曰：「弟，且也。」郭璞云：「弟，語辭。」如，往也。』

考證：索隱本無俱字，正義本有。

案索隱本、景祐本第並作弟，漢傳同，古字通用。弟猶可也，齊世家有說。『如，往也。』本漢傳張揖注。黃善夫本、殿本索隱，並作『文穎云：「第，且也。」郭璞云：「第，發語之急耳。」如，往也。』兩弟字作第，乃依正文作第改之。『語辭』二字作『發語之急耳』五字，蓋妄依師古注作『弟，發聲之急耳。』而改之。

令文君當鑪。

正義：『顏云：賣酒之處，累土爲鑪，以居酒瓮。四邊微起，其一面高，形如銀鑪，故名曰鑪耳。而俗之學者，皆謂「當鑪」爲對溫酒火鑪，失其義也。』

考證：『漢書鑪作盧。李慈銘曰：「鑪，晉書作壘。……」愚按漢書顏注，「微起」作「隆起。」』

案嵇康高士傳鑪亦作壘。正義引師古注諸鑪字，本作盧，依此正文作鑪改之也。

又引師古注『微起，』後漢書孔融傳注亦作『隆起。』

相如身自著犢鼻褲，與保庸雜作，

案嵇康高士傳褲作幘，褲，或幘字。說文：『幘，幘也。褲，幘或从衣。』朱駿聲通訓定聲云：『幘借爲帑，司馬相如傳「犢鼻褲，」今之圍身作帑也。』刺客荆軻傳：『高漸離變名姓，爲人庸保。』索隱：『謂庸作於酒家，言可保信，故

云「庸保。」『欒布傳：『貲傭於齊，爲酒人保。』庸、傭古、今字。上許令尚書給筆札。

正義：『說文：「札，牒也。」按木簡之簿小者也。此時未用紙也。』

案正義『接木簡』以下，本師古注。

子虛過詫烏有先生，而無是公在焉。

集解：『郭璞曰：詫，誇也。音託夏反。』

索隱：……誇詫，是也。

考證：文選在作存。

案漢傳詫作媿，補注：『錢大昭曰：「李善文選本作媿，史記及五臣本竝作詫。」

陶紹曾曰：「媿當爲吒。」『李善文選本張揖注：「媿，誇也。」媿與吒同。訓誇，則當作吒，詫與吒同。藝文類聚六六引子虛賦亦作詫，又在作存，漢魏六朝百三家集司馬文園集並同。漢傳在亦作存，存、在同義。藝文類聚烏有作焉有，下同。宋董逌除正字謝啓：『烏、焉混淆。』此其例矣。（烏、焉本同義，此作焉，則形誤也。）黃善夫本、殿本索隱，並略『誇詫，是也。』四字。

射麋腳麟，

索隱：『……司馬彪曰：「腳，掎也。」說文云：「掎，偏引一腳也。」』

梁玉繩云：『文選同。漢書作「格麟。」師古曰：「格字或作腳。」然當作「格麟」也。師古于傳首云：「近代讀相如賦者，皆改易文字，競爲音說，致失本真。今依班書舊文爲正。」則史記所載，安知不爲後人改易乎？自宜依漢書。蓋師古較定也。茲特舉其誤者，餘從略焉。』

施之勉云：『王先謙曰：「麟，說文：『大牝鹿也。』左襄十四年傳：『譬如捕鹿，晉人角之，諸戎掎之。』謂或持其角，或持其腳也。鹿唯用掎，猛獸則須格擊。明此格字，爲腳之變文而誤。』』

案梁氏從漢傳作『格麟，』王氏從史記作『腳麟。』（藝文類聚、司馬文園集亦並作『腳麟。』）竊謂作腳、作格，各依本文，無煩改字。師古注：『格字或作腳，謂引持其腳也。』後漢書鍾離意傳：『乃解衣就格。』注：『格，拘執也。』『拘執』與『引持』義近。『格麟，』謂拘執麟也。格非格擊字。又說文：『持，

偏引也。』段注：『一本作「偏引一足也。」見李賢、司馬貞所引。此依左傳注增二字耳。左傳曰：「譬如捕鹿，晉人角之，諸戎掎之。」杜注云：「掎之，掎其足也。」』所稱李賢引說文，見後漢書馬融傳注。

射中獲多，矜而自功。

考證『沈家本曰：按此句，與上文「獲多乎？曰：少。」不免矛盾。』

案齊王自矜獲多，子虛以爲少耳。此與上文不矛盾。

何與寡人？

考證：漢書、文選何作孰。文選人下有乎字。

案司馬文園集亦作『孰與寡人乎？』

唯唯。

正義：唯唯，恭應也。

案正義說，本師古注。

名曰雲夢。

索隱：『……裴駟云：孫叔敖激沮水作此澤。』

張照云：『周禮職方：「荊州，其澤藪曰雲夢。」在孫叔敖前有此澤，非激沮水明矣。』

案周禮本作雲瞢，瞢與夢同。周禮乃戰國時人所撰，近人論證甚詳，雖稱雲瞢，不足以證孫叔敖前已有此澤也。

隆崇嶧峯，岑巖參差，

考證：漢書、文選巖作峩。

案漢傳嶧作律，文選、司馬文園集並作峩，集韻入聲術第六：『嶧，峩嶧，山高見。』說文無嶧、峩二字，峩蓋嶧之省。當從漢傳作律，詩小雅蓼莪：『南山律律。』又云：『南山烈烈。』毛傳：『律律猶烈烈也。』胡承珙毛詩後箋云：『烈烈爲山之高峻險阻之狀。』『律律』與『律峩』義同。藝文類聚、司馬文園集巖亦並作峩。

琳瑯琨珸，瑩効玄厲，璪石武夫。

索隱：『琨珸，』……字或作『昆吾。』

考證：漢書、文選，『琨珸』作『昆吾。』文選『武夫』作『礮夫。』

施之勉云：文選『武夫』作『礮砆。』

案司馬文園集『琨珸』亦作『昆吾，』『武夫』亦作『礮砆。』

其東，則有蕙圃衡蘭，芷若射干，

梁玉繩云：漢傳、文選無『射干』二字，則是流俗所增矣。而學林謂史記是，漢書闕。與師古反。言『此段皆四字一句，于文則順，于韻則叶，漢書云之，遂不成句法。射干，草也。後射干，獸也。實兩物，奚嫌焉？』此說非，下文有『橐本射干』矣。

施之勉云：五臣本有『射干』二字，類聚六十六引亦有。

案漢傳補注：『衡同蘅，楚辭及文選洛神賦並作蘅，然說文無蘅字。……芷即茝，南本、浙本作茝。』藝文類聚亦作『蘐蘭，茝若。』司馬文園集同，且亦有『射干』二字。

穹窮昌蒲，江離麋蕪，諸蕘縛且，

索隱「「芎藶。」司馬彪云：「芎藶，似橐本。」……淮南子云：「夫亂人者，若芎藶之與橐本。」……』

梁玉繩云：『諸蕘縛且，』漢傳作『諸柘巴且。』文選同。後人妄改之。（縛、蕘竝音粕，襄荷也。然下有襄荷。巴且，巴蕉也。）

考證：文選穹、窮、昌、江、離、麋六字皆从草。

施之勉云：類聚六十六引，穹、窮、昌、江、離、麋六字，亦皆从草。

案索隱本『穹窮』作『芎藶。』文選作『芎藶，』注亦引司馬彪云：『芎藶，似橐本。』胡氏考異云：『袁本、茶陵本芎作芎。案注中字作芎。考說文艸部：「芎藶，香艸也。重文芎。司馬相如說，芎或从弓。」謂凡將如此。史記、漢書作穹者，假借也。字書別未載芎字。』（漢傳補注亦引胡說，無首句。）藝文類聚、司馬文園集『穹窮』亦並作『芎藶。』施氏謂類聚穹从草，失檢。司馬文園集昌、離、麋三字，亦皆从艸。漢傳麋亦作蘢。文選『縛且』作『巴苴，』司馬文園集同。梁氏謂文選作『巴且，』失檢。索隱引淮南子云云，見氾論篇。惟今本『橐本』作『橐本。』與司馬彪注同。

登降陁靡，

案漢傳陁作陁，師古注：「陁靡，旁袤也。」（文選注引司馬彪曰：陁靡，邪靡也。）補注：「陁，官本作陁。」陁，或陁字。說文：「陁，小崩也。」段注：「大曰崩，小曰陁。」子虛賦曰：「登降陁靡，」上林賦曰：「巖陁巔錡。」皆謂欹傾也。」

則生歲薪蕷荔，

索隱：「「歲析，」音「針斯」二音。孟康曰：「歲，馬藍也。」郭璞曰：「歲，酸漿，江東名烏歲。」析，漢書作斯，孟康云：「斯禾，似燕麥。」埤蒼又云：「生水中，華可食。」廣志云：「涼州地生析草，皆如中國燕麥。」是也。」王念孫云：「索隱本「歲薪」作「歲析。」注曰：「針斯二音。析，漢書作斯。……」今本漢書作析。張揖曰：「析似燕麥。」蘇林曰：「析音斯。」文選作薪。案說文無薪、斂二字，則作析作斯者是也。析、斯聲相近，故古字通用。其作薪作斂者，皆因上下文而誤加艸耳。又案此賦言析草生於高燥，則非埤蒼所云「生水中，華可食」者。張揖、孟康以爲似燕麥，是也。」

案藝文類聚、司馬文園集薪亦並作薪。黃善夫本、殿本索隱，「「歲析，」音「針斯」二音。」並作「薪音斯」三字。（析之作薪，依正文作薪改之也。）又並略孟康曰：歲，馬藍也。及埤蒼又云：生水中，華可食。凡十七字。末句中國下並有苗字。

薛莎青蘆。

集解：「……駟索漢書音義曰：薛，賴蒿也。……」

梁玉繩云：漢傳薛作薜，二物判然不同。

案藝文類聚、司馬文園集薛亦並作薜。漢傳張揖注：「薛，賴蒿也。」文選注引張注薛作薜，與集解引漢書音義同。漢傳補注：「薛，史記、文選竝作薜，玉篇：「薛，莎也。」案下既言莎，若作薜，則爲複出。作薜是也。釋草：「萃，蘢蕭。」郭云：「今蘢蒿也。初生亦可食。」桂馥謂萃、薜一聲之轉。」

其卑溼，則生藏薹蘂葭，東薈雕胡，

索隱：「庫音婢，庫，下也。藏薹，郭璞云：「狼尾，似茅。」……郭璞云：

「蕷，蔽也。似蘆而細小，高數尺。……」江東人呼爲烏蕷。……東蕷，案續漢書云：「東蕷似蓬草，實如葵子，十一月熟。」廣志云：「子色青黑。」河西語云：「貸我東蕷，償我白梁」也。彫胡，案謂菰米。』

考證：漢書、文選卑作埤，蕷作蘆。文選雕作彫。

施之勉云：『索隱本卑作埤。索隱「似蘆而細小，」四庫全書考證曰：索隱「似蘆而細小。」刊本蕷訛蘆，據漢書注及爾雅釋文引字林改。』

案索隱本卑作庳，單本誤庳。司馬文園集作埤，與漢傳、文選合。卑、庳義通。埤，借字。司馬文園集蕷亦作蘆，雕亦作彫。蕷、蘆正、假字。（蘆乃蕷靡字，卽蕷蕪也。）索隱本雕作彫，藝文類聚、御覽八四二並同，雕、彫古通，其例習見。黃善夫本、殿本索隱，『庳音婢，庳，下也。』庳並作卑，依正文作卑改之也。『狼尾』並作『蕷尾』，與集解引漢書音義合。（爾雅釋草作『狼尾』。）郭注：『似茅。』）『烏蕷』並作『烏燕』。『廣志云』下並增『東蕷』二字。『河西語』，語並作記，恐非。（御覽八四二引作『河西語』。）『彫胡』並作『雕胡』，蓋依正文雕字改之。又並略『高數尺』，及『東蕷，案續漢書云：東蕷似蓬草，實如葵子，十一月熟。』凡二十三字。至於『似蘆而細小』句，漢傳郭注及爾雅釋文引字林，蕷作蘆。蕷乃蕷之或體，說文：『蕷，𦗔也。』隸省作蕷。

蓮藕菰蘆，

梁玉繩云：『「菰蘆，」漢傳、文選作「瓠蘆。」是也。張晏云：「扈魯。」蓋上句「蒹葭」卽蘆，「雕胡」卽菰，不應重言之。』

案漢傳補注：『「瓠蘆」卽「瓠臚」，（廣韻：瓠臚，瓢也。）「瓠蘆、」「瓠臚、」「扈魯，」並一聲之轉。爾雅：「瓠，棲瓣。」釋文：「舍人本瓠又作瓠。」此瓠、瓠通假之證。』

菴蘭軒芋。

集解：『漢書音義曰：奄閭，蒿也。軒芋，蘆草也。』

索隱：『郭璞云：菴閭，蒿。子可療病也。軒芋，生水中，今揚州有也。』

考證：漢書、文選芋作于。

案漢傳作『奄閭軒于。』三家注引書，往往依本書正文改字。集解引漢書音義，

『奄闔』二字，不依本書正文改爲『菴闔』，蓋所據正文本作『奄闔』也。景祐本正作『奄闔』，存集解本之舊，且與漢傳合。（漢傳補注：『闔，官本作闔。』蓋依史記作闔之本改之。）索隱引郭注『菴闔，蒿。』所據正文蓋作『菴闔』。漢傳補注稱汲古閣本史記作『菴闔』，存索隱本之舊。文選亦作『菴闔』。索隱單本引郭注，『軒芋』作『軒于』。所見正文蓋作『軒于』。與漢傳合。

其西則有湧泉清池。

案漢傳、藝文類聚湧並作涌，涌、湧古、今字。

外發芙蓉蓼華，

案漢傳作『夫蓉蓼華。』補注：『「夫容」史記、文選並作「芙蓉。」蓼，史記作蓼，誤。爾雅、說文竝作蓼，文選作菱。』『夫容』字從艸，後人所加也。（藝文類聚、司馬文園集亦並作『芙蓉。』）爾雅釋草：『蓼，蕨藻。』郭注：『蓼，今水中菱。』說文：『蓼，菱也。』爾雅、說文並無蓼字，（廣雅釋草有蓼字。）王氏失檢。蓼乃蓼之或體，菱又蓼之省也。藝文類聚、司馬文園集，蓼亦並作菱。

其北則有陰林巨樹。

考證：文選巨作其，疑非。

案文選巨作其，『其樹』屬下讀。李善注：『本或林下有巨字，樹下有則字，非也。』胡氏考異云：『注「本或林下有巨字。」案有當作作，謂林下其字作巨也。不云「其作巨」者，因正文有兩其字，以此分別之。史記、漢書及五臣，同或本作巨。』藝文類聚、司馬文園集亦並作巨。巨之作其，疑涉上『其北』字而誤。

楩相豫章，

正義：『案溫活人云：豫，今之枕木也。……』（枕原誤枕。）

考證：『杭世駿曰：按活人，書名，卽本草也。溫字疑衍。』

案考證引杭說，本殿本考證。

其上則有赤猿蠻蠻，

梁玉繩云：漢傳、文選皆無此四字。且下文有『玄猿素雌，』及『蛭𧕧蠻蠻』之句也。

施之勉云：『五臣本有「赤猿蠻蠻」四字。張森楷曰：毛本蠻作獮。』  
案藝文類聚亦無『赤猿蠻蠻』四字。司馬文園集蠻亦作獮。獮，或體作蠻，蠻又蠻之省也。

兜象野犀，窮奇漫誕。

梁玉繩云：八字漢書、文選皆無。且上句『漫誕』即『漫誕』，而下又有『窮奇象犀』之語也。

案司馬文園集亦無此八字。

於是乃使專諸之倫，手格此獸。

考證：文選、漢書是下有乎字，專作割。

案司馬文園集是下亦有乎字。專、割古通，吳世家：『而吳有專諸之事。』索隱：『專字，亦作割。』刺客傳：『乃求勇士專諸見之光。』索隱：『專，或作割。』並同例。格借爲割，說文：『割，擊也。』

楚王乃駕馴駿之駟，

考證：漢書、文選駿作駢。

施之勉云：五臣本作駢。

案漢傳補注：『駢、駿通假。』俗多以駢爲駿，玉篇：『駢，今作駢。』左烏喙之雕弓，右夏服之勁箭。

索隱：『……案淮南子云：「烏號桑柘，其材堅勁，烏棲其上，將飛，枝勁復起，號呼其上。伐取其材爲弓，因曰烏號。」……』

考證：漢書、文選號作號。

施之勉云：『書鈔一百二十四引喙作號。枚乘七發』：『右夏服之勁箭，左烏號之雕弓。』張雲璈曰：『按虛賦有此二句，而顛倒其辭。王氏學林云：枚叔在相如前，當是相如竊其句。』』

案索隱本喙作號。司馬文園集亦作號，古字通用。莊子庚桑楚篇：『兒子終日喙而噬不嗄。』釋文：『喙，本又作號。』即其比。枚乘七發，相如時當已傳誦士林，相如偶采用此二句耳，不得謂之竊也。索隱引淮南子云云，乃淮南子原道篇高誘注。

纖阿爲御，

索隱：『服虔云：「纖阿，爲月御。」或曰：「美女姣好貌。」又樂彥曰：「……月歷岩度，躍入月中，因名月御也。」』

案漢傳、文選、藝文類聚纖阿，皆作纖阿。文選注引郭璞注：『纖阿，古之善御者，見楚辭。纖音纖。』（漢傳郭注無『見楚辭』三字。）李善云：『楚辭曰：纖阿不御焉。』所引楚辭，見九歎思古，今本作纖阿。黃善夫本、殿本索隱，並略『服虔云：纖阿，爲月御。』八字。『或曰』下增纖阿二字。『岩度』並作『數度。』（岩字涉上文巖字而誤。）『月御也』下更有『郭璞云：纖阿，古之善御者。』十字。纖蓋本作纖，依此正文作纖改之也。

案節未舒，

索隱：『司馬彪云：「……馬足未展，故曰未舒之也。」亦曰未得也。』

施之勉云：索隱『亦曰未得也。』黃善夫本作『亦爲得也。』

案黃善夫本、殿本索隱，『未舒』下並無『之也』二字，當據刪。殿本『亦曰未得也，』亦作『亦爲得也。』當從之。曰字涉上文而誤，未字涉上文而衍。

麟邛邛，𧕧距虛，

集解：『郭璞曰：「邛邛，似馬而色青。距虛即邛邛，變文互言之。」穆天子傳曰：「邛邛距虛，日走五百里」也。』

梁玉繩云：漢傳、文選，麟、𧕧二字互易。

考證：『漢書、文選「邛邛」作「𧕧𧕧」。』中井積徵曰：「邛邛」與「距虛」是二物。』

案藝文類聚作『蹠𧕧𧕧，麟駔驢。』（驢，原誤驢。）司馬文園集作『𧕧𧕧，麟距虛，』與漢傳、文選合。漢傳張揖注：『𧕧𧕧，青獸，狀如馬。距虛，似羸而小。』補注：『後漢廉范傳注：「麟，轘也。」說文：「轘，車所蹠也。」「距虛」一作「駔驢」，一切經音義十三：「駔驢，似羸而小，牛父馬子者也。」』劉氏新論審名篇：「𧕧𧕧巨虛，其實一獸。因其詞煩，分而爲二。」』楊明照劉子注云：『爾雅釋地：「西方（韓詩外傳五、說文虫部同。山海經海外北經作「北海。」呂氏春秋不廣篇、淮南道應篇、說苑復恩篇，則又作「北方。」）有

比肩獸焉，鼠前而兔後，爲邛邛岠盧齧甘草；卽有難，邛邛岠盧負而走。其名謂之麌。」注雅諸家，俱以「邛邛岠盧爲一獸，故孔昭云爾。」（穆天子傳一：「邛邛距盧走百里。」郭注：「亦馬屬。尸子曰：『距盧不擇地而走。』山海經云：『邛邛距盧。』並言之耳。」）然周書王會解：「獨鹿邛邛，孤竹距盧。」漢書司馬相如傳：「蛩邛邛，麟距盧。」皆分爲二獸。說苑復恩篇同。爾雅翼：「邛邛、距盧，蓋二獸。」則以爲一獸者誤也。」楊君之說，大都本於郝懿行爾雅義疏。潛夫論實邊篇：「蛩蛩、距盧，更相恃仰，乃俱安存。」亦以爲二獸。『邛邛』與『蛩蛩』同，當以作蛩爲正。（郝懿行云：邛當作蛩。說文云：蛩蛩，獸也。）『距盧』與『駆驅』、『巨盧』、『岠盧』，皆同。當以作『巨盧』爲正。集解引穆天子傳『日走五百里』，不當有五字。（涉穆天子傳彼文上文『走五百里』而衍。）

軼野馬而轄駒駘，

索隱：「轄駒駘，」上音衛。轄，車軸頭也。謂車軸衝殺之。駒駘，野馬。

考證：『王念孫曰：「軼讀若迭，隱九年左傳：『懼其侵軼我也。』注：『軼，突也。』』漢書、文選無而字。』

案藝文類聚、司馬文園集亦並無而字。考證所引王說，乃王氏漢傳雜志說。王氏又云：『轄讀爲𧔗，𧔗，踢也。莊子馬蹄篇釋文引廣雅曰：「踶，踢也。」說文：「踶，𧔗也。𧔗，踶𧔗也。」（舊本譌作「衛也。」）是𧔗爲踢也。𧔗、轄二字竝音衛，故字亦相通。』（漢傳補注已引王說。）索隱本轄作𧔗，黃善夫本索隱轄作轄。漢傳補注：「轄，說文作𧔗，云：「車軸耑也。或作轄。」俗作轄，因譌作轄耳。」轄亦俗體，非譌字。𧔗、惠古通，故轄又作𧔗也。索隱『轄，車軸頭也。』本郭璞注。『轄音衛，謂車軸衝殺之。』本師古注。『駒駘，野馬。』黃善夫本、殿本索隱，並作『駒音陶，駘音塗。』

乘遺風而射游騏。

索隱：『呂氏春秋云：「遺風之乘。」……韋昭云：「騏如馬一角。」爾雅云：『駕無角曰騏。』非麒麟之騏。』駕音攜。』

考證：漢書、文選無而字。

案藝文類類、司馬文園集亦並無而字。索隱引呂氏春秋云云，見本味篇。黃善夫本、殿本索隱，『一角』並作『無角』，又並略『爾雅云：駕無角曰駢』八字。又索隱『駕音攜』。』本師古注。

儻、呻、淒、剗、

考證：儻，文選作倏，音式六反。

案文選、司馬文園集儻並作倏，漢傳官本作倏，（補注有說。）倏乃倏之俗誤。莊子應帝王篇：『南海之帝爲儻。』藝文類聚八引儻作倏，與此同例。說文：『倏，犬走疾也。』倏、儻正、假字。景祐本『呻淒』作『呻剗』，文選、司馬文園集並作『呻剗』，漢傳作『呻倩』，『呻、呻並呻之誤。』漢傳補注：『呻者，驚疾之貌。蜀都賦：「鷹犬倏呻。」李善注：「呻，驚也。」……倩無疾義，蓋淒之借文。「淒剗」，皆疾也。說文：「淒，雲雨起也。」雲雨之起，其流迅疾。楚辭悲回風：「涕泣交而淒淒兮。」注：「淒淒，流貌。」狀涕泣之下交而疾流也。玉篇：「剗，疾流也。」……二字皆從水而訓爲「疾流」，故賦舉以狀車騎之迅疾矣。』王氏引蜀都賦語，本作『鷹犬倏呻。』劉達注：『倏呻，疾速也。』王氏改引正文倏爲倏，是也。惟彼文李善注未云『呻，驚也。』未知王氏何據。

奮、動、熛、至，

考證：熛，漢書作焱。

案漢傳補注：『焱，史記作熛，文選作焱，案文選是也。焱本作颺，說文：「颺，扶搖風也。」初學記引作「疾風也。」一切經音義十六：「颺，暴風也。」字从焱，非大、非火也。颺，俗省作焱。……。焱無疾義，說文：「焱，火華也。」熛亦無疾義，說文：「熛，火飛也。」史記作熛，蓋因通颺而誤。』既曰通颺，則不得言誤。司馬文園集熛亦作焱。熛、焱並颺之借字，焱非颺之省。

洞、胷、達、腋，

案漢傳、文選、司馬文園集，腋皆作掖，作掖是故書（本字作亦）。腋，俗字。於是楚王乃弭節裴回，

索隱：『……或云：「節，今之所言杖節信也。」……』

案離騷：『吾令羲和弭節兮。』王注：『弭，按也。按節徐步也。』黃善夫本、殿本索隱，並略『或云』至『信也』十一字。

徵𠂇受謫，

索隱：『「徵𠂇受謫」，司馬彪云：「徵，遮也。𠂇，倦也。謂遮其倦者。」𠂇音劇，謫音屈。說文云：「𠂇，勞也。燕人謂勞爲𠂇。」……』

案索隱本、漢傳、文選、司馬文園集，𠂇皆作𠂇。黃善夫本、殿本索隱，𠂇皆作𠂇。𠂇乃𠂇之俗變，𠂇爲𠂇之省。（說文：𠂇，相踦𠂇也。）𠂇借爲𠂇，說文：『𠂇，勞也。』索隱引說文𠂇作𠂇，蓋依所見此文作𠂇改之，又多『燕人謂勞爲𠂇』六字，或所見說文本有此句，惟𠂇本當作𠂇耳。司馬文園集謫作謫。謫，或謫字。（參看漢傳補注。）

於是鄭女曼姬，

正義：『文穎云：「鄭國出好女，曼者，其色理曼澤也。」……』

考證：『顏師古曰：「文說是。」王先謙曰：「曼，美也。鄭女多美，故鄭女爲當時美女恒稱，不必果出自鄭。『鄭女曼姬』，猶言『美女美姬』耳。」』

案『鄭女曼姬』，謂鄭女中之靡曼者也。文說是，王說非。列子周穆王篇：『簡鄭、衛之處子娥姁靡曼者。』是其驗矣。

被阿錫，

集解：『漢書音義曰：阿，細繪也。錫，布也。』

正義：按東阿出繒也。

考證：文選錫從糸，假借字。

案藝文類聚、司馬文園集錫亦並作錫。淮南子脩務篇：『衣阿錫。』高注：『阿，細縠。錫，細布。』列子周穆王篇亦云：『衣阿錫。』張湛注與高注同。文選李善注引列子錫作錫，云：『錫與錫古字通。』漢書禮樂志：『曳阿錫。』如淳注：『阿，細繪。錫，細布。』漢傳張揖注、文選注引張揖注並同。集解引漢書音義，『布也』上蓋脫細字。李斯傳：『阿縞之衣。』集解：『徐廣曰：齊之東阿縣，繒帛所出。』即此正義說所本。惟彼文及此文之阿，皆當釋爲『細繪』。（參看李斯傳。）

襞積褰綉，紓徐委曲，鬱橈谿谷，

集解：……弗鬱迟曲，……

索隱：『小顏云：「襞積，今之裙襡，古謂之素積。」……綉音側救反，鬱音又革反。……「鬱橈谿谷，」孟康曰：「其綉中文理，弗鬱迟曲，有似于谿谷也。」迟，字林音丘亦反。』

梁玉繩云：『紓徐委曲。』漢傳無此四字，且下有『紓餘委蛇』句。

案文選注引張揖注云：『襞積，簡鬱也。襞，縮也。綉，裁也。其綉中文理弗鬱，有似於谿谷也。』（漢傳張注同。集解所引漢書音義，『弗鬱』下多『迟曲』二字。）考異云：『「襞積褰綉，」袁本、茶陵本積作積，音積。……「紓徐委曲，」何校云：「漢書無此四字，無者爲勝。」案以李注引張揖詳之，本無此四字。今史記有，而集解引漢書音義，索隱引小顏、孟康，似二家史記亦與漢書同，並不當有。唯五臣向注云：「紓徐委曲，裙下垂貌。」蓋五臣較多四字而亂之也。各本皆非。』司馬文園集積亦作積，積乃後起字。鍾嶸詩品序：『襞積細微。』『襞積』二字本此。景祐本、黃善夫本、殿本集解，『迟曲』皆誤『迴曲』。『索隱』『綉，音側救反。』本師古注。黃本、殿本索隱引小顏注，並作『此說非也。襞積，今之羃攝，古謂之皮弁素積是也。』蓋據漢傳師古注改之，惟攝乃攝之誤。又黃本、殿本索隱，『叉革』並作『助革』，並略『鬱橈谿谷，』孟康曰：其綉中文理，弗鬱迟曲，有似于谿谷也。』二十二字，末句迟字並誤曲。

紳紳袴袴，揚施卽削，

集解：『……駟秦漢書音義曰：卽削，裁制貌也。』

索隱：『張晏曰：揚，舉也。施，衣袖也。卽削，裁制貌也。』

考證：漢書施作施，漢書、文選卽作戌。

案漢傳補注引錢大昭曰：『說文：紳，長衣貌。裯，長衣貌。』司馬文園集『紳紳袴袴，』作『紛紛霏霏，』卽亦作戌。紳、霏乃紳、袴之借字。施與祫同，廣雅釋器：『祫，袖也。』文選卽作戌，李善注：『戌音卽。』並引張揖注：『戌削，裁制貌也。』集解引漢書音義戌作卽，依此正文作卽改之也。黃善夫本、殿本索隱並略『祫，衣祫也。』四字。

蜚纖垂鬚，

考證：『漢書纖作襯。文選……李善曰：襯與燕尾，皆婦人桂衣之飾也。蜚，古飛字也。鬚所交切。』

案藝文類聚、司馬文園集『蜚纖』並作『飛襯』。文選襯亦作襯，襯乃後起字。文選李善注云云，本師古注。

扶與猗靡，

集解：『郭璞曰：淮南所謂「曾折摩地，扶與猗委」也。』

正義：輿音餘。猗，於綺反。謂鄭女曼姬侍從王者，扶其車輿而猗靡。

考證：『扶與，』正義本作『扶輿。』與漢書、文選合。

施之勉云：景祐本、凌本作『扶輿。』

案殿本亦作『扶輿，』集解郭注同。楚辭九懷昭世洪補注引正文及郭注亦並作『扶輿。』並云：『今淮南子云：曾撓摩地，扶於猗那。』藝文類聚、司馬文園集『扶與』亦並作『扶輿。』景祐本正文雖作『扶輿，』而郭注則作『扶與。』與、輿古通，匈奴傳有說。洪氏引淮南子，見脩務篇，高誘注：『扶於，周旋也。』（俗本『扶於，』正文誤『扶旋，』注文誤『扶轉。』王念孫淮南雜志有說。）是也。郭注引淮南子作『扶與，』一作『扶輿，』並與『扶於』同。漢傳張揖注：『扶持楚王車輿相隨也。』正義釋『扶輿』爲『扶其車輿，』卽本張注，乃望文生訓。惟張氏釋『猗靡』爲『相隨，』則是。（『猗委、』『猗那，』並與『猗靡』同。）『扶與猗靡，』卽『周旋相隨』之貌。漢傳補注引劉奉世云：『「扶輿猗靡，」此言衣裳稱美之貌耳。』未得其義。

嗛呷萃蔡，

集解：『漢書音義曰：……萃蔡，衣聲也。』

考證：『漢書、文選嗛作翕。王先謙曰：「翕呷萃蔡。」衣之聲。』

案司馬文園集嗛亦作翕，翕借爲吸。嗛或歛字。歛與吸義略同。莊子齊物論篇：『吸者。』釋文引司馬彪云：『若噓吸聲也。』文選木玄虛賦：『猶尙呀呷，餘波獨湧。』李善注：『呀呷，波相吞吐之貌。』波相吞吐則有聲。此文『呷，』所以狀衣之聲，王說是。王氏又云：『文選琴賦：「新衣翠粲。」注引此

「萃蔡」作「翠粲」，「蔡、粲一聲之轉。」琴賦注引張揖注（即集解所引漢書音義）亦作『翠粲』，『疑並依彼正文作『翠粲』而改之。』

下摩蘭蕙，

正義：『顏云：「下摩蘭蕙，」謂垂鬚也。』

考證：文選摩作靡，李善作摩，古靡、摩通。

案黃善夫本正義所引顏注，靡作靡，今本漢傳師古注作靡。文選注：『或摩蘭蕙。』胡氏考異云：『善正文作靡，此靡字誤。五臣作靡，袁、茶陵二本有明文。今史記、漢書作靡，而張守節正義及顏注中仍作靡，靡者古靡字之通用，恐亦靡是靡非也。』竊疑文選正文作靡，注作靡，李善蓋以靡說靡耳。

錯翡翠之威蕤，

考證：漢書威作歲。

案藝文類聚、司馬文園集威亦並作歲。歲、歲古、今字。

縹乎忽忽，若神仙之彷彿。

正義：『戰國策云：鄭之美女，粉白黛黑而立於衢，不知者謂之神仙。』

考證：漢書、文選，『縹乎』作『眇眇』，『彷彿』作『旁鬢』。漢書無仙字。（仙，原誤神。）

案藝文類聚、司馬文園集，亦並作『眇眇忽忽，若神仙之旁鬢。』『縹乎』與『眇眇』同義，並遠視貌。文選海賦：『羣仙縹眇。』注：『縹眇，遠視之貌。』『旁鬢』乃『彷彿』之異文。漢傳郭璞注：『戰國策曰：鄭之美女，粉白黛黑而立於衢，不知者以爲神也。』可證郭所見正文神下無仙字。正義引戰國策云云，即本郭注，惟末句『神也』作『神仙』，乃依此正文作『神仙』改之也。戰國策楚策三，末句作『非知而見之者以爲神。』（非猶不也。）是神下本無仙字。文選此文雖作『若神仙之旁鬢』，而李善注：『若神，已見上文。』是李所見本本無仙字也。胡氏考異云：『袁本、茶陵本云：「善無仙字。」案詳注意，善不當有甚明。漢書無。今史記亦誤衍，并正義所引戰國策末亦贅以仙字，誤之甚矣！』其說可參。

於是乃相與獫於蕙圃，

案漢傳乃下有羣字。

盤 瑶勃窣，上金堤。

索隱：『盤獮勃猝，韋昭曰：「盤獮，匍匐上下也。」猝，音素忽反。』

考證：漢書、文選璠作姍，文選上下有乎字。

案司馬文園集作『盤姍勃窣，而上乎金隄。』索隱本盤作盤，盤之與盤，姍之與姍，並古字通用。索隱本姍、窣二字作獮、猝，疑涉上文獮字从犬而誤。文選敦作敦，注引韋昭曰：『盤姍敦窣，匍匐上也。』索隱所引韋注，盤字既誤，也上又衍下字。敦乃勃之俗變。

纖繳施。

案漢傳、文選纖並作纖。說文：『纖，銳細也。』段注：『纖與繳音義皆同，古通用。』

連駕鵝，

集解：……駕音加。

索隱：『……郭璞曰：野鵝也。』

考證：駕，諸本作駕。今從索隱單本、中統、游、毛本，漢書、文選亦作駕。

施之勉云：黃善夫本作駕。

案景祐本駕作駕（集解作駕），司馬文園集亦作駕。黃善夫本作駕，施氏失檢。殿本亦作駕。左定元年傳，魯大夫有榮駕鵝，阮元校勘記云：『石經、淳熙本、岳本，駕作駕，與葉抄釋文合。案說文無駕字。錢大昕云：依正文當用鳴，假借同音，則駕亦通也。』廣雅釋鳥：『鳴鵝，鳩也。』王氏疏證云：『鳩與鴈同，或作雁。鳴或作駕，鳴鵝以象其聲。』駕爲後起字，則史、漢、文選此文，故本皆當作駕。今本文選作駕。考異云：『茶陵本云：「駕，舊作駕。」案注云：「而因連駕鵝也。」字正作駕。史記、漢書亦皆作駕。駕者鳴之假借。』是也。黃善夫本、殿本索隱，並略『郭璞曰：野鵝也。』六字。

怠而後發，游於清池。

梁玉繩云：漢傳無發字，作一句讀，甚是。

案漢傳補注引宋祁曰：『浙本、南本後字下並有發字。』

揚桂柂，

梁玉繩云：漢傳、文選桂作旌。

施之勉云：書鈔一百三十七引，桂亦作旌。

案藝文類聚、司馬文園集桂亦並作旌。

釣紫貝，

案文選、藝文類聚、司馬文園集釣皆作鉤，鉤亦釣也。古謂鉤爲釣，廣雅釋器：『釣，鉤也。』

奔揚會。

施之勉云：『五臣本作「奔物會。」類聚六十六引同。呂延濟注曰：奔物，謂急波也。』

案漢傳補注：『官本考證：「文選作：奔物會。」謂五臣本也。』

琅琅磕磕，若雷霆之聲，聞乎數百里之外。

考證：漢書『琅琅』作『琅琅，』里下無之字。

案漢傳補注：『錢大昭曰：「楚詞九思云：『雷霆兮琅磕。』說文：『琅，石聲。磕，石聲。』」宋祁曰：「江南本里字下有之字。」』琅、琅正、假字。磕、磕正、俗字。楚詞九思怨上，磕本作磕，錢氏改俗從正耳。

起烽燧。

案漢傳烽作燧，後上林賦：『聞烽舉燧燔，』亦作燔。烽乃燔之俗省。

班乎裔裔，

考證：漢書、文選現作般。

案司馬文園集班亦作般，古字通用，易屯：『乘馬班如。』釋文：『班，鄭本作般。』卽其比。

於是楚王乃登陽雲之臺，

集解：『徐廣曰：「宋玉云：楚王游於陽雲之臺。」』

梁玉繩云：『漢傳亦作陽雲。據孟康注，當從文選作「雲陽。」此本對以雲夢之事也。孟康曰：雲夢中有高唐之臺，宋玉所賦者，言其高出雲之陽也。』

施之勉云：『五臣本作陽雲。許巽行云：「史記、漢書並作陽雲。江淹擬休上人

詩云：『悵望陽雲臺。』玉臺新詠同。宋玉大言、小言二賦，並云『陽雲之臺。』

寰宇記曰：『巫山縣西有陽臺古城，亦曰陽雲臺，高一百二十丈，南枕長江。張九齡有登古陽雲臺詩。』然則作『雲陽』者非矣。』』

案藝文類聚亦作陽雲。司馬文園集作『雲陽』，與李善本文選合。據孟康注，則所見漢傳本作『雲陽』無疑。惟徐廣既引宋玉賦以證此文，則所見史記蓋又作陽雲矣。孟注較早，子虛賦當原作『雲陽』較可信。至於江淹、張九齡詩之作陽雲，寰宇記之釋陽臺，皆直本於宋玉賦，未足以證子虛賦之原不作『雲陽』也。

泊乎無爲，澹乎自持。

案漢傳補注：『泊、澹，文選作怕、憺。』李善注：『老子曰：『我獨怕然而未兆。』說文：『怕，無爲也。』廣雅：『憺、怕，靜也。』憺與澹同，怕與泊同。』』泊（泊之隸變）、澹乃怕、憺之借字。李善所引老子怕字，一本亦作泊。

不若大王終日馳騁而不下輿，將割輪淬，自以爲娛。

集解：『郭璞曰：「將，𦥑。淬，染也。」將音𦥑也。』

考證：漢書、文選而作曾，淬作綈。

案司馬文園集與漢書、文選同。藝文類聚而亦作曾。淬、綈古通，漢書王褒傳；『清水綈其鋒。』文選王褒聖主得賢臣頌綈作淬，卽其比。孫詒讓云：『集解引郭璞云：「將音𦥑。」漢書司馬相如傳顏注云：「將字與𦥑同。」呂氏春秋察今篇：「嘗一將肉。」意林引作𦥑。』（札逐六。）集解『將音𦥑』，當是裴駰注，非郭注。文選注引郭注：『綈，染也。』李善曰：『將音𦥑。』（本集解。）若『將音𦥑』是郭注，善當連引於郭注之下矣。

於是王默然無以應僕也。

考證：文選王上有齊字，漢書、文選無『默然』二字。

案司馬文園集亦作『於是齊王無以應僕也。』

足下不遠千里來況齊國，

集解：『郭璞曰：言有惠況也。』

案漢傳補注：『[況]文選作覩，引郭璞曰：言有惠覩也。』司馬文園集亦作覩，況、覩古、今字。文選注引郭注作『言有惠賜也。』非作『惠覩。』又文選李善

注引戰國策曰：『秦王謂蘇秦曰：今先生不遠千里而庭教。』見秦策一。孟子梁惠王篇，梁惠王謂孟子曰：『叟，不遠千里而來。』

而備車騎之眾，以出田。

案漢傳、文選、司馬文園集皆無而字，以字皆作『與使者』三字。以下疑本有『使者』二字，今本脫之，以猶與也。

先生之餘論也。

正義：先生，言子虛也。

案正義說，本師古注。

而盛推雲夢以爲高，奢言淫樂而顯侈靡。

案漢傳高作驕，補注引朱一新云：『文選驕作高，李善注引郭璞曰：「以爲高談也。」奢屬下讀，引郭璞曰：「奢，闊也。」文義甚明，此誤。』謂奢字屬下讀，是也。惟驕非誤字，說文：『馬高六尺爲驕。』是驕自有高義。仲尼弟子列傳：『顏高，字子驕。』（孔子世家、漢書古今人表並作顏刻，朱駿聲云：「刻假借爲高，刻、高雙聲。」參看仲尼弟子列傳。鄭玄注：「高與驕義正相因也。）高與驕義正相因也。

有而言之，是章君之惡；無而言之，是害足下之信。

梁玉繩云：『有而言之，是章君之惡。』文選無此二句。漢傳亦有之，然李善以有者爲非。

考證：漢書惡下、信下有也字。

施之勉云：五臣本有『有而言之，是章君之惡。』九字。

案司馬文園集亦有『有而言之，是章君之惡。』九字，惟章作彰，下同。（文選下文亦作彰。）作章是故書。文選信下亦有也字。

且齊東墮巨海，

索隱：墮，蘇林音渚。……

梁氏志疑所據湖本墮作有，云：『漢傳、文選及索隱本皆作「東墮，」則有字譌。』

案黃善夫本、殿本墮亦並誤有。文選李善注引聲類云：『墮，或作渚。』藝文類聚、司馬文園集墮並作渚。朱駿聲云：『子虛賦：「齊東墮鉅海。」越語：「龜

眡之與同階。」注：「水邊亦曰階。」（說文通訓定聲。）漢傳、文選、司馬文園集互皆作鉅，鉅、巨正、假字，其例習見。

邪與肅慎爲鄰，

正義：邪，謂東北接之。

施之勉云：「張雲璈曰：『師古曰：『邪讀爲左。』』按古左與邪通，禮記王制：『執左道以亂政殺。』盧植云：『左道，謂邪道。』』」

案張氏謂『古左與邪通。』是也。商君列傳：『今君又左建外易。』左、外亦並與邪同義。師古注『邪讀爲左。』補注：『左，官本作斜。是。引宋祁曰：注文斜，或作袤。』左之作斜或袤，乃後人不明邪有左義而改之耳。又師古注左下云：『謂東北接也。』即正義說所本。

株田乎青丘，

索隱：『郭璞云：山名，出九尾狐也。』

正義：『服虔云：「青丘國，在海東三百里。」郭璞云：「青丘，山名，上有田，亦有國，出九尾狐，在海外。」』

殿本考證：今本山海經注，無『上有田』三字。『亦有國』者，海外東經又有青丘國也。

施之勉云：『張森楷曰：案煥字，毛本作秋，同。煥之爲言擎也。擎，聚也。』「擎田，」猶「聚田」也。非四時之煥也。見禮記鄉飲酒義及爾雅釋詁。

案漢傳、文選、藝文類聚、司馬文園集煥皆作秋。青丘出九尾狐，然則『煥田』者，似謂秋日田獵也。黃善夫本、殿本並略索隱。

曾不蒂芥。

案不猶無也。記纂淵海五一引『蒂芥』二字倒。

若乃俶儻瑰偉，

正義：俶儻，猶非常也。

案正義說，本師古注。文選注引郭璞注：『俶儻，猶非常也。』又師古注所本矣。黃善夫本、殿本並略正義。

萬端麟萃，

考證：漢書、文選萃作萃。

施之勉云：五臣本作萃字。

案文選注引張揖注：『峩與萃同，集也。』萃、峩正、假字，小爾雅廣言：『萃，集也。』

充仞其中者，

案文選、司馬文園集仞並作仞，李善注引廣雅（釋詁一）曰：『充、仞，滿也。』仞、仞正、假字，

禹不能名，契不能計。

正義：禹爲堯司空，辨九州土地山川草木禽獸。契爲司徒，敷五教，主四方會計。言二人猶不能名計其數。

案漢傳、文選、司馬文園集契並作嶼。嶼，古契字。正義說，兼本張揖、師古注。

是以王辭而不復，何爲無用應哉？

王氏雜志所據震澤王氏本不下有能字，云：「能字後人所加。此言王不敢言遊戲之樂，苑圃之大；又以客禮待先生，是以辭而不復。非無以應也。若云「不能復」，則卽是無以應，與下句義相反矣。漢書、文選、及藝文類聚產業部，引此並作「王辭不復。」索隱本作「王辭而不復。」皆無能字。」

考證：各本不下有能字。篇首至此，相如賦前半，武帝所驚嘆，文選題曰子虛賦。以下召見之日所記奏，文選題曰上林賦。

案司馬文園集亦作『王辭而不復。』又下句用作以，漢傳、文選、藝文類聚亦皆作以，用猶以也。藝文類聚、司馬文園集，以下亦題曰上林賦。

無是公忻然而笑，

索隱：『說文云：忻，笑貌。』

案索隱說，本李善注。黃善夫本、殿本索隱，並作『听音斷，又音牛隱反。』本師古注。

齊亦未爲得也。

案漢傳、文選、藝文類聚、司馬文園集，齊上皆有而字。

非爲財幣，

案司馬文園集幣作帛，恐非其舊。

故未可也。

考證：舊刻、毛本故作固，與漢書、文選合。故、固，通假。

施之勉云：景祐本故作固。

案司馬文園集故亦作固。

而正諸侯之禮，徒事爭游獵之樂，

案漢傳、文選並無而字，爭下並有於字。司馬文園集亦無而字。

而適足以貶君自損也。

案漢傳、文選並作卑，文選注引晉灼注：「卑，古貶字也。」

又焉足道邪？

案漢傳、文選、司馬文園集，焉皆作烏，義同。

獨不聞天子之上林乎？

案獨猶何也。

左西極，

正義：「……爾雅云：「西至於幽國爲極。」……」

施之勉云：凌本正義爲下有西字，文選注爲下亦有。此脫西字。

案漢傳文類注爲下亦有西字。

丹水更其南，紫淵徑其北，

案師古注：「更，歷也。」徑與經通。釋名釋道：「徑，經也。」徑，俗徑字。

下文「徑乎桂林之中。」考證：「文選徑作經。」司馬文園集亦作經。亦徑、經通用之證。

終始霸、滻，

考證：文選霸作瀾，漢書滻作產。

案藝文類聚、司馬文園集霸亦作瀾。作霸、產是故書。

鄖、鄗潦潏，紓餘委蛇。

索隱：「張揖云：「豐水，出鄖縣南山豐谷北入渭。鎬，在昆明池北。」郭璞

云：「鎬水，豐水下流也。」……』

案索隱本『酆、鄗』作『豐、鎬』，『與所引張、郭注合。藝文類聚作『灋、鎬』，『灋』乃後起字。豐與酆，鎬與鄗，並古字通用。漢傳、文選、司馬文園集，亦皆作鎬。下句藝文類聚作『紂徐逶迤』，司馬文園集蛇作迤。迤，或迤字。餘與徐，蛇與迤，亦並古字通用。

蕩蕩兮八川，

考證：漢書、文選兮作乎。

案藝文類聚、司馬文園集兮亦並作乎。兮猶乎也，並狀事之詞。

分流相背而異態，

案淮南子說山篇：『分流舛馳。』

出乎椒丘之闕，

索隱：『服虔云：「丘名。楚詞曰：『馳椒丘且焉止息』也。案兩山俱起，象雙闕。」如淳曰：「丘多椒也。」』

案清胡紹瑛文選箋證十：『上林賦：「出乎椒邱之闕。」善曰：「楚辭曰：『馳椒邱且焉止息』也。」史記如淳曰：「邱多椒也。」按本書月賦：「菊散芳於山椒。」善注引楚辭王逸注曰：「土高四墮曰椒邱。」卽此引離騷注文也。又引漢書武帝傷李夫人賦曰：「釋子馬於山椒。」山椒，山頂也。廣韻：「山巔曰嶠。」然則椒卽嶠同音之假，非因多椒而名也。」據此，則『椒丘』非丘名。（李善注引楚辭云云，本服虔注。）朱駿聲亦有類此之說，惟謂楚辭（離騷）、上林賦、月賦諸椒字，皆借爲鐵，鐵卽今尖字，尖、椒一聲之轉。（說文通訓定聲。）又黃善夫本、殿本索隱，並作『服虔云：「丘名也。案兩山俱起，象雙闕，故云『椒丘』之闕。」楚詞曰：『馳椒丘且焉止息。』是也。』如淳云：「丘多椒也。」』

過乎渢莽之野，

考證：文選莽作漭。

案司馬文園集莽亦作漭。漭，後起字。漢傳、文選野並作漭，說文：『漭，古文野。』下文『足野羊，』『跨野馬，』漢傳、文選亦並作漭。

汨乎渢流，

考證：漢書、文選渾作混。

案汨當作汨，本字作渾，說文：『汨，水流也。从沝曰聲。』段注：『上林賦曰：「汨乎混流，」又曰：「汨急漂疾。」方言：「汨，疾行也。」注云：「汨汨，急兒。于筆切。」此用汨爲汨也。』（段氏所引方言，今本正文、注文汨亦並誤汨。）下文『渢渢滌汨。』索隱引司馬彪云：『滌汨，去疾也。』汨亦當作汨。司馬文園集渾亦作混。漢傳補注：『混、渾古通用。』

赴隘陝之口，

考證：漢書、文選陝作陥。

案『隘陝，』複語。說文：『陝，隘也。』俗作陥，亦作狹。

洶湧滂潰，

索隱：『「洶湧澎湃，」司馬彪云：「洶湧，跳起貌。澎湃，相戾也。」湧，或作容。彭，或作滂。』

考證：漢書、文選『滂潰』作『澎湃。』

案索隱本作『洶湧澎湃。』涌、湧正、俗字。漢傳、文選『滂潰』並作『彭湃，』（非作『澎湃。』）司馬文園集潰亦作湃。潰，或沸字。漢傳補注：『彭、旁古通，故彭亦爲滂。玉篇彭下云：「彭涇，滂沛也。」涇卽沛字音轉異文，說文無澎湃字。』說文亦無彭字，作彭是故書。文選注引司馬彪注：『洶涌，跳起也。彭湃，波相戾也。』索隱所引彪注，涌作湧，彭作澎，依彼所據正文『湧澎』二字改之也。黃善夫本、殿本索隱，『相戾也，』並作『波相振也。』有波字與文選注所引彪注合。振，俗戾字。

渢滌滌汨，

索隱：『司馬彪云：渢沸，盛貌。滌汨，去疾也。』

考證：漢書、文選『滌澆』作『弗宓。』

施之勉云：五臣本作『沸澆。』

案文選注引司馬彪注：『畢弗，盛貌也。』與索隱引作『渢沸』異。索隱既引彪注作『渢沸，』疑所據正文澆亦作沸，司馬文園集亦作沸。說文無渢、澆二字，當作『畢沸』爲正。弗乃沸之借字。說文：『沸，畢沸，濫泉也。』段注：『畢，

一本从水作澤，上林賦「澤弗，」蘇林曰：「澤音畢。」則古非無澤字。泉下小途有也，按也當作兒。詩小雅（采菽）、大雅（瞻仰）皆有「觱沸檻泉」之語。傳云：「觱沸，泉出貌。檻泉，正出。」釋水曰：「濫泉正出。」正出，涌出也。司馬彪注上林賦曰：「澤弗，盛兒也。」按「畢沸，」疊韵字。毛詩觱、檻，皆假借字。」詩箇字本作觱，乃觱之俗誤。漢傳、文選『濫汨』並作『宓汨』。」說文無濫字，當作密。汨當作渢，上文有說。文選注引蘇林注：「宓音密。」又引司馬彪注：「宓汨，去疾也。」索隱引彪注宓作濫，依此正文作濫改之也。宓、密古通，說文：「宓，安也。」段注：「此字經典作密，大雅：「止旅乃密。」傳曰：「密，安也。」按上林賦「宓渢，」去疾也。義似異而實同。」引汨作渢，是也。

湧測泌瀶，

索隱：「司馬彪云：「湧測，相迫也。泌瀶，相楔也。」郭璞云：「逼側筆櫛四音。」」

考證：漢書、文選『湧測』作『逼側』。」

案司馬文園集『湧測』亦作『逼側』，並古字通用。禮記內則：「不共湧浴。」釋文：「湧，本又作逼。」即湧、逼通用之證。廣雅釋詁一：「側，度也。」王念孫疏證改側爲測，不知側、測古通也。（朱駿聲謂側借爲測。）『逼側』，複語，釋名釋姿容：「側，逼也。」文選注引司馬彪注：「逼側，相迫也。」索隱引彪注作『湧測』，依此正文作『湧測』改之也。殷本索隱『相楔』作『相揳』，文選注引彪注楔亦作揳。作揳是，俗書从才、从木之字多相亂。文選枚叔七發：『渢渢潺湲。』（渢原誤汨。）李善注：「瀶，泌瀶，波相揳也。」蓋本此文彪注。漢傳補注：「揳同擊，史記貨殖傳：揳鳴琴。」楚辭招魂：「揳梓瑟些。」王注：「揳，鼓也。」鼓亦擊也。又黃善夫本、殷本索隱，並略。郭璞云：逼側筆櫛四音。」九字。

澎湃沆瀣，

索隱：「「滂濞沆溉，」溉亦作瀣。」司馬彪云：「滂濞，水流聲也。沆溉，徐流。」」

正義……溉，胡代反。

王念孫云：索隱、正義〔瀘〕並作溉，蓋舊本相承如是。說文無瀴字，則作溉者是也。今本既改溉爲瀴，又改索隱之『溉亦作瀴』，『爲『瀴亦作溉』』斯爲謬矣！漢書、文選竝作溉。

梁玉繩云：瀴乃溉之譌。

考證：漢書、文選作『滂濞沈溉』。

案司馬文園集亦作『滂濞沈溉』。據索隱引司馬彪注云云，則史記故本固如是。

王氏所稱今本，蓋震澤王氏本。黃善夫本、殿本索隱，『溉亦作瀴』，『亦並改爲『瀴亦作溉』』。

穹隆雲撓，

索隱：『「穹崇雲撓」，服虔云：「水旋還作泉也。」……』

考證：索隱本撓作撓，與漢書、文選合。

案索隱本隆作崇，避玄宗諱改之也。司馬文園集撓亦作撓。師古注：『撓，曲也。』撓、撓正、假字。

婉瀉膠戾，

索隱：『司馬彪云：「婉瀉，展轉也。膠戾，邪曲也。」音婉善交戾四音也。』

案漢傳、文選並作『宛潭膠蠡』，司馬文園集『婉瀉』亦作『宛潭』。瀉蓋潭、潭二字之合體，从亶、从單之字古通用。（如禪亦通潭。）文選嵇康琴賦：『蛩蟻相糾。』蛩與婉同。李善注：『蛩蟻，展轉也。』即本文司馬彪注。本字當作『宛蟻』，說文：『蟻，宛蟻也。宛，轉臥也。』文選注引司馬彪注：『宛潭，展轉也。膠蠡，邪屈也。』索隱引彪注『宛潭』作『婉瀉』，『膠蠡』作『膠戾』，依此正文作『婉瀉膠戾』改之也。惟索隱本戾字及所引彪注戾字，蓋本作蠡，否則無庸音戾矣。師古注：『蠡，古戾字。』黃善夫本、殿本索隱，『音婉』並作『音宛』。恐非其舊。

莅莅下瀨，

索隱：『司馬彪云：莅莅，水聲也。』

考證：漢書、文選莅作瀨。

案文選注引司馬彪注：『滌滌，水聲也。』索隱引滌作蒞，依此正文作蒞改之也。蒞與滌同。（本字作蹠。）

批嚴衡壅，

正義：『壠，巖。司馬彪云……壅，曲隈也。』

考證：漢書、文選壠作巖。

施之勉云：『景祐本、黃善夫本、凌本，壠作巖。胡紹瑛曰：「按周官秋官序官雍氏注：『雍，謂隄防止水也。』壅與雍同。」』

案殿本壠亦作巖，司馬文園集同。壠，或巖字。漢傳、文選、司馬文園集壅並作擁。本字作邕，說文：『邕，四方有水自邕成池者。』擁（攢之隸變）、雍（離之隸變）並借字。壅，俗字。文選注引司馬彪注：『擁，曲隈也。』（師古注同。）正義引彪注擁作壅，依此正文作壅改之也。

湛湛隱隱，砰磅訇磕，

正義：……訇，呼宏反。磕，苦蓋反。皆水流鼓怒之聲也。

考證：漢書、文選湛作沈。

案司馬文園集湛亦作沈。湛、沈古、今字。陳涉世家：『涉之爲王，沈沈者。』集解引應劭曰：『沈沈，宮室深邃貌。』凡深邃皆可狀以『沈沈』。漢傳補注：『文選注：「沈沈，深貌也。隱隱，盛貌也。」「隱隱，」言水聲殷然也。與下四字義貫。文選閒居賦：「隱隱乎！」注：「隱隱」一作「殷殷」，音義同。』正義：『訇，呼宏反』以下，本師古注。

汨汨漂疾，

案汨當作汨，上文有說。文選、司馬文園集汨並誤濺，胡氏文選考異云：『袁本濺作汨，云：「善作濺。」茶陵本云：「五臣作汨。」』

安翔徐徊，

案景祐本徊作徊，漢傳同。文選、司馬文園集並作徊。當以作徊爲正。

東注大湖，

正義：太湖，在蘇州西南。

考證：正義大作太，與文選合。

案司馬文園集大亦作太，作大是。漢傳補注引齊召南曰：『此大湖，指關中巨澤言之。凡巨澤瀦水，俱可稱大湖。』

於是乎蛟龍赤螭，

索隱：『文穎曰：「龍子曰螭。」張揖云：「雌龍也。」』

案黃善夫本、殿本並略索隱。

鯀鰐晉螭離，

考證：漢書、文選螭作漸。

案藝文類聚、司馬文園集螭亦並作漸，螭、漸正、假字。漢傳補注：『文選注引司馬彪云：漸離，魚名也。』

鷁鱠鰐鯀，

集解：『駟案郭璞曰：鱠似鰐而黑。』

案說文：『鱠，鱠魚也。』段注：『史記上林賦：「鷁鱠鰐鯀，」漢書、文選鱠皆作鰐，非是。據許書，鰐、鱠劃然二物；且郭注上林云：「鱠，常容反。」與鱠字音正同。假令從容聲，則不得反以「常容」矣。郭云：「鱠似鰐而黑。」陸璣云：「鱠，徐州人謂之鰐，或謂之鱠。」』司馬文園集鱠亦作鰐。漢傳郭璞注：『鰐，音常容反。鱠似鰐而黑。』（文選注引郭注同。）與集解及段注引郭注鱠並作鱠異。段注引郭注作鱠，蓋因『音常容反』則當作鱠而改之。竊以爲如段說，郭所據本當定作鱠。他本亦自有作鰐者，朱駿聲謂鰐借爲鱠，（說文通訓定聲。）可備一解。

禹禹鱠鯀，

集解：……鱠，一作鯀。鯀音納，一作鰐，音榻。

考證：漢書、文選『鱠鯀』作『鯀鰐』。

案藝文類聚、司馬文園集『鱠鯀』亦並作『鯀鰐』，古字通用。漢傳郭璞注：『鯀，比目魚也。鰐，鯢魚也。似鮎，有四足，聲如嬰兒。』（文選注引郭注同。）廣雅釋蟲：『鯀，鯢也。』王氏疏證謂郭注本廣雅爲訓。鯢魚卽人魚也。

捷鰭擢尾，振鱗奮翼，

考證：漢書、文選擢作掉，

案藝文類聚、司馬文園集擢亦並作掉，掉、擢正、假字。漢傳師古注：『掉，搖也。』（本說文。）稍注：『文選注引高唐賦曰：振鱗奮翼。』

潛處于深巖，

案漢傳、文選、藝文類聚、司馬文園集，于皆作乎，于猶乎也。

明月珠子，玓瓅江靡，

索隱：『「玓瓅江靡」，應劭曰：「靡，邊也。明月珠子，生於江中，其光耀乃照於江邊。」張揖曰：「靡，涯也。」郭璞曰：「玓瓅，照也。」』

考證：索隱本『玓瓅』作『玓瓈』，與漢書、文選合。

案漢傳補注：『沈欽韓曰：「吳都賦：『灌明月于漣漪。』注云：『灌光珠於麗水』。又郭璞江賦：『玉珧海月。』注：『臨海水土物志曰：海月，大如鏡，白色正圓。』則明月乃海月也。珠子，謂蚌也。江賦：『瓊蚌唏噓以瑩珠。』」明月、珠子二物，沈說是。』據鄒陽傳言『明月之珠』，則『明月珠子』，似亦可爲一物。索隱本、漢傳、文選『玓瓅』皆作『玓瓈』。考證本作『玓瓈』，改的爲玓耳。（說文無玓字。）藝文類聚、司馬文園集亦並作『玓瓈』。文選李善注：『說文曰：「玓瓈，明珠光也。」「玓瓈」與「玓瓅」音義同。』的、瓈並俗字。（善引說文『明珠光』，各本說文光作色，段注本改作光。）又黃善夫本、殿本索隱，並略『靡，邊也。』及『張揖曰：「靡，涯也。」郭璞曰：「玓瓈，照也。」』共十六字。

水玉磊砢，

集解：『郭璞曰：水玉，水精也。』

施之勉云：御覽八百八，引『水玉』作『水精』。

案御覽引『水玉』作『水精』，乃依郭注改之也。類書引書，往往依注文改正文。水精，卽水晶也。漢傳補注：『文選注引山海經曰：「堂庭之山，其上多水玉。」郭璞曰：「磊砢，魁羃貌也。」』所引山海經，見南山經。

磷磷爛爛，采色端旰，叢積乎其中。

正義：皆玉石符采映耀於水中也。

考證：漢書、文選旰作汗。

案司馬文園集「吁」亦作汗，古字通用。『皓吁，』盛貌。亦作『皓吁，』文選何平叔景福殿賦：『皓皓吁吁，丹彩煌煌。』李善注：『吁吁、煌煌，皆盛貌。』漢傳郭璞注：『皆玉石符采映曜也。』（文選注引郭注同。）即正義說所本。

鴻鵠鷁鷀，駒賦鷁鷀

正義：……若時有雨，鳴。……

考證：漢書、文選，『鵠鷀』倒，『鷁鷀』作『屬玉。』

案漢傳鴻作鳩，師古注：『鳩，古鴻字。』藝文類聚、司馬文園集『鵠鷀』二字亦倒。『駒賦，』已詳前。司馬文園集『鷁鷀』亦作『屬玉，』說文無『鷁鷀』二字。黃善夫本、殿本正義，鳴並誤鴻。（漢傳補注引正義亦誤鴻。）

駢鶡鰣目，

索隱：『鰣目，郭璞云：「未詳。」』小顏云：「……目旁毛長而旋。此其旋目乎？」鰣音旋。』

正義：『郭云：駢鶡，似鳬而腳高，……』

考證：漢書、文選作『交精旋目。』

案司馬文園集亦作『交精旋目。』黃善夫本、殿本正義『駢鶡』作『交青，』青疑精之壞字。文選注引郭注作『交精，』可證也。然則正義本亦作『交精』矣。

說文：『駢，駢鶡也。』段注：『釋鳥：「鳩，駢鶡。」』史記上林賦：「駢鶡，」漢書作「交精。」爾雅音義曰：「本亦作『交精』。」』朱駿聲云：『按此鳥以交目得名，睛交而孕，上林賦「交精旋目。」字作「交精，」是也。』說文無鰣字。（作鷁同。）漢傳郭璞注：『旋目，未聞也。』索隱引郭注作『鷁目，』（黃善夫本、殿本索隱，並作『郭璞云：鰣目，未詳。』）依彼所據正文作『鷁目』改之也。又黃本、殿本索隱，毛下並有皆字，（漢傳師古注同。）『旋目』二字作是字，（非師古注之舊。）『音旋』下更有『漢書亦作「旋目」。』六字。

煩鷙鷄渠，

集解：『……索漢書音義曰：煩鷙，鳩也。鷄渠，似鷙，灰色而雞足。』

索隱：『「煩鷙鷄渠，」郭璞云：「煩鷙，鷂屬。鷄渠，一名章渠也。」』

考證：漢書、文選作『庸渠。』

案司馬文園集亦作『庸渠，』乃『鷁鰈』之省。漢傳郭璞注及文選注引郭注，亦並作『庸渠。』集解引漢書音義作『鷁鰈，』依此正文作『鷁鰈』改之也。索隱本作『鷁渠，』引郭注亦作『鷁渠，』依彼所據正文作『鷁渠』改之也。說文：『鷁，鳥也。』（段注本作『鷁，鷁鳥也。』）繫傳：『字書，鷁渠似鳧，一名水雞。』與索隱本作『鷁渠』合。惟黃善夫本、殿本索隱所引郭注作『鷁鰈，』乃依此正文作『鷁鰈』改之，非索隱本之舊也。

讙鷗鷂鷀，

集解：『鷁案漢書音義曰：「讙此鳥，蒼黑色。」郭璞曰：「……鷂，鷂鷂也。」』索隱：『「歲鷂，」張揖云：「歲鷂，似魚虎而蒼黑。」鄒誕本作「鴟鷂」也。』考證：漢書、文選作『箴疵鷂盧。』

案司馬文園集亦作『箴疵鷂盧。』索隱本『讙鷂』作『歲鷂。』漢傳張揖注：『箴疵，似魚虎而蒼黑色。』（文選注引張注蒼作倉，古字通用。）集解引漢書音義作『讙鷂，』索隱引張注作『歲鷂，』各依所據本正文改之也。讙、歲二字乃讙、箴二字之俗變。（俗書从讙之字往往改从箴。）說文：『讙，讙觜也。』段注：『上林賦：「箴疵，」史記作「讙鷂，」按「讙觜」二音。觜之言觜也。觜，口也。讙觜，蓋其喙似讙之銳。』作『箴疵』者，借字。說文：『鱸，鱸鷂也。』作盧者，借字。漢傳郭璞注：『盧，盧鷂也。』集解引郭注作『鷂，鷂鷂也。』依此正文作鷂改之也。（文選注引郭注作『盧，鷂鷂也。』鷂字亦非郭注之舊。）

汎淫泛濫，隨風澹淡，

案藝文類聚汎作沈，淡作澹。司馬文園集汎亦作沈，沈乃汎之誤，說文：『汎，浮兒。』段注：『上林賦「汎淫，」爲疊韻。』澹、淡正、假字，說文：『澹，水搖也。』

掩薄草渚，

索隱：『張揖云：掩，覆也。』

梁玉繩云：漢傳、文選是『水渚。』

考證：漢書、文選作『奄薄水渚。』

施之勉云：五臣本亦作掩。

案漢傳作『奄薄水階。』文選作『奄薄水渚。』奄、掩正、假字，說文：『奄，覆也。』漢傳張揖注及文選注引張注，亦並云：『奄，覆也。』索隱引張注奄作掩，依此正文作掩改之也。藝文類聚、司馬文園集『草渚』亦並作『水渚。』漢傳渚作階，補注：『階、渚古通用字。』聲類云：『階，或作渚。』前文已引。唼喋菁藻，咀嚼菱藕。

索隱：『郭璞云：「菁，水草。藻，蔓也。呂氏春秋曰：太湖之菁。……」』

考證：漢書、文選菱作蓼。

案司馬文園集菱亦作蓼，蓼乃菱之省，前已有說。黃善夫本、殿本索隱，並略郭璞云云十八字。

於是乎崇山巔峩，崔嵬峩峩，

梁玉繩云：漢傳、文選作『崇山巔巔，巔峩崔嵬。』

案司馬文園集亦作『崇山巔巔，巔峩崔嵬。』嵬、嵬古通。說文：『嵬，山石崔嵬，高而不平也。』(段注本。)世說新語言語篇：『其山嵬嵬以嵯峨。』(御覽三百九十引『嵬嵬』作『崔嵬』，嵬、崔古亦通用。)似本此文『崔嵬峩峩。』巔峩參差。

正義：『……顏云：……參差，不齊也。』

考證：漢書『參差』作『參差。』

施之勉云：藝文類聚六十六引，巔作嶧，『參差』作『參差。』

案巔、嶧並磬之或體，巔乃礮之借字，說文：『磬，礮石也。』段注：『磬、礮二篆之解，似當依玉篇更正，磬下云：「磬礮，山石兒也。」下云：「磬礮也。」「磬礮」古多用爲連綿字，上林賦：「巔巔峩峩，」郭云：「皆峯嶺之兒。」高堂賦：「登嶧巔而下望。」西都賦：「歷巔巔，」皆卽此二篆也。』說文無參字，文選揚子雲甘泉賦：『增宮喙差。』李善注：『喙與參同。』漢傳師古注：『參差，不齊也。』正義引師古注作『參差』，依此正文作『參差』改之也。

巔陁巔錡，崔嵬嵒崎，

索隱：『「崔嵬嵒崎，」郭璞云：「皆崇屈嶻折貌。崔音作罪反，嵬音委，嵒音

掘，崎音倚。」』

案漢傳陁作陁，𡇱作𡇱。陁，或陁字，前已有說。俗書从才、从木之字，往往相亂，故𡇱亦作𡇱。漢傳郭注云：『隆屈窔折貌。』索隱引隆作崇，避玄宗諱改之也。又引窔作窔，當以作窔爲正，說文：『窔，窔袤，下也。』黃善夫本、殿本索隱，並作『陁音豸。皆隆屈衆折貌。崎音倚，崛音掘。』隆字當諱作崇，後人改復郭注之舊也。衆乃窔之誤。

詒呀豁闊，

集解：『郭璞曰：……詒，音呼含反。……闊，音呼下反。』

索隱：『司馬彪曰：……豁闊，空虛也。』

考證：漢書詒作鈺，文選闊作闊。

案鈺蓋鈺之省。漢傳郭注詒亦作闊，與集解所引異。司馬文園集闊亦作闊，文選注引郭注同，與集解所引亦異。竊疑詒、闊二字乃此文之舊。漢傳補注：『闊、闊雙聲，古字通用。』文選注引司馬彪曰：「詒呀，大貌。豁闊，空虛也。」與索隱引彪注作『豁闊』異。

阜陵別島，

案景祐本作『阜陵別島。』黃善夫本、殿本阜亦作阜，阜乃阜之隸變，島爲島之俗省。漢傳、文選、司馬文園集島皆作鳴，漢傳補注：『鳴卽島字。』

歲魄農鬼，

案司馬文園集作『歲魄農鬼。』魄，或鬼字。漢傳、文選鬼亦並作鬼，說文無鬼字，漢傳郭璞注：『鬼音鬼。』文選注引郭注作『鬼』，胡罪切。』

丘虛嵐嶧，隱鱗鬱嶧，

正義：『虛音墟。嵐，口忽反，又口罪反。嶧，力罪反。皆堆蘡不平貌。嶧音律。郭云：皆其形勢也。』

施之勉云：『四庫全書考證曰：「『丘虛嵐嶧，』正義：『皆堆蘡不平貌。』『隱鱗鬱嶧，』正義：『皆其形勢也。』案漢書注引郭璞說，上句作『皆其形勢也。』下句作『皆堆蘡不平貌。』與此正義異。』』

案景祐本、黃善夫本、殿本虛皆作墟，虛、墟古、今字。正義『虛音墟。』則舊

本必作虛矣。漢傳、文選、司馬文園集『嵒』皆作『堦』，堦、嵒正、假字。說文：『堦，突也。』段注：『穴中可居曰突，亦曰堦，俗字作窟。』嵒與壘同，莊子秋水篇：『不似壘空之在大澤乎？』釋文引李頤注：『壘，小封也。』丘虛形勢，或如窟穴，或如小封，正『不平貌』也。漢傳、文選、司馬文園集下句堦皆作壘，文選注引郭璞注：『壘音壘。』（漢傳郭注：『隱鱗鬱壘，堆壘不平貌。』補注：『官本注壘作壘。』作壘蓋郭本之舊。）壘蓋堦、壘二字之合體。壘與壘同，莊子庚桑楚篇：『北居畏壘之山，』御覽五三二引壘作堦，即其證。文選注引郭璞此二句注，與漢傳郭注同，與正義異。張氏蓋有意顛倒郭注與？

登降施靡，

考證：『王先謙曰：施同迤。』

案司馬文園集施正作迤（或迤字）。

沈溶淫鬻，

案漢傳沈作允，沈諸允聲，古字通用。

被以江離，

案文選、藝文類聚、司馬文園集離皆作蘿，蘿、離正、假字，作離是故書，離騷：『扈江離與辟芷兮。』（王注：扈，被也。）洪校云：『文選離作蘿。』亦同此例。

雜以流夷，

集解：『漢書音義曰：流夷，新夷也。』

正義：畱夷，香草也。

考證：漢書、文選流作畱。

施之勉云：五臣本『流夷』作『𦵹夷』。

案正義本流亦作畱，藝文類聚同，古字通用，（莊子天地篇：『畱動而生物。』釋文：『畱，或作流。』即其比。）司馬文園集流作𦵹。離騷：『畦畱夷與揭車兮。』洪校云：『文選作「𦵹夷」。』又補注引相如賦作『畱夷』。作『畱夷』是故書。漢傳張揖注：『畱夷，新夷也。』文選注、離騷洪補注引並同。集解引漢書音義作『流夷』，蓋依此正文作『流夷』改之也。

專結縷，

集解：『徐廣曰：專，古布字。一作布。』

案漢傳、文選、藝文類聚、司馬文園集，專皆作布。說文：『專，布也。』

攢戾莎，

案景祐本、殿本攢並作攢，漢傳、文選、藝文類聚皆同。師古注：『攢，聚也。』

攢、攢正、俗字。說文攢下段注引蒼頡篇云：『攢，聚也。』（一切經音義三十引蒼頡篇攢作攢，亦俗字。）

揭車衡蘭，

案藝文類聚、司馬文園集衡並作衡，作衡是故書。離騷：『雜杜衡與芳芷。』洪校云：『衡，一作衡。』與此同例。

歲橙若蓀，

索隱：『張揖云：「歲持，闕。」郭璞云：「橙，柚也。」姚氏以爲此前後皆草，非橙也。小顏云：「歲，寒漿也。持當作符。符，鬼目也。」案今讀者亦呼爲登，謂金登草也。張揖云：「蓀，香草。」……』

梁玉繩云：漢傳、文選橙作持。

殿本考證：『焦氏筆乘曰：「『歲橙，』李善本作『歲持，』歲音針，乃馬藍，又作『寒將，』卽『葵蔣，』善本蓋誤以將作持也。張揖曰：『歲持，缺。』故詳具之。」』

施之勉云：五臣本作橙，類聚六十六引同。

案焦說可備一解，未必卽是。焦氏以善本持爲將之誤，不知漢傳已作『歲持』矣。將、持古亦通用，莊子秋水篇：『將甲者進。』釋文引一本將作持，卽其證。黃善夫本、殿本索隱，並略『張揖云：「歲持，闕。」郭璞云：「橙，柚也。」』及『張揖云：蓀，香草。』共十九字。又『非橙也』下，並有『漢書作「歲持」』五字。『當爲符』下，並有『字之誤爾』四字，（漢傳師古注作『字之誤耳。』）『登草』上並脫金字。

鮮枝黃礫，

考證：索隱本枝作支，與漢書、文選合。

案藝文類聚、司馬文園集枝亦並作支，古字通用。

蔣茅青蘆，

索隱『蔣，菰也。郭璞茅音佇，又云：「三稜茅。」蘆音煩。』

考證：茅，文選作寧。

施之勉云：『五臣本作芋。胡克家曰：苧當作茅。五臣作芋，云句切，大誤。』

案文選茅作苧，非作寧。藝文類聚、司馬文園集並作芋，芋乃茅之形誤。漢傳補注：『玉篇：「茅與苧同。」說文茅下云：「艸也。可以爲繩。」』說文段注：

『上林賦：「蔣茅青蘆，」張揖曰：「茅，三稜也。」郭璞音杼。按三稜者，蘇頌圖經所謂「葉似莎艸，極長，莖三稜如削，高五六尺，莖端開花。」是也。江蘇蘆灘中極多，呼爲馬茅，音同字。莖可繫物，亦可辦之爲索。南都賦：「薦苧蘆莞。」李注引說文：「苧，可以爲索。」蓋賦文本作茅。文選上林賦亦作苧，苧者茅之別字。』茅字段氏所云『郭璞音杼。』乃本漢傳郭注。文選注引郭注作『苧音杼。』則因彼正文作茅而改之。索隱引郭注作『茅音佇。』未知何據。黃善夫本、殿本索隱，並略『蔣，菰也。郭璞茅音佇，又云：三稜茅。』十三字。

布濩闕澤，延蔓太原，麗靡廣衍，

考證：漢書、文選麗作離。

施之勉云：五臣本作麗。

案藝文類聚濩作護，古字通用。下文『氾專濩之。』漢傳、文選並作『布護，』（考證有說。）劉子辯樂篇：『湯曰大濩。』敦煌本作大護（呂氏春秋古樂篇亦作大護），並其比。麗、離古亦通用，易序卦傳：『離者，麗也。』刺客傳高漸離，論衡書虛篇離作麗，並其比。

郁郁斐斐，

考證：漢書、文選斐作菲。

案司馬文園集斐亦作菲，斐、菲並與鲱通，廣雅釋訓：『鲱鲱，香也』（據王氏疏證本。）

曖曖茲勃，

考證：漢書、文選曖作曖，『茲勃』作『咇茀。』

案司馬文園集曖亦作曇。『曖曖，』並當从日作『曖曖。』漢傳曖作曖，景祐本（曖誤鶻）曖作曖，是也。曖、曇古通，後大人賦：『時若曇曇將混濁兮。』漢傳曇作曖，楚辭哀時命：『時曖曖其將罷兮。』（離騷亦有此句。）洪校云：『曖，一作曇。』並其比。司馬文園集『茲勃』亦作『𠂔茀。』亦古字通用。文選注引郭璞注：『香氣盛馝馞也。』李善云：『馝馞、𠂔茀，音義同。說文曰：「馝馞，香氣奄藹也。」馝馞與曖、馞與曇，音義同。』（漢傳補注亦引文選郭、李注。）今本說文無馝、馞二字。集韻十九代馞下，亦引說文云：『馝馞，香氣也。』

眴盼軋沕，

集解：『……郭璞曰：皆不可分貌。』

考證：『漢書、文選眴作眴，盼作盼，沕作沕。孟康曰：眴紛，眾盛也。軋沕，緻密也。』

案司馬文園集亦作『眴紛軋沕。』眴借爲眴，眴與緻同，說文：『緻，緻穢也。』段注：『引伸爲凡密緻之偁。』爾雅釋言：『苞，緻也。』郭注：『今人呼物叢緻者爲緻。』紛、盼正、假字。『眴紛，』緻密貌，孟氏釋爲『眾盛，』義亦相近。後大人賦：『西望崑崙之軋沕洗忽兮。』亦用『軋沕』一詞，漢傳張揖注：『軋沕，不分明之貌。』『軋沕』與『軋沕』同，孟氏釋爲『緻密，』與『不分明』義亦相因。然則『眴盼』與『軋沕』乃複語，並緻密貌也。郭注：『皆不可分貌。』緻密所以不可分也。

察之無崖。

考證：漢書、文選崖作涯。

案司馬文園集崖亦作涯，古字通用，莊子養生主篇：『吾生也有涯，而知也無涯。』釋文：『涯，本亦作崖。』秋水篇：『兩涘渚崖之間，不辯牛馬。』釋文：『崖，字又作涯。』並其比。

入於西陂。

案漢傳於作虜，古乎字。文選、司馬文園集並作乎。

踊水躍波，

考證：漢書、文選踊作涌。

案司馬文園集踊亦作涌，涌、踊正、假字。

獸則獮旄犧犢，

索隱：『郭璞曰：「犧，犧牛，領有肉堆。音容。……」張揖曰：「旄，旄牛，狀如牛。……庫腳銳頭，……。犧牛，黑色，出西南徼外，毛可爲拂。」是也。』  
考證：楓、三木獸上有其字，與漢畫、文體合。下獸上同。

案司馬文園集獸上亦有其字，下獸上同。漢傳獮作庸，郭注同。文選作獮，引郭注同。司馬文園集亦作獮。說文：「獮，猛獸也。」段注：「猛當作獮，三字爲句。獮，見上林賦。」郭璞曰：「獮似牛，領有肉堆，卽幫牛也。」按卽爾雅之**犧牛**也。字亦作獮，亦作獮。漢書作庸。」獮、庸正、假字。獮、獮並俗字。段氏引郭注作獮，改俗從正也。漢傳、文選、司馬文園集皆作貘，貘、貘正、俗字，說文：「貘，似熊而黃黑色，出蜀中。」或體作貊，劉子殊好篇：「走貊美鐵。」後漢書西南夷傳注引南中八郡志：「貊，大如驢，狀頗似熊，多力，食鐵。」黃善夫本、殿本索隱，並略《音容》及《犧牛》，黑色，出西南徼外。」共十一字。「狀如」上並有其字，（與漢傳、文選張注合。）「銳頭」並誤「銳髻」。末句拂並作翻。

獸則麒麟角角端，

索隱：「張揖云：「音端。角觓似牛。」郭璞云：「似豬，角在鼻上。」毛詩疏云：「可以爲弓。」李陵曾以此弓遺蘇武。」

考證：漢書、文選解作端。

案司馬文園集鯨亦作端。鯨、端正、假字。黃善夫本、殿本索隱，並作『張揖云：角端似牛，角可以爲弓。』乃據漢傳張注改之，又略去郭璞云云二十六字。

駢駢驢驢。

案漢傳驃作馬羸，文選作羸。漢傳補注：『說文：「·羸，驃父馬母。」馬羸、驃並俗字。』

夷處築堂，彙臺增成，巖突洞房。

索隱：「服虔云：「平此山以爲堂。」如淳云：「夔，山名也。」……禮曰：

「爲壇三成」也。郭璞曰：「言在巖突底爲室，潛通臺上。」……楚辭云：「冬有突廈夏屋寒。」……』

案索隱單本、景祐本叢並作叢，漢傳、文選、司馬文園集皆作峻，峻與叢同。乃俗誤。索隱單本纍作累。文選同，累乃纍之省。漢傳作纍，師古注：『纍，古累字。』說文：『纍，增也。纍，綴得理也。一曰，大索也。』纍、纍義異，俗多混用。此當從漢傳作纍。黃善夫本、殿本索隱，『此山』並作叢山，並略『如淳云：叢，山名也。』及『禮』曰：「爲壇三成」也。郭璞曰：「言在巖突底爲室，潛通臺上。」』共二十八字，『屋寒』並作『室寒』，『上脫夏字。今本楚辭招魂作『室寒』。』洪校云：『室，一作屋。』作屋乃故本也。

俛杳眇而無見，仰攀橑而捫天。

考證：『漢書、文選俛作頰，攀作𠁧。顏師古曰：『𠁧，古攀字也。橑，椽也。捫，摸也。』……』

案司馬文園集俛作俯。說文頰，重文作俛。文選注引聲類曰：『頰，古文俯字。』又引晉灼注：『𠁧，古攀字也。捫，摸也。』即師古注所本。藝文類聚無作亡，橑作緣。亡亦讀爲無。緣蓋椽之誤，師古注可證。

青虯蚴蠻於東箱，象輿婉蟬於西清。

正義：『顏云：蚴蠻、婉蟬，皆行動之貌也。』

考證：漢書、文選虯作龍。

案司馬文園集虯亦作龍，下文『六玉虯。』集解引郭璞注：『虯，龍屬也。』漢傳張揖注：『龍子有角曰虯。』虯、龍古多混用，易乾文言：『潛龍勿用。』謝靈運登池上樓詩：『潛虬媚幽姿。』易龍爲虬，即其比。漢傳、文選蟬並作憚，蟬、憚並諧單聲，古字通用。師古注：『蚴蠻、婉憚，皆行動之貌。』正義引師古注憚作蟬，依此正文作蟬改之也。

靈圉燕於閒觀，

索隱：『張揖云：「眾仙號。淮南子云：『騎飛龍，從淳圉。』許慎曰：『淳圉，仙人也。』』』

考證：『漢書、文選觀作館。淮南子假真訓：「真人騎蜚廉而從敦圉。」與索隱

所引異。文選圉作圉。』

案司馬文園集圉作圉，蓋圉之誤。觀亦作館。圉、圉古通，淮南子人閒篇：『乃使馬圉往說之。』論衡逢遇篇圉作圉，即其比。觀、館古亦通，孝武本紀：『舍之上林中蹠氏觀。』漢書郊祀志觀作館。即其比。張揖引淮南子云云，（考證以爲索隱所引，恐非。）『飛龍』蓋『飛廉』之誤。飛，古作蜚。淮南子俶真篇高誘注：『蜚廉，獸名，長毛，有翼。敦圉，似虎而小。一曰，仙人名也。』一曰云云，即許慎注也。（陶方琦淮南許注異同詁有說。）

槃石振崖，

索隱：『「盤石振崖，」如淳曰：「振音振，盛多也。」李奇曰：「振，整也。整頓池外之崖。」音之忍反也。』

考證：槃，文選作盤，與索隱本合，漢書作磬。槃，文選作振。

案司馬文園集作『盤石振崖，』與文選同。漢傳補注：『磬，史記作槃，文選作盤，通用字。易漸卦虞注：「聚石稱磬。」』彌乃袞之重文，說文：『袞，一曰盛服。槃，袞或从辰。』段注：『今，本訓「稠髮，」凡今聲字多爲濃重。上林賦：「磬石槃崖。」孟康曰：「槃，矯致也。以石致川之廉也。」是槃與今、稹字義同。』漢傳孟注，矯本作砾，乃矯之俗變，（漢傳補注有說。）段氏改俗從正耳。漢傳補注引沈欽韓云：『集韻十六軫：「矯，以石致川之廉也。」與孟康語合。』袞義爲『盛服。』引申爲凡盛多之稱，故如淳注此文云：『槃，盛多也。』『盛多』與『密緻』義近，孟氏所謂『矯致，』即『密緻』之緻，致、緻古、今字。李奇訓槃爲整，蓋以袞爲振，與文選、司馬文園集作振之義合，與孟注義異。漢傳補注：『文選李善注引李奇曰：「振，整也。以石整頓池水之涯也。」（索隱引作『整頓池外之崖。』崖即水涯，不云『池外。』索隱誤。）與孟說『以石致川之廉』同意。廉，隅也。即水涯也。崖乃崖之異文，亦即涯異字。』『整頓』與『密緻（致）』非同意，王氏未深思。崖、崖正、假字。涯，或厓字。王說亦未明。又索隱『音之忍反。』本師古注。

璫玉旁唐，瑣鷯文鱗，

集解：『徐廣曰：璫音彬。鷯音班。』

考證：漢書、文選『瓊端』作『玢幽』。』漢書鱗作磷。

案漢傳璣作珉。璣，或珉字。『旁唐』亦作『磅礴』，文選注引宋玉笛賦：『其處磅礴千仞。』是也。司馬文園集『瓊端』亦作『玢幽』。』徐注『瓊音彬。』文選李善注，幽亦音彬。瓊、幽並借爲彬，廣雅釋詁三：『彬，文也。』端、玢並或辨字，說文：『辨，駿文也。』（廣雅釋詁三：『辨，文也。』）段注：『謂駿襍之文曰辨也。引伸爲凡不純之僞。辨之字多或體，易卦之貢字，上林賦之端字，史記「瓊端」，漢書、文選「玢幽」。』俗用之班字，皆是。班者辨之俗。又或假班爲之。』故徐注『端音班』也。漢傳補注：『廣雅釋詁：璘，文也。』疑字不當爲磷。史記、文選並作鱗，言其文斑然鱗次也。』磷、璘通用，非誤字。上文『磷磷爛爛，采色熒盱。』郭璞注：『皆玉石符采映曜也。』磷亦與璘通。鱗非鱗次之鱗，亦與璘通。『瓊、端、文、鱗，』四字疊義，皆玉石之文采也。

赤瑕駿犖，雜岳其閒。

索隱：『「赤瑕駿犖，」……司馬彪曰：「駿犖，采點也。」』

案索隱本、文選駿並作駿，駿、駿異義，俗多以駿爲駿，（玉篇馬部：駿，今作駿。）司馬文園集畜作插，古字通用，釋名釋用器：『畜，插也。』

垂綵琬琰，

集解：『徐廣曰：「垂綵，」一作「朝采。」……』

考證：『垂綵，』漢書作『鼈采，』文選作『晁采。』晁、鼈與朝同。

施之勉云：五臣本作『朝采。』

案司馬文園集『垂綵』亦作『鼈采。』鼈、朝古、今字。晁，俗字。文選注引司馬彪注：『晁采，玉名。』

盧橘夏孰，

案索隱本孰作熟，文選、藝文類聚、司馬文園集皆同。孰、熟正、俗字。

枇杷燃柿，

索隱：『……淮南子云：「伐燃棗以爲矜。」音勤也。』

案索隱引淮南子云云，見兵略篇，今本燃誤棘，王氏雜志及拙著斠證並有說。

渟柰厚朴，

索隱：『張揖云：檮柰，山梨也。』

王氏雜志所據震澤王氏本柰作棃，云：『索隱本樣作柰，爲近古。』

考證：漢書、文選檮作亭。

案檮、亭正、假字。景祐本、黃善夫本、殿本柰皆作棃。漢傳補注：『廣雅釋木：「檮，梨也。」蜀都賦：「橙柿檮棃」是亭、柰二物。棃，俗字。』漢傳張揖注『亭，山梨也。』（文選注引張注同。）索隱引張注，依此正文改亭爲檮，檮下又衍柰字。

### 櫻桃

索隱：『……呂氏春秋：爲鶡鳥所含，故曰含桃。』

案索隱引呂氏春秋云云，乃呂氏春秋仲夏紀『羞以含桃』句高注。

隱夫鬱棣，榦櫟荔枝，

集解：『徐廣曰：「鬱，一作薁。榦音蒼。」……榦櫟似李。……』

索隱：『「蒼遷離支，」郭璞云：「蒼遷，似李，出蜀。」晉灼曰：「離支，大如鷄子，……」……離，字或作荔，音力致反。』

王念孫云：『索隱本「荔枝」作「離支」，注曰：「晉灼云：『離支，大如雞子，皮麤。剝去皮，肌如雞子，中黃，其味甘多酢少。』離，字或作荔，音力智反。」案說文：「荔，艸也。𠙴蒲而小。」不以此爲「荔枝」字。索隱本及漢書、文選並作「離支」，是古皆通用「離支」也。今本正文及注皆改爲「荔枝」，又改注內之「離，字或作荔。」爲「荔字或作離。」斯爲謬矣。』

考證：漢書、文選作『薁棣蒼遷離支。』

案司馬文園集亦作『隱夫薁棣，蒼遷離支。』景祐本、黃善夫本集解郭注，『榦櫟』字亦並作荔。『荔枝』古通用『離支』。王說是。朱駿聲云：『荔借爲離，實爲荔。按三輔黃圖：「漢武破南越，于上林苑中起扶荔宮，植所得龍眼荔枝。」上林賦：「蒼遷離支，」史記司馬相如傳作「荔枝。」蓋結實時，枝弱而蒂牢，不可換取。必以刀斧剝取其枝，故名。』（說文通訓定聲。）然則支乃枝之借字矣。黃本殿本索隱，並無郭璞注，蓋因郭注『蒼遷』與正文作『榦櫟』不合而略之。又『離支』並作『荔枝。』『離，字或作荔。』並作『荔，字或作離。』乃

因正文作『荔枝』而妄改之。

貽丘陵，

索隱：『「貽丘陵，」郭璞曰：貽，延也。』

案索隱本貽作貽，漢傳同。貽、施正、俗字。黃善夫本、殿本並略索隱。

杌紫莖，

案漢傳、文選杌並作抗，李善注引張揖注：『抗，搖也。』杌乃抗之俗變。藝文類聚、司馬文園集並作抗，抗乃抗之形誤。

秀朱榮，煌煌扈扈，照曜鉅野。

考證：漢書、文選秀作垂。

案司馬文園集秀亦作垂。淮南子俶真篇：『確扈炫煌。』（今本『確扈』誤『確扈』。）王念孫雜志有說。高注：『采色貌也。』此文『煌煌扈扈』，亦采色貌也。漢傳補注：『後漢馮衍傳注：扈扈，光彩盛也。』藝文類聚『照曜鉅野』，作『燭耀巨野』。燭、曜正、俗字。鉅、巨正、假字。

沙棠櫟櫧，

集解：『漢書音義曰：「……呂氏春秋曰：『果之美者，沙棠之實。』……」』案集解所引漢書音義，乃張揖說。呂氏春秋云云，見本味篇。

華氾檜櫧，

集解：『徐廣曰：氾，一作楓。』

索隱：『「華楓檜櫧，」張揖曰：「華，皮可以爲索。」古今字林云：「櫧，合樺之木。楓木，厚葉弱支，善搖。」郭璞云：「似白楊，葉圓而岐，有脂而香。」韻爲舍人曰：「楓爲樹，厚葉弱莖，大風則鳴，故曰楓。」爾雅云，一名櫧。檜，枰。卽平仲木也。櫧，今黃櫧木也。云玉精，食其子得仙也。』

梁玉繩云：徐廣氾作楓，是。枰亦當作枰，卽平仲木。

考證：漢書、文選『氾枰』作『楓枰』。

案華借爲櫧，說文：『櫧，櫧木也。以其皮裹松脂。从木，虍聲。讀若華。』段注：『司馬上林賦，字作華。師古曰：「華，卽今之樺，皮貼弓者。」莊子「華冠」，亦謂樺皮爲冠也。樺者俗字也。』所引莊子，見讓王篇，（釋文：華冠，

以華木皮爲冠。)作華，與此同例。索隱本汎亦作楓，司馬文園集『汎梓』亦作『楓梓。』楓、汎正、假字，說文：『楓，楓木也。厚葉弱枝，善搖。一名翥。从木，風聲。』段注：『方戎切。古音在七部，招寃，楓、心、南爲韻，上林賦楓一作汎，是也。』漢傳師古注：『梓，卽平仲木也。』補注：『索隱：「梓，平仲木也。亦云火橐木。一云玉精，食其子得爲神仙也。」案以梓爲「平仲」，說本郭璞，(見文選注引。)但史記作梓，自是皮可染之黃木，(見上「槧離朱楊」注。)而索隱訓爲「平仲木」，疑索隱所見本亦作梓，後人竄改耳。』據索隱：『梓，梓。卽平仲木也。』是小司馬釋梓爲梓，非所見本作梓也。又黃善夫本索隱作『古今字林云：「櫛，合櫛也。」郭璞云「楓似白楊，素圓而岐，有脂而香。」鍵爲舍人曰：「楓爲樹，厚葉弱莖，大風則鳴，故曰攝櫛。攝櫛，平仲木也。亦云火橐木。一云玉精，食其子得仙也。」既多刪略，又多譌誤。殿本索隱，末句作『食其子得爲神仙也。』(卽漢傳補注所據引者。)餘與黃本同。

畱落胥餘，仁頻并闔，

集解：『徐廣曰：「頻，一作賓。」駟案郭璞曰：「落，櫛也。胥餘似井闔。」……』索隱：『「畱落胥邪，」晉灼云：「畱落，未詳。」郭璞曰：「落，櫛也。中作器索，胥邪，似井闔。」……張揖云：「井闔，皮可爲索。」……』

考證：『漢書、文選餘作邪。沈家本曰：「攷異云：餘、邪聲相近。」……』索錢氏攷異云：『釋木：「劉，劉杙。」注：「劉子，生山中，實如梨。」卽此畱也。』索隱本、司馬文園集餘亦並作邪，古字通用，歷書：『歸邪於終。』左文元年傳邪作餘，卽其比。徐注引一本頻作賓，亦古字通用，莊子德充符篇：『彼何賓賓以學子爲？』『賓賓』猶『頻頻』也。俞樾莊子平議有說。文選李善注：『仁頻卽檳榔也。』集解引郭注『胥餘，』漢傳郭注、文選注及此索隱引郭注，皆作『胥邪。』各依正文引之。黃善夫本、殿本索隱，晉注『畱落，』並作『畱闔。』又並略『郭璞曰：落，櫛也。中作器索。胥邪，似并闔。』及『張揖云：并闔，皮可爲索。』共二十四字。

櫛檀木蘭，豫章女貞，

集解：『漢書音義曰：櫛檀，檀別名也。……』

索隱：『櫟音讐。檀別名也。皇覽云：「孔子墓後有櫟檀樹也。」荊州記云：「宜都有喬木……葉冬不落。」』

案集解引漢書音義，乃孟康注。索隱『櫟音讐。』本郭璞注。御覽九五八引聖賢冢墓記亦云：『孔子墓有檀樹。』黃善夫本、殿本索隱，並略『檀別名也。』及『葉冬不落。』共八字。

實葉茂，

考證：漢書、文選茂作林。

案司馬文園集茂亦作林，師古注：『林，古茂字也。』

連卷累危，

考證：累，漢書、文選作櫟。

案司馬文園集累亦作櫟，攷異云：『櫟、累聲相近。』『累危』與『櫟危』同。亦作『累碗，』或『碗碗，』劉子韻光篇：『分條布葉，輪菌碗碟。』敦煌本作『累碗。』又作『離詭，』鄒陽傳：『蟠木根柢，輪囷離詭。』集解引張晏曰：『輪囷離詭，委曲槃戾也。』

崔錯發骫，阮衡闇柯，

索隱：『「崔錯發骫，」郭璞云：「蟠戾相摠。楚詞云：『林木。』發音跋，骫音委。」……』

考證：『漢書、文選阮作坑。……沈欽韓曰：「淮南招隱士：『樹輪相糾兮，林木茂骫。』說文：『發，以足踢夷草也。』字當作茂，說文：『茂，草葉多也。』」』

案司馬文園集阮亦作坑，阮、坑正、俗字。索隱郭璞引楚詞，『林木』下蓋脫『發骫』二字。今傳楚詞招隱士作『林木茂骫，』（如沈引。）洪校云：『茂，一作芟，一作拔，一作茂。』（文選芟作芟。）又補注云：『芟、拔、茂，並音跋。茂，木枝葉盤紝貌。通作芟。骫音委，骫，屈曲也。』彼正文已作茂，則注不得復云『一作芟。』『一作茂，』疑『一作發』之誤，即此文郭注引作『林木發骫』之本也。黃善夫本、殿本索隱，並略『楚詞云：「林木。」發音跋，骫音委。』十一字。

垂條扶於，

集解：『郭璞曰：扶於，猶扶疏也。……』

考證：漢書、文選『扶於』作『扶疏。』

案司馬文園集『扶於』亦作『扶疎。』疎，俗疏字。據郭注，則上林賦本作『扶於』矣。

紛容蕭蔞，旖旎從風，

集解：『張揖曰：旖旎，阿那也。』

考證：漢書、文選『容蕭』作『溶綺。』漢書『旖旎』作『猗旎，』文選作『猗

昵。』……

案司馬文園集作『紛溶綺蔞，猗旎從風。』與漢傳合，惟漢傳綺作𦨇，从艸，俗變也。說文：『𦨇，旗之𦨇施也。』段注：『「𦨇施」卽「旖旎」，「與「阿那」爲一聲之轉。』檜風：『阿儻其枝。』傳云：『阿儻，柔順也。』楚詞九辯、九歎則皆作『旖旎。』上林賦：『猗旎從風。』張揖曰：『猗旎，猶阿那也。』然考工記工人注：『迤讀爲『倚移從風』之移。』所據者上林古本也。』考楚詞九辯：『紛旖旎乎都房。』洪校云：『文選作『猗旎。』』與漢傳此文作『猗旎』同，惟李善注本文選九辯仍作『旖旎。』楚詞九歎〔惜賢〕：『結桂樹之旖旎兮。』洪校云：『一作『猗旎。』』與文選此文作『猗旎』同。段氏所引上林賦正文及張揖注並作『猗旎，』卽本文選也。此正文作『旖旎，』故集解引張注亦作『旖旎。』

剷蕚吸，

索隱：『「剷蕚吸」，郭璞云：「皆林木鼓動之聲。」剷音畱。蕚如字，又音栗也。』

考證：漢書、文選吸作歟。

案漢傳、文選並作『剷蕚歟』。索隱本、司馬文園集吸亦並作歟。剷之作剷，疑因蕚字从艸而改。『剷蕚』蓋猶『寥戾，』文選王子淵四子講徵論：『虎嘯而風寥戾。』張銑注：『寥戾，風聲。』師古注：『歟，古歟字也。』歟借爲歟，說文：『歟，疾也。』段注：『上林賦：「剷蕚歟歟。」又「歟然興道而遷義。」』

郭璞曰：「卉猶勃也。」西京賦：「奮隼歸鳬，沸卉幹甸。」薛綜曰：「奮迅聲也。」卉皆舉之假借。『此文卉字，與西京賦卉字同義。歛與吸義略同，前子虛賦有說。莊子齊物論篇：『吸者。』釋文引司馬彪注：『若噓吸聲也。』黃善夫本、殿本索隱，『蒞如字』下，無『又音栗也』四字，而有「卉，古卉字。吸音翕」七字。疑據師古注改之。

柴池茈虒，

索隱：『張揖曰：柴池，參差也。茈虒，不齊也。』

案文選、司馬文園集柴並作榦，索隱本虒作𠂇。榦、𠂇並俗字。漢書揚雄傳：『柴虒參差。』五臣本文選揚雄甘泉賦作『榦𠂇參差。』與此同例。

旋環後宮，雜遝累輯。

考證：漢書、文選環作還，下有乎字。遝作叢。

案漢傳、文選並作『旋還乎後宮，雜叢累輯。』司馬文園集作『旋還乎後宮，雜叢彙集。』『旋環』字古用還。『雜遝』猶『雜叢』，淮陰侯列傳：『魚鱗雜遝，』漢書蒯通傳作『雜叢，』與此同例。師古注：『叢，古累字。輯與集同。』累乃叢之隸變，叢、彙異義，俗多混用。前已有說。

於是玄猿素雌，蜋玃飛鷗，

索隱：『張揖曰：「蜋，似獮猴，卬鼻而長尾。玃，似獮猴而大。飛蠻，飛鼠也。其狀如兔而鼠首，以其顎飛。』郭璞曰：「蠻，飛鼠也。毛紫赤色，……蜋音遺，蠻音誅。」玄猿，猿之雄者色也。素雌，猿之雌者色也。玃音鑊。蜋似猴，……窒鼻兩孔。……』

考證：漢書、文選是下有乎字。

施之勉云：五臣本是下無乎字，與史合。

案司馬文園集是下亦無乎字，鷗作蠻。文選亦作蠻，注引張揖注同。胡氏攷異云：『茶陵本蠻作蠻。漢書作蠻，史記作鼴，單行本索隱仍作蠻。考集韻五旨，鼴下重文有六，而不載蠻，可證其非。』蠻乃蠻之俗誤。蠻，或鼴字。說文：『鼴，鼠形，飛走且乳之鳥也。』段注：『張揖曰：「狀如兔而鼠首，以其顎飛。」此本北山經：「有獸狀如兔而鼠首，以其背飛，名曰飛鼠。」惟張所據背

作鯨耳。」北山經『背飛』乃『鬚飛』之誤。鬚，俗鯨字。非張所據本異也。黃善夫本、殿本索隱，並略『張揖曰』至『以其鯨飛。』三十四字。郭注『飛鼠』並作『鼯鼠，』『音遺』（文選注引郭注同。）並作『音贈遺之遺。』皆與漢書郭注同。惟『毛紫』並作『紫毛，』則與漢傳郭注（及文選注引郭注）異。又索隱『玄猿，猿之雄者色也。素雌，猿之雌者色也。』本李善注。惟李注『雄者』下有玄字，『雌者』下有素字。黃本、殿本索隱，『雄者』下並有黑字，（黑與玄色近。）『雌者』下有素字，與李注尤合。又黃本、殿本索隱，『玃音饑。猴似猴，』並作『玃，音古約反。猴，今狹。』『窒鼻』並作『插鼻。』

蛭蜩蠻𧈧

集解：『……漢書音義曰：「山海經曰：不咸之山有飛蛭，四翼。」郭璞曰：「蠻𧈧，似獮猴而黃。蜩，未聞。」』

索隱：『「蛭蜩蠻𧈧，」司馬彪云：「山海經云：『不咸之山有飛蛭，四翼。』蜩，蟬也。蠻𧈧，獮猴也。」郭璞云：「蛭蜩，未聞。」如淳曰：「蛭音質。」顧氏云：「玃，音塗卓反。山海經曰：『臯塗山下有獸，……名爲玃。』玃磼，卽此也。字作蠻。」……又神異經云：「西方深山有獸，……其名曰蜩。」字林：「蠻音狄，蛭音質，蛭、蜩，二獸名。」』

考證：漢書、文選蠻作玃。文選蠻作磼。

施之勉云：五臣本作𧈧。

案文選、司馬文園集『蠻𧈧』並作『蠻磼』。索隱本蠻亦作蠻。集解引漢書音義，蓋卽司馬彪注。蜩非蟬，漢傳補注：『蜩當作蜩，神異經：「蜩，西方獸名，大如驢，狀如猴，善緣木。……」字不作蜩，索隱蓋誤。』索隱引神異經蜩作蜩，蓋依此正文作蜩改之也。說文：『蠻，禹屬。』爾雅釋獸作『寓屬。』禹當作寓，段注：『寓屬者，寄在於野，不爲人養者。』上林賦：「蛭蜩 蠻𧈧」郭璞云：「蠻磼，似獮猴而黃。」蠻、磼二物，郭併言之，非也。惟史記作蠻，漢書譌作玃。司馬貞曰：「西山經：『臯塗之山有獸名蠻。』卽此字。」攷其所說之狀，非蠻猴類。其字今譌作玃，依郭注則當作玃，未可取爲證也。』蠻，或作蠻。玃，或作蠻。蠻誤爲蠻，玃誤爲玃耳。朱駿聲謂漢書以玃爲蠻，（說文通訓定聲。）其

說不長。猱當作猱，猱，俗變字。說文：『猱，貪獸也。一曰母猴。』段注：『「母猴」與「沐猴、」「獮猴」，一語之轉，母非父母字。詩小雅作猱，毛曰：「猱，猴屬。」』景祐本、黃善夫本、殿本集解，『猱猱』皆作『猱猱』，與正文合。黃本、殿本索隱，並略『司馬彪云：「山海經云：不咸之山有飛蛭，四翼。」』『郭璞云：「蛭蜩未聞。」』如淳曰：「蛭音質。」』及『音狄』下『蛭音質。』共三十三字。又『蜩，蟬也。』上並有『張揖云：蛭，蟻也。』六字，（蓋據漢傳張注增。）『灑音』並作『燭音，』臯塗並誤鼻塗，（索隱單本亦誤鼻塗。）『爲灑。灑猱』並作『爲燭。燭猱。』『作燭』上並有或字，『曰蜩』並作『曰蜩，』曰猶爲也。

### 斬胡穀蛇

索隱：『「斬胡穀蛇」，張揖曰：「斬胡，似獮猴，頭上有髦，……」郭璞曰：「穀，似鼯而大，腰以後黃，一名黃腰，食獮猴。穀，白狐子也。蛇，未聞。」姚氏案山海經：「卽山有獸，……」又說文云：「斬胡，黑身，白腰若帶，手有長白毛，似握柶也。」』

考證：漢書、文選斬作斬。

索隱本、司馬文園集斬亦並作斬。說文：『斬鴟鼠，黑身，白晝若帶，手有長白毛，似握版之狀，類蠍堆之屬。』段注：『見上林、西京賦。……其字或作「斬胡」，或作「斬胡」，或作「斬猢」，或作「𦵹𦵹」。』索隱稱姚氏引說文作『斬胡』，依彼所據正文作『斬胡』改之也。張衡西京賦作『斬猢』，廣雅釋獸作『𦵹𦵹』。穀爲貔子，爾雅釋獸：『貔，白狐，其子穀。』文選張衡南都賦李善注引說文：『穀，類犬，晝以上黃，以下黑。』說文穀本作穀，云：『穀，犬屬，晝已上黃，晝已下黑，食母猴。』段注：『上林賦郭璞注同此。而「腰以前黃，腰以後黑。」奪去四字，當校補。南都賦注李善引說文。按史、漢、文選之上林賦，說此物皆作穀，从豕。尋許書穀爲「小豚」，非一物一字也。將由寫者亂之。』（節引。）穀、穀形近易亂，段說是。朱駿聲謂子虛賦（當作上林賦）以穀爲穀，（說文通訓定聲。）其說不長。索隱張注『斬胡』，單本索隱作『斬胡』，與彼所據正文作『斬胡』合，與漢傳、文選注引郭注亦合。黃善夫本、殿本

索隱並作『蠻胡，』依此正文作『斬胡』改之也。又黃本、殿本索隱張注，『有髦』並誤『有髮。』郭注『似鼯』並作『似鼬，』鼬字是。又並略『穀，白狐子也。』五字。姚氏引『山海經，』並脫海字。『卽山之獸，』卽下當據中山經補公字。（漢傳補注有說。）又引說文末句『握柘』並作『掘板，』掘乃握之誤，柘乃板之誤。板，俗版字。

於是乎踰絕梁，

梁玉繩云：『於是乎』三字衍，漢傳、文選無之。

案司馬文園集亦無『於是乎』三字。

踔稀閒，

集解：『郭璞曰：踔，縣蹠也。託釣反。』

索隱：踔，懸蹠也。

考證：漢書、文選『踔稀』作『掉希。』

施之勉云：五臣本作『踔希。』

案司馬文園集亦作『踔希。』踔、掉並趨之借字。說文：『趨，遠也。』段注：『走部曰：「連，遠也。」音義同。上林賦：「連希閒。」玄應引如是。史記作踔，郭璞曰：「踔，懸蹠也。」吳都賦：「狹鼯狶然，騰趨飛超。」按許云遠者，騰躡所到遠也。』此文郭注本作『踔，縣蹠也。』文選李善注引作『掉，懸蹠也。』縣、懸正、俗字，蹠、蹠正、假字。蹠，今字作擲。黃善夫本、殿本並略索隱。

爛漫遠遷，

考證：漢書、文選漫作漫。

案司馬文園集漫亦作漫。漫、漫古、今字。

若此輩者，數千百處，嬉游往來，

梁玉繩云：輩字符，漢傳、文選無之。

考證：漢書、文選作『若此者數百千處，娛游往來。』

施之勉云：五臣本此下亦有輩字。

案司馬文園集亦作『若此輩者。』下作『數百千處，娛遊往來。』與漢傳、文選

合。文選李善注：『說文曰：「娛，戲也。」許其切。』胡氏考異云：『娛當作娛，各本皆譌。注引說文娛，許其切，非娛甚明。史記作嬉，嬉、娛同字也。今本漢書及注，誤與此同。』說文：『娛，樂也。娛，戲也。』訓戲，自當作娛，娛乃娛之形誤。娛、嬉古、今字。今本漢傳及注娛亦並誤娛，王氏雜志有說甚詳。（補注已引之。）司馬文園集承今本漢傳、文選，亦誤作娛。

宮宿館舍，

考證：『張文虎曰：「館舍」各本誤「館客」，舊刻與漢書、文選合。』

施之勉云：景祐本作『館舍。』

案司馬文園集亦作『館舍。』漢傳補注：『舍，止也。一宿爲舍，見左莊三年傳。』

乘餽象，六玉虯，

集解：『郭璞曰：「……韓子曰：『黃帝駕象車，六交龍。』是也。」』

案文選注引郭注，『交龍』作『蛟龍。』與今本韓子十過篇合。蛟、交正、假字，高祖本紀：『則見蛟龍於其上。』漢書蛟作交，與此同例。

孫叔奉轡，衛公驂乘，

索隱：『孫叔，鄭氏云：太僕公孫賀。衛公，大將軍衛青也。太僕御，大將軍驂乘也。』

考證：漢書、文選驂作參。

案司馬文園集驂亦作參。漢書鄭注同。索隱引鄭注作驂，（集解亦引作驂。）依此正文作驂改之也。驂、參古通，其例習見。黃善夫本、殿本並略索隱。

扈從橫行，出乎四校之中。

索隱：『……張揖曰：「跋扈縱橫，不案齒簿也。」……』

考證：『……王先謙曰：「廣雅釋詁：『扈，使也。』『扈從，』從鶴而供使令也。」愚按「扈從，」承孫叔、衛公而言。』

案『扈從，』複語，廣雅釋詁一：『從、扈，使也。』使與臣同義，（王氏疏證有說。）『扈從，』謂隨鶴之衆臣也。禮記孔子閒居：『以橫於天下。』鄭注：『橫，充也。』『橫行，』謂充斥而行，言其多也。黃善夫本、殿本索隱，並略

張揖注。

鼓嚴簿，縱獵者。

索隱：『張揖曰：「鼓，嚴鼓也。簿，齒簿也。」謂擊嚴鼓於齒簿中也。』

考證：漢書、文選獵作獵。

施之勉云：五臣本簿作鑄。

案司馬文園集簿亦作鑄，（國語周語下：『細鈞有鍾無鑄。』韋注：『鑄，小鍾也。』鑄與鑄通。廣雅釋器：『鑄，鈴也。』）恐非其舊。獵、獵同義，說文：『獵，獵也。』索隱『謂擊嚴鼓於齒簿中也。』本文選李善注。黃善夫本、殿本，並略索隱。

江、河爲弦，泰山爲櫓，

索隱：『郭璞曰：因山谷遮禽獸爲弦。櫓，望樓也。』

案黃善夫本、殿本，並略索隱。

隱天動地，

正義：隱猶震也。

考證：漢書、文選隱作殷（原誤陰）。

案藝文類聚、司馬文園集隱亦並作殷，殷、隱正、假字。漢傳、文選注並引郭璞注：『殷猶震也。』即正義說所本，惟依此正文改殷爲隱耳。

先後陸離，離散別追，

正義：陸離，分散也。言各有所追也。

案正義說，本師古注。

生貔羆，

案文選李善注引韋昭曰：『生，謂生取之也。』師古注同。

搏豺狼，

正義：搏，擊也。

案正義說，本師古注。

手熊羆，

正義：『張云：……羆大於熊，……』

案漢傳、文選注引張揖注並作『羆如熊。』

綺白虎，

索隱：『……郭璞曰：綺，謂紩絡也。』

案黃善夫本、殿本索隱，並略郭注。

被幽文，

索隱：『「被班文，」文穎曰：「著班文之衣。」輿服志云：「虎賁騎，被虎文單衣。」「單衣，」卽此「班文」也。』

考證：幽，漢書作班，文選作班，通用。

案索隱本、司馬文園集，幽亦並作班。（考證本索隱誤作『被班文。』）文選注引司馬彪〔續〕漢書云：『虎賁騎，皆虎文單衣。』與索隱所引輿地志合。黃善夫本、殿本索隱，並略文穎注。又『被虎文單衣。』並作『鶻冠武文單衣。』漢傳補注引同，云：『唐諱虎爲武，文選注引作虎。』

跨野馬，

索隱：『跨野馬，』案𡇔音野。

案索隱本野作𡇔，漢傳、文選同，（上文『足野羊，』漢傳、文選亦並作𡇔。）

𡇔：古文野。前已有說。

陵三峯之危，

案文選、司馬文園集陵並作凌，（下文『陵驚風。』亦並作凌。）古字通用。文選李善注引漢書音義曰：『陵，上也。』疑所據正文凌本作陵。景祐本峯作峯，漢傳、文選、司馬文園集皆作峯，峯與凌同。峯乃俗誤，前已有說。

徑陵赴險，

考證：漢書、文選陵作峻。

案黃善夫本、殿本徑並作徑，徑乃徑之俗省。司馬文園集陵亦作峻，說文：『陵，陼高也。峻（陵之或體），高也。』義略別，可通用。

椎蜚廉，

索隱：『「椎蜚廉，」郭璞曰：「飛廉，龍雀也。鳥身鹿頭，象在平樂觀。」

椎，音直追反。』

考證：『漢書椎作推，顏師古曰：「推，亦謂弄之也。其字從手。今流俗讀爲椎擊之椎，失其義矣。」……』

施之勉云：『胡紹煥曰：「按釋名：『椎，推也。』二字義同。」下『弄解豸，』椎與弄對，是椎猶弄，不必定爲推。』

案景祐本、黃善夫本、殿本椎皆作推。司馬文園集椎亦作推，又蠻作飛。郭注稱『飛廉，』是郭本原亦作飛。蠻，古飛字。前已有說。黃本、殿本並略索隱。

弄解豸，

索隱：『張揖曰：「解豸，似鹿而一角，人君刑罰中，則生於朝，主觸不直者。言今可得而弄也。」解音蟹。豸，音丈𠙴反，又音丈介反。』

考證：文選解作獮。漢書豸作虯。

案司馬文園集解亦作獮，解、獮正、俗字，說文：『解，一曰：解虯，獸也。』（繫傳虯作豸。）又『虯，解虯，獸也。似山牛，一角。吉者決訟，令觸不直。』虯、豸正、假字。索隱『解音蟹，』及『又音丈介反。』本師古注。黃善夫本、殿本索隱，並略張揖注，又並略『又音丈介反。』五字。

格瑕蛤，鉗猛氏，

索隱：『「格瑕蛤，鉗猛氏。」孟康曰：「蝦蛤、猛氏，皆獸名。」……』

考證：漢書、文選瑕作蝦。

案格借爲格，說文：『格，擊也。』索隱本、司馬文園集瑕亦並作蝦，古字通用。文選張衡南都賦：『駿瑕委蛇。』李善注：『瑕與蝦古字通。』黃善夫本、殿本索隱，並略孟康注。

胥腰橐，射封豕。

考證：漢書、文選胥作羈。

案司馬文園集胥亦作羈，文選李善注引聲類曰：『羈，係取也。』胥乃羈之省。羈，或縕字。說文：『縕，囉也。』漢傳景祐本腰作橐，官本作要，要乃橐之隸變。『腰橐』字，古祇作要，（說文無腰字。）淮南子原道篇：『駢要橐。』（俗本駢作馳。）高注：『要橐，馬名。日行萬里。』李善注：『左氏傳：「申包胥曰：吳爲封豕長蛇。」見左定四年傳。』

箭不苟害，

案苟猶但也。

於是乎乘輿彌節裴回，

考證：漢書、文選無乎字，彌作弭，『裴回』作『徘徊。』

施之勉云：五臣本有乎字。

案司馬文園集『彌節裴回』亦作『弭節徘徊。』彌與弭同，『徘徊』乃俗字。

前子虛賦云：『楚王乃弭節裴回。』『弭節』猶『按節』，前已有說。

覽將率之變態。

案漢傳、文選、司馬文園集率皆作帥，古字通用，其例習見。

然後浸潭促節，儻貟遠去，

索隱：『浸潭，』猶『漸莽』也。漢書作『浸淫，』或作『乘輿案節』也。潭音尋。

考證：文選『浸潭』作『浸淫。』『儻貟，』倏忽也。

案漢傳、文選、司馬文園集『浸潭』皆作『侵淫，』索隱引漢傳作『浸淫。』

(文選不作『浸淫。』)李善注：『侵淫，漸進之貌。』當以作『浸淫』爲正。

說文：『淫，浸淫隨理也。』段注：『浸淫者，以漸而入也。』索隱謂『浸潭促節，』或作『乘輿案節。』與上文『乘輿彌節』複，蓋卽涉上文而誤。司馬文園集儻作倏，倏乃倏之誤，後大人賦單本索隱稱韋昭注引此文，儻正作倏。倏、儻正、假字。(說文：倏，犬走疾也。)師古注：『儻然夐然，疾遠貌。』是也。儻爲疾，夐爲遠，考證釋『儻貟』爲『倏忽，』僅得儻字之義，倏又倏之誤也。

黃善夫本、殿本索隱，『漸莽』並作『漸冉。』莽、冉並俗冉字。

流離輕禽，蹙履狡獸，

考證：『顏師古曰：「流離，困苦之也。」張揖曰：「輕禽，飛鳥也。」』

案二句謂驅散輕疾之禽，躡蹠狡捷之獸也。『流離』非『困苦』義。文選注引張揖曰：『流離，放散也。』於義近之。

轡白鹿，捷狡兔，

集解：『徐廣曰：轡音銳，一作惠也。』

考證：轡，漢書作轄，文選作轡。

施之勉云：『五臣本作轄。許巽行曰：轡，鵠字也。當作轡，轡字重文，訓「車軸耑也。」』

案司馬文園集轡亦作轄，轄與轡同。說文：『轡，車軸耑也。轡，轡或从轡。』徐注『一作惠。』惠乃借字。漢傳兔作菟，郭璞曰：『狡菟健跳，故捷取之也。』補注：『宋祁曰：「南本『郭璞曰』下云：轡，軸也。言軸轡白鹿，追捷狡兔也。」』菟、菟正、俗字。

彎繁弱，

正義：『……文穎云：「彎，牽也。繁弱，夏后氏良弓名。」左傳云：「分魯公以夏后之璜，封父之繁弱。」』

考證：漢書、文選繁作蕃。

案司馬文園集繁亦作蕃。荀子性惡篇：『繁弱、鉅黍，古之良弓也。』楊注：『繁弱，封父之弓。左傳曰：封父之繁弱。』（左定四年傳杜注：封父，古諸侯也。）然則繁弱非夏后氏之弓矣。漢書、文選注引文穎注『繁弱』並作『蕃弱』，正義引文注作『繁弱』，依此正文繁字改之也。正義引左傳云云，本文選李善注，李注並云：『『蕃與繁古字通。』

射游梟，櫟蜚虞，

集解：『郭璞曰：梟，梟羊也。似人長脣，反踵被髮，食人。蜚虞，鹿頭龍身，神獸。櫟，梢也。』

考證：漢書、文選虞作遽。櫟，擊也。

案文選李善注：『高誘淮南子注：梟羊，山精也。似遽類。』淮南子氾論篇：『山出梟陽。』高注：『梟陽，山精也。人形長大，面黑色，身有毛，足反踵，見人而笑。』（道藏本、茅坤批評本、漢魏叢書本梟皆作梟，注同。）清莊逵吉注：『「梟陽」，見爾雅。程敦云：說文解字作「梟羊」，陽與羊古字通也。』文選注引淮南子高注，疑是許慎注，蓋許本淮南子作『梟羊』，與說文合也。文選潘安仁射雉賦：『櫟雌姑異。』徐爰注：『櫟，擊搏也。』此文郭注釋櫟爲梢，梢亦擊也。漢書揚雄傳：『梢夔鼈。』師古注：『梢，擊也。』司馬文園集虞亦作

遽。漢傳補注：『說文虞下云：「鐘鼓之牲也。飾爲猛獸，从虎，異象其下足。」』  
鑄下云：「虞，或从金，虞聲。」虞下云：「篆文虞省。」後漢董卓傳「鍾虞」，  
章懷注：「漢書音義曰：虞，鹿頭龍身神獸也。」據此，虞、虞、鑄，義同。遽  
乃傳寫誤字。』遽乃鑄之借字，不誤。鑄與虞同，並虞之重文。後漢書注引前書  
音義作虞，蓋漢傳遽字亦有作虞之本，或章懷因彼正文作虞而改漢傳音義之遽爲  
虞，亦未可知。遽字非傳寫之誤，則可斷言也。

擇肉後發，先中命處，

考證：『漢書、文選肉下、中下有而字。……王先謙曰：擇其肥者而後射。先命  
其射處，廻從而中之。言矢不苟發，發必奇中。命，名也。』

案司馬文園集亦作『擇肉而後發，先中而命處。』下而字與其同義，王氏未達。  
此謂擇肉而後發，先中其致命之處也。呂氏春秋博志篇：『則養由基有先中中之  
者矣。』（又見淮南子說山篇。）蓋此『先中』一詞所本。

然後揚節而上浮，

考證：矢飛揚空中也。

施之勉云：『呂向注云：揚，舉也。節，旌節也。言舉旌節，上遊於空。』

案上文『弦矢分，藝殞仆。』矢既已中的，則不得復飛揚空中矣。考證非。呂釋  
節爲『旌節』，義長。此謂舉旌節飄浮空中也。

陵驚風，歷駭颺，

正義：『颺，音必遙反。爾雅云：扶搖，暴風，從下升上，故曰颺。』

案曹植空簾引：『驚風飄白日。』『驚風』一詞蓋本此。黃善夫本、殿本颺並誤  
颺。殿本正義兩颺字亦誤颺。文選、司馬文園集颺並作焱，漢傳作焱，補注：  
『焱當作焱。』颺、焱正、假字。說文『颶，扶搖風也。』黃本正義，音上颺字  
作上，爾雅誤小雅，曰下颺字作焱，焱亦焱之誤。爾雅釋天本云：『扶搖謂之  
焱。』詩小雅谷風孔疏引爾雅此文，並引李巡曰：『扶搖，暴風，從下升上，故  
曰焱。』（焱，俗本亦誤焱。）然則正義引爾雅云云，乃爾雅李巡注，焱之作颺，  
乃依此正文作颺改之也。

鱗玄鶴，

考證：蹕，漢書作蘭，文選作蹕，……

施之勉云：五臣本作蘭。

案司馬文園集蹕亦作蘭。漢傳補注：『蘭，蹕省文。文選作蹕，李善注引郭璞曰：蹕，蹕也。』蘭乃蹕之借字，說文：『蹕，轢也。轢，車所蹕也。』蹕、蹕並或蹕字。考證引文選，誤蹕爲蹕。

捷鴛鵠，插焦明，

考證：鴛、鵠同。

案漢傳、文選、司馬文園集鴛並作鵠，鵠，或鴛字。前子虛賦亦作『鵠鵠』。  
(莊子秋水篇亦作『鵠鵠』。) 藝文類聚『焦明』作『鵠鵬』，司馬文園集作『焦鵬』。焦乃鵠之省，明蓋朋之誤，朱駿聲說文通訓定聲云：『朋卽鳳字，作明者誤。』朋、鵬並古文鳳字。後相如難蜀父老文：『猶鵠明已翔乎寥廓，』漢傳作『焦鵬，』(鵬，一作明。) 文選作『鵠鵬，』藝文類聚二五作『鵠鵬。』明亦朋之誤，鳴乃鵬之誤。

招搖乎襄羊，降集乎北紜。

集解：『郭璞曰：紜，維也。北方之紜曰委羽。』

索隱：『消搖乎襄羊。』……

考證：『漢書、文選招作消。司馬彪曰：消搖，逍遙也。』

施之勉云：五臣本作招。

案索隱本招亦作消，『招搖』與『消搖』義近，孔子世家：『招搖市過之。』集解引徐廣曰：『招搖，翱翔也。』詩齊風載驅：『齊子翱翔。』毛傳：『翱翔，猶彷徉也。』說文無『逍遙』二字，古作『消搖』。淮南子地形篇：『八殿之外而有八紜，北方曰委羽。』高注：『紜，維也。』(舊鈔本文選吳都賦注引許注同。) 卽此文郭注所本。(漢傳、文選注引張揖注，亦引淮南子文。)

闔乎反鄉。

考證：『闔，漢書作揜，文選作掩。郭璞曰：掩，忽然疾歸貌。』

案司馬文園集闔亦作掩。闔、揜、掩，皆與奄通，方言二：『奄，遽也。』謂急遽也。

厯石闕，

考證：……石闕，漢書作石關。文選及漢書揚雄傳、三輔黃圖作石闕。……

案藝文類聚、司馬文園集亦並作石闕。胡氏文選考異云：『「厯石闕」，袁本、  
茶陵本闕作關，而不著校語。案依此，舊與五臣同作闕也。』考證『文選』云  
云，本漢傳補注引周壽昌說。

下棠梨，

集解：『漢書音義曰：宮名也。……』

案漢傳棠作堂，張揖注：『棠梨，官名。』補注：『官本注文堂作棠。』文選注  
引張注亦作棠，棠、堂古通，蘇秦列傳：『棠谿、墨陽。』御覽一五九引棠作  
堂（廣雅釋器亦作『棠谿』。）即其比。

濯鷁牛首，

案濯借爲櫂，俗作櫂。段玉裁云：『鄧通傳：「以濯船爲黃頭郎。」司馬相如  
傳：「濯鷁牛首。」皆櫂舟之義也。』是也。釋名釋船：『在旁撥水曰櫂。櫂，  
濯也。濯於水中也。且言使舟櫂進也。』（畢沅疏證云：櫂乃說文新附字，古通  
用濯。）櫂蓋本作櫂，與『櫂進』相應，俗人改爲櫂耳。

掩細柳，

正義：『郭云：觀名，在昆明南柳市。』

施之勉云：『四庫全書考證曰：正義「在昆明池南柳市。」刊本脫池字，據文選  
注增。』

案漢傳、文選注引郭注，並作『觀名也。在昆明池南。』

觀士大夫之勤略，鈞獫者之所得獲。

正義：『勤略，』言觀士大夫之勸功智略也。

考證：文選鈞作均，漢書、文選獫作獫。

施之勉云：五臣本作鈞。

案正義釋略爲『智略，』本師古注。均、鈞正、假字。司馬文園集獫亦作獫，義  
同。前已有說。

觀徒車之所轔轔，

正義：蹕，踐也。蹠，輾也。

考證：『張文虎曰：徒上觀字衍，漢書、文選無。蹕，漢書作闔，文選作轄。』

施之勉云：五臣本徒上有觀字，蹕作闔。

案司馬文園集蹕亦作轄。闔、闔並蹕之借字，蹕、轄並或蹕字。蹕，踐也。師古注：『闔，踐也。蹠，輾也。』即正義說所本。但依此文易闔爲蹕耳。

乘騎之所蹕若，

考證：乘，漢書無，文選作步。

施之勉云：若，五臣本作蹕，音若。

案司馬文園集乘亦作步，若亦作蹕，蹕乃俗字。漢傳補注：『李善注：「廣倉曰：若，蹕足貌。」』

人民之所蹕蹕。

考證：漢書無民字。文選『人民』作『人臣。』蹕，漢書作藉，文選作籍。

施之勉云：五臣本蹕作藉。

案文選民作臣，唐人避太宗諱改之也。司馬文園集蹕亦作藉。藉、籍古通，蹕乃俗字。『蹕藉，』複語。魏其武安侯傳：『人皆藉吾弟。』集解引晉灼云：『藉，蹕也。』

與其窮極倦歟，驚憚憮伏，

考證：『郭璞曰：「窮極倦歟，」疲憊者也。「驚憚憮伏，」怖不動貌也。』

案文選、司馬文園集歟並作歟。考證引郭注作歟，據文選注所引郭注也。歟乃歟之俗變，歟爲歟之省，歟借爲歎，勞也。前子虛賦有說。漢傳、文選、司馬文園集憮皆作憇，考證引郭注作憇（原誤襲），據漢傳、文選注所引郭注也。憇與憮古字通，項羽本紀有說。

佗佗籍籍，填阬滿谷，

案漢傳上句作『它它藉藉，』司馬文園集作『佗佗藉藉。』文選『佗佗』作『他他。』它、佗古通，他乃佗之隸變。籍、藉古通，前已有說。莊子天運篇：『在谷滿谷，在阬滿阬。』

置酒乎昊天之臺，

索隱：張揖云『臺高上干皓天也。』

考證：漢書、文選昊作顥。

施之勉云：書鈔八十二引昊作皓，一百五引昊作浩。

案藝文類聚、司馬文園集昊亦並作顥。昊乃昇之俗，說文：『春爲昇天，元氣昇昇。』（爾雅釋天：夏爲昊天。）此『昊天』，『』乃天之泛稱。索隱引張注作『皓天』，『皓、顥、浩，皆昇之借字。黃善夫本索隱作『皓天』，』皓乃皓之俗。索隱本蓋本作『皓天』，（與書鈔八二所引合。）考證本改俗字爲正字耳。漢傳張注亦作『皓天』，（與索隱所引合。）是張所據漢傳亦作『皓天』也。殿本索隱作『昊天』，『』乃依正文作『昊天』改之。

張樂乎謬葛之宇。

集解：『徐廣曰：葛音葛。』

索隱：『郭璞云：言曠遠深貌也。』

案漢傳、文選、藝文類聚、司馬文園集，『謬葛』皆作『膠葛』，『』字皆作窩。書鈔八二、一百五引上林賦『謬葛』亦並作『膠葛』。說文無謬、葛二字，故本當作『膠葛』。漢傳補注：『膠葛、謬葛，猶今言寥闊也。』『寥闊』與郭注『曠遠深貌』，『』義合。莊子天運篇：『帝張咸池之樂於洞庭之野。』成玄英疏：『洞庭之野，天地之間。非太湖之洞庭也。』彼文之『洞庭』，『』與此文之『謬葛』，『』義亦相近。漢傳補注引錢大昭曰：『窩，籀文字。』莊子徐无鬼篇：『昌窩驂乘。』藝文類聚六、二七引窩並作字，與此同例。

立萬石之鉅，

考證：漢書、文選鉅作臤。

案藝文類聚、司馬文園集鉅亦並作臤，古字通用。荀子正論篇：『是豈鉅知見侮之爲不辱哉？』楊注：『鉅與遽同。』而遽又與臤通，上文已有說。然則鉅自可通臤矣。書鈔一一引上林賦作臤。臤，或臤字。

奏陶唐氏之舞，聽葛天氏之歌。千人唱，萬人和，

索隱：『張揖曰：「葛天氏，三皇時君號也。」呂氏春秋云：「其樂三人持牛尾，投足以歌八闋；一曰載人。二曰玄鳥。三曰遂草木。」……六曰建帝功。……』

梁玉繩云：『師古注曰：「『陶唐』當爲『陰康』，』傳寫字誤耳。人表有『陰康氏』。』呂氏春秋『陰康作舞。』高誘亦誤解云『陶唐。』妄改呂氏本文。』後晉馬融傳注引呂，政作「陰康。」文心雕龍事類篇曰：「陳思報孔璋書云：『葛天氏之樂，千人唱，萬人和。聽者因以蕪韶夏矣。』按葛天之歌，唱和三人而已。相如上林，濫侈葛天，推三成萬，信賦妄書，致斯謬也！」余謂千唱萬和，此賦乃總承上文，非專言葛天。謬在陳思，不在相如。』

案『陰康』罕見，『陶唐』習見，字形又近，康、唐又同聲，故『陰康』遂誤爲『陶唐』耳。千唱萬和，乃總承上文，梁說是。陳思雖專言葛天，然所謂千唱萬和，蓋謂後世奏葛天之樂，唱和者甚多也。似非不知其初唱和者僅三人而已。黃善夫本、殿本索隱，『載人』並作『戴民』，』漢傳張揖注同，惟未引呂氏春秋。呂氏春秋古樂篇作『載民』，』文選注引張注同，戴、載古通。索隱蓋本作『載人』，』避唐太宗諱，以人代民耳。（文選注之『載民』，』民字亦當諱。）索隱『玄鳥，』黃本、殿本鳥並誤身。『遂草木，』張注遂作育，義同。『建帝功，』張注建作徹，呂氏春秋作達，徹、達同義，小爾雅廣詁：『徹，達也。』

川谷爲之蕩波。

案『蕩波，』謂搖動也。文選張平子西京賦：『河、渭爲之波盪。』薛綜注：『波盪，搖動也。』『蕩波』猶『波盪，』蕩、盪古通，釋名釋言語：『蕩，盪也。』

巴渝宋、蔡，淮南于遮，

集解：『……漢書音義曰：于遮，歌曲名。』

索隱：『郭璞曰：「巴西閬中有敍水，獠人居其上，好舞。初高祖募取以平三秦，後使樂人習之，因名巴渝舞也。」張揖曰：「禮樂記曰：『宋音宴女溺志，蔡人謳員三人。』楚詞云：『吳謠蔡謳。』『淮南鼓員四人。』于遮曲，是其意也。」』

梁玉繩云：渝字，湖本譌榆。史記考異據說文引此賦，以爲當作『喻喻，』不作巴渝舞解。

考證：文選渝作渝，漢書、文選于作干。……

施之勉云：五臣本作愈。

案說文：『喻，謁聲嘵喻也。司馬相如說「淮南、宋、蔡舞嘵喻」也。』繫傳：『此相如上林賦之文也。』段注：『上林賦：「巴渝宋、蔡，淮南于遮。」此所傳非賦文，蓋凡將之一句也。』段說是，徐氏繫傳非。錢氏考異蓋承徐說而誤。文選愈作渝，注引郭注亦作渝，蓋因愈爲水名而加水旁。（此與在遼西之渝水無涉。）藝文類聚于亦作干，干乃于之誤。集解引漢書音義，索隱引張揖注並作于，是漢傳干本作于也。（參看胡氏文選考異。）索隱『蔡人，』人字衍，漢書禮樂志無。又『楚詞云：吳謠蔡謳。』漢傳補注：『文選注無楚詞七字，招魂作「吳歛，」不作謠。』謠字誤。

族舉遞奏，

考證：漢書、文選舉作居。

施之勉云：書鈔一百五引，舉亦作居。

案藝文類聚、司馬文園集舉亦並作居。

鏗鎚鐺磬，洞心駭耳。

考證：漢書、文選『鐺磬』作『闔韘。』

施之勉云：書鈔一百五引，『磬』亦作『闔韘。』

案『鏗鎚鐺磬，』書鈔引上林賦作『鏗鎚闔韘。』鎚、鎚正、假字，施氏誤闔爲闔。漢傳、文選『鐺磬』亦並作『闔韘，』考證誤闔爲闔。司馬文園集亦作『闔韘。』鐺、闔並借爲鎚，說文：『鎚，鐘鼓之聲也。』韘乃磬之古文，說文：『磬，鼓聲也。韘，古文磬从革。』書鈔兩引『洞心』並作『動心。』

韶、濩、武、象之樂，陰淫案衍之音，

案司馬文園集濩作護，古字通用，前已有說。『案衍』一詞，已見子虛賦，藝文類聚作『移衍，』恐非其舊。

俳優侏儒、狄鞮之倡，

集解：『徐廣曰：「韋昭云：狄鞮，地名，在河內。出善倡者。」』

案漢傳、文選注引郭璞注：『狄鞮，西戎樂名也。』司馬文園集倡作唱，古字通用。韋注『出善倡者。』蓋以倡爲唱。

麗靡爛漫於前，靡曼美色於後。

索隱：『張揖曰：「靡，細。曼，澤也。」韓子「曼服皓齒」也。』

考證：『文選無「於後」二字。李笠曰：「索隱本亦無『於後』二字，但『靡曼美色』四字，在『麗靡』句上，讀之較爲諧協。二靡字義同，古人文不避複。」參存。』

施之勉云：五臣本有『於後』二字。

案上靡字猶美也，下靡字猶細也，二義不同。漢傳補注：『文選注：言作樂於前者，皆是「靡曼美色」也。或云「於後」，「非也。」李善既言「或云「於後」，」是所見舊本亦有『於後』二字者。』『於前、』『於後，』相對爲長，於猶在也。索隱所據本無『於後』二字，因倒『靡曼美色』四字於『麗靡』句之上，以諧協文義耳。韓非子揚榷篇：『曼理皓齒。』索隱所引，服乃理之誤。黃本、殿本索隱，韓子下並有曰字，皓並作皓，考證本改爲皓耳。

若夫青琴、宓妃之徒，絕殊離俗，

索隱：『郭璞云：俗無雙。』

案漢傳宓作處，古同音通用，仲尼弟子列傳有說。『絕、殊、離，』三字疊義，殊、離，亦絕也。廣雅釋詁四：『殊，絕也。』戰國策秦策四：『則是我離秦而攻楚也。』高注：『離，絕也。』並其證。文選注引郭注作『離俗無雙也。』（黃善夫本、殿本索隱，雙下亦有也字。）俗上不當有離字，『絕殊離俗，』即是『俗無雙』也。

姣冶嫋都，

索隱：『「姣冶閑都，」郭璞云：「姣，好也。都，雅也。詩云：『姣人僚兮。』方言云：『自關而東，河、濟之間，凡好或謂之姣。』音絞。」說文曰：「嫋，雅也。」或作閑。小雅曰：「都，盛也。」』

考證：蔡、凌、毛本，漢書、文選，姣作妖。漢書嫋作閑。

施之勉云：景祐本、黃善夫本姣作妖。五臣本文選嫋亦作閑。

案藝文類聚、司馬文園集亦並作『妖冶閑都。』妖乃𡇗之俗省，說文：『妖，巧也。一曰，女子笑貌。姣，好也。』姣、𡇗義略同。索隱本嫋亦作閑，惟『姣冶

閑都』句，在『絕殊離俗』句之上。據索隱云：『或作閑。』則所據正文蓋本作嫗。嫗、閑正、假字。郭注引詩『姣人僚兮。』陳風月出作『佼人僚兮。』釋文：『佼，字又作姣。僚，本亦作嬈。』一本與郭所據本合。姣、佼正、假字。嬈、僚同義，方言二：『嬈，好也。』說文：『僚，好兒。』又索隱：『說文曰：「嫗，雅也。」或作閑。』小雅曰：「都，盛也。」』本文選李善注。所引小雅，見小爾雅廣言。小爾雅本名小雅，李善注例稱小爾雅爲小雅。黃善夫本、段本索隱，『小雅曰：都，盛也。』並作『漢書本作閑。』非其舊也。

靚莊刻飭，便嫗綽約，

集解：『郭璞曰：靚莊，粉白黛黑也。』

考證：文選莊作粧。漢書、文選飭作飾，與中統、游、毛本合。

案藝文類聚莊亦作粧，飭亦作飾。莊乃妝之借字。粧，俗字。文選注引郭注亦作粧。飭乃飾之借字。司馬文園集飭作飾。飾，俗字。景祐本、黃善夫本綽並作婢，古字通用，莊子逍遙遊篇：『綽約若處子。』陳碧虛音義本綽作婢，即其比。漢傳綽作婢，郭注：『婢約，婉約也。』綽乃婢之或省。

柔橈嫋嫋，

索隱：『郭璞曰：「柔橈嫋嫋，皆骨體柔弱長豔貌也。」廣雅：「嫋嫋，容也。」

張揖曰：「嫋嫋，猶婉婉也。」』

考證：文選『嫋嫋』作『漫漫。』

案淮南子時則篇：『無或枉橈。』高注：『橈，弱也。』（俗本正文、注文橈並作橈。）『柔橈』猶『柔弱』也。漢傳『嫋嫋』作『嬾嬾。』說文：『嬾，好也。』段注：『上林賦：「柔嬾嫋嫋。」今文選譌作「漫漫。」漢書不誤。史記作「嫋嫋，」則是別本。按今人所用娟字，當即此。』（段氏所引『柔嬾』乃『柔橈』之誤。）司馬文園集亦誤作『漫漫，』文選注引郭注同。史記作『嫋嫋，』蓋亦誤字，恐非別本。世人少見嬾，習見娟，傳寫遂誤嬾爲娟耳。索隱所引廣雅及張揖注之『嫋嫋，』亦因正文作『嫋嫋』正誤。廣雅釋訓：『嬾嬾，容也。』王氏疏證：『嬾，今娟字也。卷一云：「嬾，好也。」重言之則曰「嫋嫋。」司馬相如傳：「柔橈嫋嫋。」索隱引張注云：「嫋嫋，猶婉婉也。」』引史記文，徑改

正文及張注『嬪嬪』爲『嬪嬪』，是也。（嬪、嬪爲誤字，胡氏文選考異亦有說。）

媯媚嬪嫋，

索隱：『「嫮媚媯弱」，……郭璞云：「媯弱，弱貌。」埤蒼曰：「媯弱，謂容體纖細柔弱也。」』

王念孫云：『索隱本媯作嫮，注曰：「埤蒼云：『嫮媚，悅也。』通俗文云：『頗輔謂之嫮媚。』」案漢書、文選竝作嫮，說文：「嫮，媚也。」則作嫮者是。』

考證：漢書、文選娟作媯。

案索隱本作『嫮媚媯弱』，漢傳、文選、藝文類聚皆同。說文繫傳引上林賦作『嫮媚冉弱』。司馬文園集作『嫮媚纖弱』。嫮、媯正、俗字。『嫮媚』，複語。『嫋嫋』，亦複語。說文：『嫋，姁也。姁，弱長兒。』『冉弱』，義亦相符，說文：『冉，毛冉冉也。』段注：『冉冉者，柔弱下垂之兒。』『媯弱』則與『纖弱』同，說文：『媯，銳細也。纖，細也。』黃善夫本、殿本索隱，郭璞云云，並作『郭璞云：「姁弱，細弱也。」小顏曰：「細弱，總謂骨體也。」』非其舊也。

𠀤獨繭之褕袴，

索隱：『「褕𠀤」，張揖云：「褕，襱𠀤也。𠀤，袖也。」……埤蒼云：「𠀤，衣長貌也。」』（衣上𠀤字原作袴，非其舊。）

考證：漢書、文選𠀤作曳。袴，漢書作𠀤，文選作紩。

案索隱本、司馬文園集亦並作『曳獨繭之褕𠀤』。𠀤與曳音義同。𠀤與𠀤同，廣雅野器：『𠀤，袖也。』（前子虛賦有說。）𠀤疑𠀤之誤，文選𠀤作紩，注引張注亦作紩，五臣本作襱，蓋由𠀤誤爲𠀤，復轉寫爲襱及紩耳。集韻去聲上霽韻第十三，收『𠀤、襱、紩』三字。注云：『衣長兒。一曰，袖也。或从曳；亦作紩。』至韻第六亦收𠀤字，注云：『袖也。』𠀤、襱、紩三字，蓋收上林賦之誤字，兼及注文耳。黃善夫本、殿本索隱，𠀤皆作襱，依正文作襱改之，是也。

眇闇易以戌削，

集解：『徐廣曰：……戌削，言如刻畫作之。』

索隱：「「眇闇易以恤削。」郭璞曰：「闇易，衣長貌。恤削，言如刻畫作也。」」

考證：戌，漢書作恤，文選作卹。『戌削，』解見上。

施之勉云：五臣本作戌。

案景祐本、黃善夫本戌並誤戌，司馬文園集同。黃本、殿本集解戌亦誤戌，（景祐本集解脫『戌削』二字。）索隱本戌作恤，與漢傳合。漢傳郭注亦作恤。文選作卹，注引郭注亦作卹。（又引郭注『衣長』下有大字。）『戌削，』裁制貌，戌、卹古通，已見前子虛賦。卹、恤古亦通用，莊子德充符篇：『寡人卹焉。』文選司馬子長報任少卿書注引卹作恤，卽其比。黃本、殿本並略索隱。

媯媯微矯，與世殊服。

集解：『郭璞曰：「媯媯微矯，」衣服婆娑貌。』

考證：『漢書、文選「媯媯微矯，」作「便姍嫋屑，」世作俗。王先謙曰：「媯媯」卽「躊躇。」』

施之勉云：五臣本作世。

案『媯媯、』『微矯，』複語也。司馬文園集亦作『便姍嫋屑，』音義同。朱駿聲云：『子虛賦：「便姍嫋屑，」注：「衣曳地貌。」按猶「般旋」也。』（說文通訓定聲。子虛賦當作上林賦。）『便姍』猶『般旋，』郭注：『衣服婆娑貌。』『婆娑』亦猶『般旋』也。朱氏引注作『衣曳地貌。』舊無此注，蓋引郭注之大意。漢傳世字同，考證失檢。文選世作俗，避唐太宗諱改之也。五臣本作世，乃後人復其舊耳。

分香溫鬱，

案漢傳、文選、司馬文園集香皆作芳。

皓齒粲爛，宜笑的嬾，

索隱：『……楚詞曰：「美人皓齒以嬾。」又曰：「娥眉笑以的嬾。」嬾音礎也。』

案景祐本、黃善夫本、殿本，皓皆作皓，的皆作的，漢傳、文選、藝文類聚、司馬文園集咸同，黃本、殿本索隱亦同。考證本改俗字爲正字耳。文選注引楚辭曰：『美人皓齒嬾以嬾。』蓋索隱引楚辭前句所本（惟以上脫嬾字）。洪氏楚辭

補注本大招作『朱脣皓齒，嬪以媯只。』校云：『「朱脣」一作「美人。」』正與文選注及索隱所引楚辭合。惟索隱所引下句『娥眉笑以的礫。』則不見於今本楚辭。或某句異文，或爲佚句，或小司馬誤記與？漢傳補注：『文選注：「楚辭曰：嬪目宜笑蛾眉曼。」』亦見大招，惟蛾作娥。又索隱『礫音礫也。』本師古注或李善注。

天子茫然而思，似若有亡。

考證：『顏師古云：似若有亡，如有失也。』

案莊子說劍篇：『文王茫然自失。』

此泰奢侈，朕以覽聽餘閒，無事棄日。

正義：言聽政餘暇，不能棄日也。

考證：『漢書、文選泰作大。蘇軾曰：言閒居無事，是虛棄此日，故順天殺伐。注未晰。』

施之勉云：『章貽燕曰：「棄日」猶言「暇日」，謂以聽政之餘閒，無事之暇日，偶校獵于苑囿中也。』

案藝文類聚、司馬文園集泰並作太。太與泰同，泰、大古通，其例習見。『朕以』二句之義，章說是。正義說，本師古注。考證引蘇說，本漢傳補注。

恐後世靡麗，遂征而不反。非所以爲繼嗣創業垂統也。

考證：文選世作葉。漢書、文選反作返。

施之勉云：五臣本作世。

案文選世作葉，乃避唐太宗諱改。五臣本作世，亦後人復其舊也。司馬文園集反亦作返，作反是故書。文選注：『孟子曰：君子創業垂統，爲可繼也。』見梁惠王篇。後難蜀父老文亦云：『創業垂統。』

於是乃解酒罷獵，而命有司曰：地可以墾辟，悉爲農郊，以贍萌隸。

考證：漢書、文選是下有乎字。文選辟作闢。漢書萌作氓。

施之勉云：五臣本萌作氓。

案司馬文園集是下亦有乎字，辟亦作闢，萌亦作氓。闢、辟正、假字。氓、萌正、假字。

墮牆墻壘，

案漢傳、司馬文園集壘並作壘，壘，或壘字。

虛宮觀而勿仞。

正義：仞音刃，亦滿也。言離宮別館，勿令人居止，竝廢罷也。

施之勉云：五臣本仞作物。

案正義言『離宮別館，』是所據本觀作館，漢傳、文選、司馬文園集亦皆作館。

觀、館古通，前已有說。漢傳補注：『仞讀曰物，孟子音義上引丁音云：物，本作仞。』物、仞正、假字，廣雅釋詁一：『物，滿也。』前子虛賦有說，師古注：『仞亦滿也，勿仞，言廢罷之也。』正義本其說而詳之耳。

更正朔，興天下爲始。

考證：漢書、文選更作革。

案司馬文園集更亦作革，義同。漢傳補注：『文選爲下有更字。』疑文選『革正朔，』革，一作更，因誤竄更字於爲字下耳。

於是歷吉日以齊戒，襲朝衣，乘法駕，

正義：……法駕，六馬也。

考證：文選齊作齋。漢書、文選衣作服。

案藝文類聚、司馬文園集齊亦並作齋，齋、齊正、假字，作齊是故書。司馬文園集衣亦作服。文選注引司馬彪注：『法駕，六馬也。』即正義說所本。

游乎六藝之囿，騫乎仁義之塗，

考證：漢書、文選騫上有馳字。

案漢傳、文選『游乎』並作『游于。』藝文類聚作『游於，』騫上亦有馳字。司馬文園集亦有馳字。

射獮首，兼騫虞，

正義：……按獮首，逸詩。騫虞，邵南之卒章。

案景祐本、黃善夫本、殿本獮皆作狸，俗字也。正義說，本郭璞注。

弋玄鶴，建干戚，

考證：『……中井積德曰：「玄鶴，疑古樂名。漢書、文選建作舞。」……梁玉

繩曰：「案上有『玄鶴加』，『鱗玄鶴』二句，并此三見矣。……重出複用，豈非文之疵病歟？……」

案以上文**獮首**、**騶虞**並爲樂章名例之，此『玄鶴』亦當是樂章名。則不得病其與上文兩言『玄鶴』爲重用複出矣。司馬文園集建亦作舞。

樂樂胥，

索隱云：『毛詩云：「君子樂胥，受天之祐。」言王者樂得賢材之人，使之在位。故天與之福祿也。胥，音先呂反。』

秦師古注：『謂取小雅桑扈之篇云：「君子樂胥，萬邦之屏」耳。胥，有材智之人也。王者樂得有材知之人，使在位也。胥，音先呂反。』即正義說所本。其『天與之福祿』句，則本之桑扈鄭箋。師古注『胥，有材智之人也。』亦本之鄭箋。胥借爲譖，說文：『譖，知也。』段注：『詩假胥爲之，小雅箋云：胥，有才知之名也。』

修容乎禮園，

正義：禮所以自修飾，整威儀也。

案文選注引郭璞曰：『禮所以整威儀，自脩飾也。』即正義說所本。

述易道，

正義：易所以絜靜微妙，……

案漢傳注及文選注引郭璞曰：『脩絜靜精微之術。』即正義說所本。禮記經解：『絜靜精微，易教也。』又郭說所本也。

恣羣臣奏得失，四海之內，靡不受獲。

正義：言天下之人，無不受恩惠。

考證：文選恣作次。

施之勉云：五臣本作恣。

案恣、次正、假字。正義說，本師古注。

嚮風而聽，隨流而化，喟然興道而遷義，

索隱：喟，漢書作𠙴，音許貴反。

考證：『郭璞曰：𠙴猶勃也。』

案漢傳、文選嚮並作鄉，司馬文園集作向。鄉、向古、今字。嚮乃鄉、向二字之合體。文選、司馬文園集喟亦作勃。喟、勃並借爲奉，說文：『奉，疾也。』郭釋勃爲勃，與疾義符。（勃借爲奉，前引段玉裁有說。）

德隆乎三皇，功羨於五帝。

正義：羨，饒也。

案文選作『德隆於三王。』（漢傳、司馬文園集乎亦並作於。）胡氏考異云：『茶陵本云：「五臣作皇。」袁本云：「善作王。」案各本所見皆非也。史記、漢書皆作皇，善自與之同。傳寫譌耳。』正義說，本師古注。

若夫終日暴露馳騁，勞神苦形，罷車馬之用，抗士卒之精，

索隱：抗，音五官反。

正義：抗、挫也。

考證：漢書、文選無『暴露』二字。

案司馬文園集亦無『暴露』二字。索隱及正義說，並本師古注。

而無德厚之恩，

案漢傳補注引文選注：『管子曰：國雖盛滿，無德厚以安之，國非其國也。』見管子形勢解篇。

務在獨樂，不顧衆庶。

案孟子梁惠王篇：『民欲與之偕亡，雖有臺池鳥獸，豈能獨樂哉！』

而貪雉兔之獲，則仁者不由也。

案漢傳、文選並無而字，由並作繇。司馬文園集亦無而字。師古注：『繇讀曰由。由，用也。』

而樂萬乘之所侈，僕恐百姓之被其尤也。

考證：漢書、文選姓下無之字。

案漢傳補注引何焯曰：『萬乘之所侈，謂天子猶自謂此太奢侈者也。』文選無所字，非也。』文選考異云：『「而樂萬乘之侈，」袁本之下有所字，云：「善無。」茶陵本云：「五臣有所，漢書有。」今案史記亦有。』司馬文園集亦有所字。又姓下亦無之字。

超若自失。

案『超若』猶『超然。』莊子徐无鬼篇：『武侯超然不對。』釋文引司馬彪云：『超然，猶悵然也。』超乃惆之借字，說文：『惆，失意也。』惆，字亦作怊。莊子天地篇：『怊乎若嬰兒之失其母也。』釋文：『怊音超，字林云：悵也。』司馬文園集脫『超若自失』四字。

逡巡避席，

案漢傳補注：『何焯曰：「席，文選作席，爲是。此賦多古字。」張雲璈云：「陸德明經典釋文、郭忠恕佩鑑，皆以席爲席之俗書，非古字也。」席乃席之俗變，顏氏家訓書證篇所謂『席中加帶』是也。莊子寓言篇：『其反也，舍者與之爭席矣。』日本高山寺舊鈔卷子本席作席，亦同此例。文選李善注：『席與席古字通。』誤矣！

謹聞命矣。

考證：漢書、文選聞作受。

案司馬文園集聞亦作受。文心雕龍詮賦篇：『相如上林，繁類以成豔。』無是公言天子上林廣大，山谷水泉萬物。及子虛言楚雲夢所有甚衆，侈靡過其實。

案漢傳無『天子』二字。西京雜記卷二云：『司馬相如爲上林、子虛賦，意思蕭散，不復與外事相關。控引天地，錯綜古今，忽然如睡，煥然而興，幾百日而後成。』

相如爲郎數歲，

案景祐本、黃善夫本並提行。

用興法誅其渠帥。

集解：『漢書曰：「用軍興法」也。』

案通鑑漢紀十從漢傳，興上有軍字。

乃使相如責唐蒙，

考證：『張文虎曰：「蔡、中統、游、毛本，唐蒙下有等字，與漢書合。」愚按楓、三本亦有。』

施之勉云：景祐本唐蒙下有等字。

案御覽七七七引此唐蒙下亦有等字，通鑑同。

謗膝請和。

案漢傳、文選、司馬文園集，謗皆作屈，古字通用。

康居西域，重譯請朝，稽首來享。

考證：『漢書、文選「請朝」作「納貢」。』文選首作額。……王先謙曰：「西域傳：『漢興至于孝武，事征四夷，廣威德，而張騫始開西域之迹。』據史記張騫傳，騫使西域，以元朔三年歸。喻巴蜀時，西域康居，疑尚未通中國，乃相如夸飾之辭。或其時偶有通貢之事，史無明文邪？」』

施之勉云：『五臣本作首。漢書董仲舒傳，元光元年，仲舒對策，已云「夜郎、康居，殊方萬里，說德歸義。」而相如此檄，尤在其後。則武帝初年，康居寔來中國，並非相如夸飾之辭，特史文不載耳。』

案司馬文園集『請朝』亦作『納貢』。喻巴蜀時，西域康居，與漢早有通貢之事。驗以董仲舒對策，王氏後說是。文選李善注：『毛詩曰：「自彼氐羨，莫不來享。」爾雅曰：「享，獻也。」』引詩，見商頌殷武，莫下本有敢字。

右弔番禺，

案漢傳補注：『左襄十四年傳注：弔，恤也。』

不敢怠墮。

考證：『怠墮，』漢書作『惰怠，』文選作『墮怠。』

案司馬文園集作『怠惰。』惰乃惰之省。說文：『惰，不敬也。惰，惰或省旨。』

墮，借字。惰，俗字。

延頸舉踵，喟喟然皆爭歸義，欲爲臣妾。

正義：喟，五恭反，口向上也。

考證：『桃源抄云：「淮南子云：羣生莫不喟然仰其治。」漢書、文選「爭歸義，」作「鄉風慕義。」』

案荀子榮辱篇：『小人莫不延頸舉踵而願。』司馬文園集『爭歸義』亦作『鄉風慕義。』文選作『嚮風慕義。』注：『呂氏春秋曰：「聖人南面而立，天下皆延

頸舉踵矣。」論語素王受命讖：「莫不喟喟延頸歸德。」史記：「張良曰：百姓莫不嚮風慕義，願爲臣妾。」『所引史記，見留侯世家，嚮本作鄉。淮南子俶真篇：『羣生莫不顛顛然仰其德。』御覽七七引『顛顛』作『喟喟』（劉文典淮南鴻烈集解有說。）喟、顛正、假字。桃源引淮南子云云，有脫誤。又正義釋喟爲『口向上。』本師古注。」

故遣中郎將往賓之。

考證：『徐孚遠曰：賓，謂以賓見諸侯之禮接之。』

案文選注：『中郎將，唐蒙也。』考證引徐說，本殿本考證。

發巴蜀士民各五百人，以奉幣帛，

考證：漢書、文選『土民』作『之土』，漢書無帛字。

案司馬文園集『土民』亦作『之土』，亦無帛字。

聞烽舉燧燔，

索隱：『烽、燧，韋昭曰：「烽，束草置之長木之端，如挈臬，見敵則燒舉之。燧者積薪，有難則焚之。烽主晝，燧主夜。」字林云：「箠，漉米簸也。音一六反。」又纂要云：「箠，淅箕也。」此注是孟康說。』

施之勉云：『王國維敦煌漢簡跋十二曰：「史記司馬相如傳：『聞烽舉燧燔。』集解引漢書音義曰：『烽，如覆米箠，縣著桔槔頭，有寇則舉之。燧，積薪，有寇則燔然之。』漢書賈誼傳：『斥候望烽燧不得臥。』注引文穎曰：『邊方備胡寇作高土櫓，櫓上作桔槔，桔槔頭懸兜鍪，以薪草置其中，常低之，有寇則火然舉之，相告曰烽。又積薪，寇至卽然之，以望其煙曰燧。』二說略同。則烽用火，燧用煙。夜宜用火，晝宜用煙。簡云『晝不見煙，夜不見火。』是也。乃張揖（文選喻巴蜀檄李善注引）、張晏（漢書賈誼傳注）、司馬貞（史記周本紀索隱）、張守節（史記司馬相如傳正義），皆以爲烽主晝，燧主夜。顏師古獨於賈誼傳注破張晏之說曰：『晝則燔燧，夜則舉烽。』其識卓矣！』』

案索隱本烽作燧，漢傳同。烽乃燧之俗省，前子虛賦有說。說文卷下段注：『張揖曰：「晝舉烽，夜燔燧。」李善取其說。廣韵：「夜曰燔，晝曰燧。」蓋有誤。』不知廣韵之說，正與漢簡之說合，非誤也。王氏所稱『司馬貞（史記周本紀

索隱）、張守節（史記司馬相如傳正義）。』乃『張守節（史記周本紀正義）、司馬貞（史記司馬相如傳索隱）』之誤。又黃善夫本、殿本索隱，並作『字林云：「𦗧，漚米簸也。音一六反。」纂要云：「𦗧，淅箕也。」烽見敵則舉，燧有難則焚。烽主晝，燧主夜。』非其舊也。

義不反顧，

考證：漢書、文選義作議。

施之勉云：類聚五十八義亦作議。

案司馬文園集義亦作議，古字通用。莊子齊物論篇：『有倫有義。』釋文引崔譲本義作議，即其比。

析珪而爵，

案漢傳、司馬文園集珪並作圭。珪，古文圭。

居列東第，

索隱：列甲第，在帝城東，故云東第也。

案索隱說，本師古注。

功烈著而不滅。

案漢傳烈作業，義同。爾維釋詁：『烈，業也。』

肝腦塗中原，膏液潤野草而不辭也。

案藝文類聚五八液作譯。漢傳『野草』作『朶』。』師古注：『朶與朶同，古野字也。朶，古草字。』文選注引春秋考異郵曰：『枯骸收骸，血膏潤草。』漢書蒯通傳：『今劉、項相爭，使人肝腦塗地，流離中野。』

讓三老孝弟以不教誨之過。

案文選弟作悌，弟、悌古、今字。漢傳補注引文選注：『漢書景帝詔曰：置三老孝悌以道民焉。』此文帝詔，非景帝詔也。見漢書文帝紀。

重煩百姓。

索隱：重猶難也。

案索隱說，本師古注，亦見文選注。

檄到亟下縣道，

索隱：……亟，急也。

案索隱說，本師古注，亦見文選注。

使咸知陛下之意，唯毋忽也。

考證：漢書無之字、也字。

案漢傳作『咸喻陛下意，毋忽。』文選作『使咸喻陛下之意，無忽。』漢傳咸上蓋脫使字，無與毋同。

費以巨萬計。

案漢傳巨作億。

道亦易通。

案書鈔四十引此無亦字，漢傳同。

秦時嘗通爲郡縣。

案漢傳秦作異，師古注：『異時，猶言往時也。』

愈於南夷。

正義：愈，勝也。

案正義說，本師古注。

以賂西夷。

考證：漢書西下有南字。

施之勉云：書鈔四十、白帖十六引，西下有南字。

案書鈔四十兩引此文，一引西下無南字。

皆因門下獻牛酒以交驩。

案御覽七七七引獻上有而字。

卓王孫喟然而歎，自以得使女尙司馬長卿晚。

案淮陰侯列傳：『於是漢王大喜，自以爲得信晚。』與此句法同。  
與男等同。

考證：『李笠曰：……漢書無等字。』

案漢傳有等字，無同字。

皆請爲內臣。

案漢傳『內臣』作『臣妾。』通鑑從史作『內臣。』

除邊關，關益斥，西至沫、若水。

考證：『漢書不重關字，蓋脫文也。王先謙曰：〔通鑑十八關下亦有關字。〕言除去舊設之關，更於新關之地置關也。「益斥，」文意連下。』

案說文繫傳十八引史記云：『漢武時，西夷邊關益序，至沫、若水也。』不重關字，（與漢傳合。）斥作序，文意連下。漢傳斥作斥，斥、序並序之隸變。

南至牂柯爲徼，

案黃善夫本、殿本牂柯並作牂柯，乃俗誤。（下文『徼牂柯。』黃本、殿本亦並誤牂柯。）

橋孫水，以通邛都。

索隱：『「橋孫水，通笮。」韋昭曰：「爲孫水作橋也。」案華陽國志云：「相如卒開僰道，通南夷，……置牂柯郡也。」』

王念孫云：『邛都，本作邛、笮，此淺學人改之也。上文言「邛、笮、毋駢，皆請爲內臣。」下文言「朝毋從駢，定笮存邛。」則此不得但言「通邛都」也。索隱本出「通笮」二字，（案此脫邛字。）注曰：「案華陽國志云：『相如卒開僰道，通南中，開越巂郡。韓說開益州。唐蒙開牂柯，斬笮王首，置牂柯郡。』」則正文內有笮字明矣。漢書正作「通邛、笮。」』

案『通邛都，』索隱本作『通笮。』通下脫邛字，王說是。王氏引笮作笮，笮、笮古、今字。王氏所引『通南中，』黃善夫本、殿本索隱並同，與華陽國志四南中志合。索隱本中誤夷。又黃本、殿本索隱，並略韋注。

唯大臣亦以爲然。

王引之云：唯借爲雖。（經傳釋詞八。）

案唯猶卽也。范睢列傳：『主人翁習知之，唯睢亦得謁。』（王氏亦謂借唯爲雖。）唯亦與卽同義。彼文斠證有說。

業已建之，

索隱：案業者，本也。謂本由相如立此事也。

案『業已，』複語，業亦已也。（項羽本紀有說。）索隱說，本師古注。

籍以蜀父老爲辭，而已詰難之，以風天子。

考證：『漢書籍作藉，顏師古曰：藉，假也。風讀曰諷。』

案籍、藉古通，漢紀十一籍作假，風作諷，與師古說合。漢傳藉下無以字，疑涉以下字而衍。漢紀亦無以字。

令百姓知天子之意。

案漢傳知上有皆字。

漢興七十有八載，

案景祐本提行。

羣生澍濡，

考證：漢書、文選澍作霑。

案藝文類聚二九澍作沾，說文：『澍，時雨也。霑，雨霑也。』霑、沾正、假字。

隨流而攘。

索隱：攘，却也。

案索隱說，本師古注。

舉苞滿。

梁玉繩云：『漢書、文選作苞蒲，索隱亦云：「一作蒲。」則滿字譌。』

案司馬文園集滿亦作蒲。

結軼還轍，

索隱：『「結軼，」下音轍。漢書作軌。張揖曰：「結，屈也。」』

王氏雜志所據震澤王氏本軼作軌，云：『索隱本軼作軼，注曰：「音轍，漢書作軌。」據此，則史記本作「結軼。」（孝文紀：「結軼於道。」田完世家：「伏式結軼西馳。」凡史記、莊子、戰國策，轍字多作軼。）與漢書不同。今本依漢書改爲「結軼，」又刪去注內「音轍，漢書作軌」六字，而加入「軌，車迹也」四字，斯爲謬矣！』

考證：軼，諸本作軌，今從索隱本。

案景祐本南宋補版、黃善夫本、殿本，軼皆作軌。藝文類聚、司馬文園集並同。

黃本、殿本索隱並作『張揖云：「結，屈也。」軌，車迹也。』非其舊也。

耆老大夫薦紳先生之徒，

案漢傳、文選、藝文類聚薦皆作摺，司馬文園集作縉，薦、縉並摺之借字，後封禪文：『而後因雜薦紳先生之略術，』漢傳薦作縉，文選作摺，亦同例。漢書郊祀志：『縉紳者弗道。』李奇注：『縉，插也。插笏於紳，紳，大帶也。』師古注：『縉，字本作摺。插笏於大帶與革帶之間耳，非插於大帶也。或作「薦紳」者，亦謂薦笏於紳帶之間，其義同。』五帝本紀：『薦紳先生難言之。』作『薦紳，』與此同。

因進曰。

案漢傳、文選、藝文類聚、司馬文園集，皆無因字。

蓋聞天子之於夷狄也，其義羈縻勿絕而已。

索隱：『案羈，馬絡頭也。縻，牛轡也。漢官儀：「馬云羈，牛云縻。」言制四夷如牛馬之受羈縻也。』

考證：文選於作牧。

案藝文類聚於亦作牧。黃善夫本、殿本索隱，『牛轡』並作『牛鞬』，儀下並有云字。師古注：『羈，馬絡頭也。縻，牛鞬也。』文選注：『應劭漢官儀曰：「馬曰羈，牛曰縻。」言四夷如牛馬之受羈縻也。』索隱說，兼本師古注及李善注。

今又接以西夷，

考證：漢書、文選接下有之字。

案漢紀十一、藝文類聚、司馬文園集，接下亦皆有之字。

仁者不以德來，彊者不以力并，意者其殆不可乎？

正義：言自古帝王，雖仁治不能招來，雖強力不能并兼，以其路遠，殆不可通。

案『意者』猶『或者』。漢傳、漢紀殆上並無其字。正義說，本師古注。

余尙惡聞若說。

考證：漢書、文選余作僕，文選尙作常。

案司馬文園集余亦作僕。尙、常古本通用，惟文選尙作常，疑涉下文諸常字而誤。

請爲大夫麤陳其略。

考證：漢書、文選麤作粗。

案司馬文園集亦作粗。師古注：『粗猶麤也。』

蓋世必有非常之人，然後有非常之事。有非常之事，然後有非常之功。非常者，固常人之所異也。

索隱：案常人見之以爲異。

考證：文選功下有夫字，『固常』下人字，楓、三本、毛本有，與漢書、文選合，今依補。

案漢紀、藝文類聚、司馬文園集，『固常』下亦皆有人字。漢紀十四載元封五年武帝詔曰：『蓋有非常之人，必有非常之功。非常之功，必待非常之人。』（漢書武帝紀僅有『蓋有非常之功，必待非常之人。』兩句。）索隱說，本師古注。

天下晏如也。

案漢紀如作然，義同。

昔者鴻水浡出，氾濫衍溢，民人升降移徙，倚匱而不安。

考證：漢書、文選鴻作洪，浡作沸，登作升，『倚匱』作『崎嶇』。

案司馬文園集與漢傳、文選同。洪、鴻正、假字。說文無浡字，當以作沸爲正，上文『澤浡澑汨』，索隱本浡作沸，與此同例。登、升正、假字。『倚匱』俗作『崎嶇』。

夏后氏戚之，乃堙鴻水，決江疏河，

梁玉繩云：漢書作『堙洪原』，文選作『堙洪塞源』。夫塞洪水者鯀也。豈禹乎？溝洫志亦有『禹堙洪水』句，而誤自山海大荒北經『禹湮洪水』來。

案司馬文園集戚作感，『堙鴻水』，亦作『堙洪塞源』。文選戚亦作感，感、戚正、假字。莊子天下篇亦云：『昔者禹之湮洪水，決江河。』御覽六八及八二引湮並作堙，堙當作壘。堙，俗字。湮，借字。說文：『壘，塞也。塞，隔也。隔，障也。』然則『壘洪水』者，隔障洪水，使不氾濫耳。

滻沈贍蓄，

索隱：『「滻沈贍蓄」，滻音鹿，蓄音災。漢書作「澌沈贍灾」。解者云：「澌作灑。灑，分也。音所綺反。澌，安。……」』

考證：『灑沈澹蓄，』漢書、文選作『灑沈澹災。』

施之勉云：五臣本作『漸沈澹災。』

案司馬文園集亦作『灑沈澹蓄。』文選注：『張揖曰：「灑，分也。」灑，或作漸。顏師古曰：「沈，深也。澹，安也。言分散其深水以安定其災也。」』說文：『灑，一曰：水下免也。』引申有分疏之義。索隱引漢傳灑作漸，今漢傳作灑，義皆同。漸借爲斯，說文：『斯，析也。』廣雅釋詁一：『斯，分也。』河渠書：『於是禹……乃斲二渠以引其河。』集解：『漢書音義曰：「斲，分也。」』索隱：『斲，漢書作釅。史記舊本亦作灑，字從水。』斲當爲斯，斲乃俗字。灑乃釅之借字，說文：『釅，下酒也。』段注：『引申爲分疏之義。』溝洫志云：「釅二渠以引河。」是也。司馬相如傳借灑。』澹借爲儻，說文：『儻，安也。』師古訓澹爲安，澹亦借爲儻。索隱引漢書蓄作灾，今漢傳作災，蓄、灾並借爲𠂇，灾與災同，說文：『𠂇，害也。』又黃善夫本、殿本索隱，並作『灑音鹿，蓄音灾。』漢書作「灑沈澹灾；」解者云：「灑，分也。音所宜反。澹，安也。……」』非其舊也。

當斯之勤，

案說文：『勤，勞也。』

躬胝無胈，膚不生毛。

集解：『徐廣曰：……胈，踵也。一作腠，音湊。……』

索隱：『「躬奏胝無胈，」張揖曰：「奏作戚。躬，體也。戚，腠理也。」韋昭曰：「胈，其中小毛也。」胝，音丁私反。莊子云：「禹胼無胈，脛不生毛。」……』

考證：『躬下漢書有「偃𦵹」二字，文選有腠字，索隱本有奏字。愚按無者爲正。荀子子道篇：「手足胼胝。」胝，皮厚也。』

案司馬文園集躬下亦有『偃𦵹』二字。偃，或戚字。戚借爲族，廣雅釋言：『族，湊也。』釋詁三：『湊、族，聚也。』索隱本躬下有奏字，奏借爲湊。文選躬下有腠字，腠亦借爲湊。今本史記躬下無奏字或腠字，蓋淺人不得其義而妄刪之。徐注所謂『胈，一作腠。』腠字本應在躬字下也。漢傳胝上有𦵹字，（𦵹，或體

作胼。)疑涉孟康注而衍。孟注：『言禹勤胼胝無有毳毛也。』乃釋胝爲『胼胝』字耳。文選注引莊子曰：『兩組女浣於白水之上者。禹過之而趨，曰：「治天下奈何？」女曰：「股無胈，胫不生毛，顏色烈凍，手足胼胝，何以至是也？」』乃莊子佚文。韓非子五蠹篇：『禹之王天下也，股無胈，胫不生毛。』李斯傳亦稱禹『股無胈，胫無毛，手足胼胝。』索隱引莊子云云，見天下篇，『胫不生毛，』本作『胫無毛。』考證引荀子云云，本漢傳補注。又集解『胈，踵也。』景祐本踵作腫，黃善夫本、殿本並作種。踵、種並腫之誤，說文：『胝，腫也。腫，癥胝也。』(朱駿聲通訓定聲云：癥胝，俗謂之老繭。)又黃本、殿本索隱，並作『張揖曰：「腠，一作戚。躬，體也。戚，湊理也。」韋昭曰：『胈，戚中小毛也。』胝，音真尸反。莊子云：『禹胝無胈，胫不生毛。』……『腠理』作『湊理，』蓋據漢傳張注改之。』其中作『戚中，』義並難通。文選注引韋昭注亦作『其中。』漢傳補注謂『文選注作「身中。」是。』未知所據何本。『胼無胈，』胼作胝，則據正文作胝妄改之。

聲稱浹乎于茲。

正義：浹，徹也。

考證：于茲，今茲也。

案正義及考證說，並本師古注。

豈特委瑣握躡，拘文牽俗，循誦習傳，當世取說云爾哉？

索隱：『孔文祥云：委瑣，細碎。握躡，局促也。』

考證：『文選握作喔，循作脩。顏師古云：說讀曰悅。……』

施之勉云：五臣本作醒。

案漢紀特作將，義同。索隱本瑣作瑣，瑣、瑣雙聲，古通用。司馬文園集從文選，『握躡』作『喔躡。』漢紀作『偃促。』(即酈生傳之『握噏。』)疊韻連語，字無定形。楚辭九歎憂苦：『偃促談於廊廟兮。』王注：『偃促，拘愚之貌。』文選循作脩，脩乃循之誤。(循、脩隸書形近，相亂之例甚多。)漢紀說作悅。黃善夫本、殿本索隱瑣並作瑣，依正文作瑣改之也。又躡並作覶，(殿本正文亦作覶。)同。

必將崇論闕議，

案漢傳闕作竑，師古注：『竑，深也。音宏。』漢紀、藝文類聚並作宏。文選作竑，注引鄧展子曰：『字詁云：竑，今宏字。』說文：『竑，谷中響也。』段注：『引申爲凡大之偁。史記司馬相如傳：必將崇論竑議』所引史記，乃漢書之誤。爾雅釋詁：『宏，大也。』竑與宏義合。闕乃借字。

而勤思乎參天貳地。

索隱：案天子比德於地，是貳地也。與己并天爲三，是參天也。……

案索隱說，本師古注。

普天之下，莫非王土。率土之濱，莫非王臣。

案師古注：『小雅北山之詩也。』

是以六合之內，八方之外，

正義：六合，天地四方。八方，四方及四維也。

案正義說，本師古注。

浸渟衍溢，

索隱：『浸淫。』案『浸淫，』猶漸浸。

考證：楓、三本及漢書、文選，渟作淫。

案索隱本『浸渟』亦作『浸淫。』前上林賦：『浸潭促節，』索隱引漢傳亦作『浸淫。』渟、潭並讀與淫同。黃善夫本、殿本索隱，『浸淫』並作『浸渟，』依正文作渟改之也。

遼絕異黨之地，

案漢傳、文選、藝文類聚、司馬文園集，地皆作域。

舟輿不通，

考證：漢書、文選輿作車。

案漢紀、藝文類聚、司馬文園集，亦皆作車。莊子秋水篇：『舟車之所通。』

政教未加，流風猶微。

案文選注引孟子曰：『故家遺俗，流風善政，猶有存者。』見公孫丑篇。

放弑其上。

考證：漢書、文選弑作殺。

案漢紀、司馬文園集亦並作殺。師古注：『殺讀曰弑。』

幼孤爲奴，係彙號泣。

考證：漢書、文選奴下有虜字。

案漢紀、司馬文園集奴下亦並有虜字，彙並作縲，文選亦作縲。漢傳作縲。彙、彙正、假字。縲，俗字。孟子梁惠王篇：『係累其子弟。』累乃彙之省。漢紀號作嗁，號、嗁並借爲号，說文：『号，痛聲也。』

德洋而恩普，

考證：漢書、文選洋下無而字。……愚按『恩普』下，諸本有『洋，溢貌。』集解。慶長本無。……

施之勉云：景祐本、黃善夫本，『恩普』下無『洋，溢貌。』

案漢紀、司馬文園集亦並無而字。殷本『恩普』下，亦無『洋，溢貌。』集解。若枯旱之望雨。龜夫爲之垂涕。況乎上聖，又惡能已！

索隱：……字或作戾。龜，古戾字。

考證：惡，漢書作烏，文選作焉。

案文選注引孟子曰：『湯始征葛伯，民望之，若大旱之望雨。』見梁惠王篇，『望雨』本作『望雲霓。』文選敘作戾。漢紀惡亦作焉，司馬文園集從漢傳作烏，惡、焉、烏，皆同義。索隱『龜，古戾字。』本師古注。

鎮零山，

考證：『慶長本標記云：「正義本零作靈。」愚按漢書、文選亦作靈。』

案漢紀、藝文類聚、司馬文園集，亦皆作靈。

使疏逖不閉，

索隱：逖，遠。言其疏遠者不被閉絕也。

案索隱說，本師古注。

阻深闇昧，得耀乎光明。

索隱：『「晉爽闇昧，」三蒼云：「晉爽，早朝也。」晉音昧。……』

王念孫云：『索隱本「阻深」作「晉爽，」注曰：「三蒼云：「晉爽，早朝也。」』

晉音昧。字林又音忽。」案作「晉爽」者是也。漢書、漢紀、文選竝作「晉爽。」說文作昬，「尙冥也。」封禪書「昧爽，」郊祀志作「昬爽。」顏師古曰：「昬爽，未明之時也。昬音忽。」「晉爽」與「闇昧」義相近，若作「阻深，」則與下句「得耀乎光明，」義不相屬。蓋後人見上文有「山川阻深」之語而妄改之也。乃或於注內加「『阻深』漢書作『晉爽』」七字，以牽合已改之正文，則其謬益甚矣！』

案司馬文園集「阻深」亦作「晉爽。」黃善夫本、殿本索隱，並作「『阻深』漢書作『晉爽。』」三蒼云：「晉爽，早朝也。」晉音舜。……」非其舊也。

而息誅伐於彼。

考證：漢書、文選誅作討。

案藝文類聚、司馬文園集誅亦並作討，義同。漢紀誅作攻。

中外提福，

索隱：『「禔福，」說文云：「禔，安也。」市支反。』

考證：漢書、文選提作禔。

案索隱本亦作禔，漢紀、藝文類聚、司馬文園集皆同。禔、提正、假字。

反衰世之陵遲，繼周氏之絕業，斯乃天子之急務也。

考證：漢書、文選「陵遲」作「陵夷，」無「斯乃」二字。

案司馬文園集與漢傳、文選同。文選注：「陵夷猶陵遲也。」漢紀亦無「斯乃」二字。

且夫王事固未有不始於憂勤，而終於佚樂者也。

梁玉繩云：事字，當依漢書、文選作者。

案司馬文園集事亦作者。文選注：『毛詩序曰：始於憂勤，終於逸樂。』

合在於此矣。

考證：文選、漢書無矣字。

案司馬文園集亦無矣字。

上咸五，下登三。

集解：『徐廣曰：咸，一作函。』

索隱：『「上減五，下登三。」李奇曰：「五帝之德，漢比爲減。三王之德，漢出其上。故云『減五登三』也。」……是韋昭之說也。』

梁玉繩云：『史、漢「咸五，」文選及索隱本作「減五。」減字較勝。而咸亦爲古文減。羣經音辨曰：「咸，治斬切。」集韻云：「古斬切，與減同。」左傳昭廿六年疏：「諸本咸作減。」呂子仲冬紀：「水泉咸竭。」一本作「減竭。」酷吏傳減宣，漢書作咸，師古曰：「咸音減省之減。」』

案藝文類聚咸亦作減。據漢傳李奇注『五帝之德，比漢爲減。』（文選注引李注同。）則李所據漢傳亦作減，意謂五帝之德尚不及漢也。索隱引李注，『比漢』倒作『漢比，』則『五帝之德，漢比爲減。』意謂漢之德尚不及五帝矣。此不僅非相如之意，亦非李注之意也。（參看漢傳補注。）徐注謂『咸，一作函。』咸、函古亦通用，周禮秋官伊耆氏：『共其杖咸。』鄭注：『咸讀爲函。』即其證。黃善夫本、殿本索隱，『「減五登三」也。』也上有『此說非』三字，乃據師古注妄增。又末句『是韋昭之說也。』並作『是與韋昭之說符也。』亦非其舊。

猶鶴明已翔乎寥廓，

正義：寥廓，天上寬廣之處。

考證：『鶴明，』漢書作『焦明，』文選作『鶴鵬。』文選廓下有『之字』二字。

施之勉云：『五臣本無『之字』二字。』

案焦乃鶴之省，明乃朋之誤，漢紀、藝文類聚、司馬文園集皆作『鶴鵬。』（漢紀一本鵬作明。）朋、鵬並古文鳳字。前上林賦有說。文選作『鶴鵬，』非作『鶴鵬。』惟鵬當作鵬耳。李善注引樂緯云：『鶴鵬狀如鳳皇。』鵬亦當作鵬。卷子本玉篇山部引此文作『焦明已翔於寥廓。』（漢紀乎亦作於。）又引楚辭：『上寥廓而无天。』云：『寥廓，空虛也。』今本楚辭遠遊寥亦作寥，洪校云：『寥，一作寥。』寥、寥、寥，並寥之或體，說文：『寥，空虛也。』藝文類聚廓下亦有『之字』二字。正義說，本師古注。

於是諸大夫茫然喪其所懷來，而失厥所以進。

考證：漢書、文選芒作茫。

案司馬文園集芒亦作茫，古字通用。喪、失互文，喪亦失也。莊子說劍篇：『文王芒然自失。』漢傳、文選失上並無而字。

此鄙人之所願聞也。

案藝文類聚引此下有固字。

百姓雖怠，

考證：漢書、文選怠作勞。

案司馬文園集怠亦作勞。

敞罔靡徒，因遷延而辭避。

考證：漢書、文選無因字。……

案師古注：『敞罔，失志貌。靡徒，自抑退也。』補注：『崔鴻譏曰：「敞罔」卽「悵惘」之借字。』司馬文園集亦無因字。文心雕龍檄移篇：『相如之難蜀老，文曉而喻博，有移檄之骨焉。』

常有消渴疾。

案漢傳補注引錢大昭曰：『西京雜記：長卿常有消渴疾，乃還成都，悅文君之色，遂以發痼疾。乃作美人賦，欲以自刺，而終不能改，卒以此疾致死。文君爲誄，傳于世。』見西京雜記卷二，『乃還』乃『及還』之誤。

其進仕宦，

案漢傳作『故其事宦。』事、仕古本通用，惟漢傳仕作事，疑涉下『之事』字而誤。

天子方好自擊熊羆，

考證：漢書羆作豕。

案漢紀十、通鑑漢記九，羆亦並作豕。

故力稱烏獲，

索隱：『張揖曰：秦武王力士，舉龍文鼎者也。』

施之勉云：『梁章鉅曰：「按文子自然篇云：『老子曰：用衆人之力者，烏獲不足恃。』是古有烏獲，後人慕之以爲號也。」』

案趙世家：『秦武王與孟說舉龍文赤鼎。』然則舉龍文鼎者乃孟說，非烏獲也。（秦本紀、論衡書虛篇及效力篇，亦皆言秦武王與孟說舉鼎。）淮南子主術篇高誘注：『烏獲，秦武王之力士也。武王試其力，使舉大鼎。』孟子告子篇僞孫奭疏引帝王世紀云：『秦王於洛陽舉周鼎，烏獲兩目血出。』雖言烏獲舉鼎，未言其舉龍文鼎也。又淮南子主術篇：『任一人之力者，則烏獲不足恃。』即文子自然篇所本，今傳文子，乃魏、晉時僞書，剽竊淮南子之文至多，往往假託爲老子之言。梁氏所引，即其一例。若徑以爲老子語，則大誤矣！

臣之愚，

考證：文選愚下有暗字。

案藝文類聚二四愚下亦有暗字。

今陛下好陵阻險，射猛獸，卒然遇軼材之獸，

索隱：『「猝然」，廣雅云：「猝，暴也。」……』

案文選、藝文類聚陵並作凌，古字通用。師古注：『卒讀曰猝。』索隱本卒正作猝。漢傳、漢紀、通鑑，軼皆作逸，古字通用。

雖有烏獲、逢蒙之伎，力不得用。

索隱：『孟子云：逢蒙學射於羿，盡羿之道也。』

考證：文選雖作惟。漢書無力字。

施之勉云：文選作雖不作惟。五臣本用上有施字。

案漢傳、漢紀、通鑑伎皆作技，技、伎正、假字。漢傳、通鑑並無力字。（漢紀作『而不及用。』）藝文類聚用上亦有施字。索隱引孟子（離婁篇），本師古注。盡爲害矣。

考證：漢書、文選害作難。

案藝文類聚、通鑑害亦並作難。漢紀害作患，下更有難字。

雖萬全無患，

考證：漢書全下有而字。

案漢紀、通鑑全下亦並有而字。

中路而後馳，猶時有衝撲之變。

正義：櫟，謂車鉤心也。言馬銜或斷，鉤心或出，則致傾敗以傷人也。

考證：漢書、文選馳上無後字。（上，原誤下。）……

案景祐本後作后，漢傳補注引宋祁曰：『浙本馳字上有后字。』正義論字例所謂『史、漢文字，後字作后。』此尙存其舊也。文選注引莊子：『前有飾櫟，而後鞭策之威。』見馬蹄篇，本作『前有櫟飾之患，而後有鞭策之威。』（策乃策之隸變。漢傳王氏雜志已引之。）一切經音義八四引『櫟飾』作『銜櫟』，與此文合。正義說，本師古注。

而況涉乎蓬蒿，馳乎丘墳，

考證：漢書、文選作『況乎涉豐草，騁丘虛。』

案通鑑與漢傳、文選同。漢紀作『況涉乎豐草，馳乎丘墟。』虛、墟正、俗字。其爲禍也，不亦難矣。

梁玉繩云：『劉辰翁曰：「須減亦字乃佳。」而不知漢書元無亦字也。日知錄仍之云：「衍亦字。」』

考證：漢書、文選禍作害。

施文勉云：景祐本漢書有亦字。

案漢記、通鑑禍亦並作害，不下亦並無亦字。漢傳補注：『宋祁曰：「越本作『不亦難矣。』」劉敞曰：「亦字不當刊。」』亦爲句中語助。

而樂出於萬有一危之塗以爲娛，臣竊爲陛下不取也。

考證：漢書無而字，漢書、文選無於字。

案通鑑與漢傳同。藝文類聚亦無於字。漢傳、通鑑並無也字。

蓋明者遠見於未萌。而智者避危於無形。

考證：文選蓋下有聞字。

案文選注引太公金匱曰：『明者見兆於未萌，智者避危於阮形。』文選阮元瑜爲曹公作書與孫權注、鍾士季檄蜀文注，亦並引金匱此文。商君書更法篇：『知者見於未萌。』又見商君傳、趙世家。

禍固多藏於隱微，而發於人之所忽者也。

案漢傳、通鑑禍並作既，禍、既正、假字。師古注往往以既爲古禍字。文選、藝

文類聚並無之字。

此言雖小，可以喻大。臣願陛下之畱意幸察。

案漢傳、通鑑喻並作諭，諭、喻古、今字。李將軍傳贊亦云：『此言雖小，可以諭大也。』漢傳、文選並無之字。

登陂阤之長阪兮，

索隱：『登陂阤，』陂，音普何反。阤，音徒何反。

案景祐本提行，漢傳同。索隱本阤作阨，漢傳、司馬文園集並同。阨，或阤字。

前子虛賦、上林賦並有說。周禮冬官考工記：『輪已庫，則於馬終古登阤也。』

鄭注：『阤，阪也。』索隱說，本師古注。黃善夫本、殿本索隱，阤並作阨，依正文作阤改之也。

臨曲江之醴州兮，

索隱：『案禮音祈。醴卽倚，謂曲岸頭也。張揖曰：「醴，長也。苑中有曲江之象，中有長州。」又有宮閣路，謂之曲江。在杜陵西北五里。又三輔舊事云：「樂游原在北。」是也。』

案索隱『醴卽倚，謂曲岸頭也。』本師古注。『長州』當作『長洲』。黃善夫本、殿本索隱，並略『張揖曰』至『長州』。又『十八字』，『謂之』上並有『今猶』二字，蓋據師古注加。末句北上並有西字，疑涉上文『西北』字而衍。

通谷穠兮谿澗。

索隱：穠、爛，呼含、呼加二反。

案漢傳、司馬文園集『谿澗』並作『谷穠』。『穠』乃『穠』之省，『澗』乃『澗』之省。前上林賦：『穠呀豁闊。』漢傳『穠』亦作『穠』。文選注引司馬彪曰：『穠呀，大貌。』『穠穠』與『穠呀』同。索隱說，本師古注。

汨滅喻習以永逝兮，

索隱：『汨滅喻，』上音于筆反，滅音域，疾貌也。喻音許及反，漢書作轂。轂，輕舉意也。

考證：漢書無習字。

案汨訓疾，字當作汨，方言六：『汨，疾行也。』郭注：『濶濶，急貌也。于筆

反。』今本正文、注文汨亦並誤汨，前上林賦已有說。漢傳補注：『文選南都賦：「汨淚洩汨。」李善注云：「說文：『洩，疾流也。』王逸楚辭注：『汨，去貌。』」「洩汨」與「汨洩」義同。』所引南都賦、楚辭注兩汨字，亦當作汨。漢傳喻作轂，朱駿聲云：『轂借爲汲，漢書司馬相如傳：「汨洩轂以永逝兮。」注：「轂然輕舉意也。」』喻（或歛字）亦借爲汲，說文：『汲，急行也。』引申有『輕舉』義。漢傳補注：『文選吳都賦：「翕習容裔。」「翕習」與「喻習」意同。』翕亦汲之借字。易坎：『習坎。』釋文引劉表云：『水流行不休故曰習。』是習亦有急義。『汨、洩、喻、習，』四字疊義，皆急貌也。漢傳無習字，（疑脫。）則『汨、洩、轂，』三字疊義。索隱『「汨洩喻，」上音于筆反，洩音域，疾貌也。』及『轂，輕舉意也。』並本師古注。黃善夫本、殿本索隱，『輕舉』上並有然字，蓋據師古注增。

觀衆樹之塉蕘兮，覽竹林之榛榛。

正義：榛榛，盛貌也。

考證：漢書塉作蕘。

案師古注：『蕘，蔭蔽貌。』塉、蕘、藪三字，說文所無。本字當作『翁藪』，俗變从艸。說文：『翁，竹貌。藪，蔽不見也。』廣韻上聲東第一、去聲董第一並收翁字，云：『竹盛兒。』竹盛，則蔭蔽矣。正義說，本師古注。

彌節容與兮，

考證：漢書彌作弭。

施之勉云：御覽五百九十六引彌作弭。

案司馬文園集彌亦作弭，彌與弭同。前上林賦有說。

嗚呼哀哉！操行之不得兮，墳墓蕪穢而不脩兮，魂無歸而不食。

考證：漢書無『哀哉、墳』三字。

案司馬文園集亦無墳字，無作亡，漢傳亦作亡。亡與無同。漢傳補注引宋祁曰：『姚本作「墳墓蕪穢而不修，魂魄亡歸而不食。」』

相如以爲列儻之傳，居山澤閒。

正義：儒，柔也。凡有道術皆爲儒。

考證：『正義本傳作儒，與漢書合。王念孫曰：「郊祀志：『此三神山者，其傳在勃海中。』與此傳字同。漢書作儒，轉寫之訛。」』

案『之傳』二字當屬下讀，『之傳居山澤閒，』與郊祀志『其傳在勃海中。』（封禪書傳誤傳。）句法同。之猶其也。正義說，本師古注。

其辭曰。

考證：此篇多用楚辭遠遊篇語。

案考證云云，本評林引明康海說，梁氏志疑已引之。

世有大人兮，在乎中州。

案景祐本南宋補版提行，漢傳同。漢傳補注：『官本不提行。』淮南子道應篇：『若士者巍然而笑曰：嘻！予中州之民。』

垂絳幡之素蜺兮，

梁玉繩云：垂乃乘之譌。

考證：正義本作乘，與漢書合。

案司馬文園集垂亦作乘。

垂旬始以爲幃兮，拯彗星而爲鬢。

考證：漢書拯作曳。

案幃，正作幃。說文：『幃，旌旗之游也。』（段注本游下補『所屬』二字。）

朱駿聲通訓定聲云：『漢書司馬相如傳：「垂旬始以爲幃兮。」〔張揖〕注：「旒也。」失之。』楚辭九歌遠遊：『曳彗星之皓旰兮。』（王注：曳，引也。）與漢傳此文作曳合。儀禮士相見禮：『武舉前曳踵。』鄭注：『古文曳作拯。』

掉指橋以偃蹇兮，又旖旎以招搖。

索隱：『棹，音徒弔反。指，音居桀反。橋音矯。張揖曰：「指矯，隨風指靡。偃蹇，高貌。」』應劭云：『旌旗屈撓之貌。』』

考證：索隱本指作揭，故云『居桀反。』漢書『旖旎』作『猗靡。』……

案索隱本掉誤棹。指作揭，疑亦形誤。漢傳『猗靡，』靡蓋朶之俗變。前上林賦：『旖旎從風。』漢傳『旖旎』作『猗朶，』可證也。黃善夫本、殿本索隱，並略作『掉，音徒弔反。橋，音居天反。偃蹇，高貌。』

攬櫳檜以爲旌兮，

正義：『天官書云：天櫳，長四丈，末銳。天檜，長數丈，兩頭銳。……』

案漢傳『攬櫳檜』作『攬櫳捨』，『監』即擎字，說文：『擎，攝取也。从手監聲。』攬，俗字。景祐本、黃善夫本、殿本，『櫳檜』亦皆作『櫳捨』，『黃本』、殿本正義同。當以作『櫳檜』爲正。

紅杳渺以眩湣兮，姦風涌而雲浮。

集解：『漢書音義曰：旬始屈虹氣，色紅。杳渺眩湣，闇冥無光也。』

索隱：『「紅杳眇以眩湣」，蘇林曰：「眩音炫，湣音麌。」晉灼曰：「紅，赤色貌。杳眇，深遠。眩湣，混合也。」紅，或作虹也。』

王念孫云：『集解及索隱本、宋本，渺竝作眇。集解曰：「漢書音義曰：杳眇眩湣，闇冥無光也。」索隱曰：「晉灼云：杳眇，深遠也。」案漢書正作眇。上文上林賦：「俛杳眇而無見。」字亦作眇。此獨作渺者，後人妄改之耳。說文無渺字，古書中「杳眇」字亦無作渺者。』

考證：漢書眩作玄。

案集解引漢書音義曰：『旬始屈虹氣，色紅。』故索隱云：『紅，或作虹。』景祐本渺作眇，集解同。黃善夫本、殿本並作渺，（司馬文園集亦作渺。）集解仍作眇。索隱本眩作泫，泫、玄並眩之借字。黃善夫本、殿本姦並誤焱，司馬文園集同。又黃本、殿本索隱，泫並作眩，眇並作渺，依正文渺、眩二字改之也。

駕應龍象輿之蠖略逶麗兮，駿赤螭青虬之蟠蟄蜿蜒。

正義：『……顏云：「蠖略委麗，」「蟠蟄蜿蜒，」皆其行步進止之貌也。』

考證：漢書逶作委，虬作虬，蟠作蟠。

案正義引師古注，而不舉異文，蓋所據此文逶亦作委，蟠亦作蟠，蜿亦作宛。逶、委古通。虬、虬正、俗字。蟠，或蟠字。司馬文園集亦作蟠。前上林賦：『青虬蟠於東箱。』字亦作蟠。蟠，俗字，當從漢傳作宛。

據以驕鷩兮。

索隱：『張揖曰：據，直項也。驕鷩，縱恣也。』

正義：據，直項也。驕鷩，縱恣也。

考證：漢書據作裾。

案朱駿聲云：『據借爲倨，史記司馬相如傳：「據以驕鷺。」索隱：「直項也。」』漢傳據作裾，裾亦借爲倨，酷吏傳：『禹爲人廉倨，』漢傳倨作裾，即其比。（參看漢傳補注。）漢傳張注，據本作裾，索隱引作裾，依此正文作裾改之也。正義說，本張注。亦依此正文改裾爲据也。

謫折隆窮，𧆇以連卷。

索隱：『「𧆇以連卷，」韋昭曰：「龍之形貌也。」𧆇，音起碧反。……』

正義：謫折，委曲也。崇窮，舉鬚也。𧆇，跳也。連卷，勾蹄也。

考證：索隱本、正義本𧆇作𧆇。正義本隆作崇。

施之勉云：景祐本、黃善夫本𧆇作𧆇。

案正義本隆作崇，避玄宗諱改之也。索隱本似亦當諱隆字。正義說，全本張揖注，惟以崇代隆耳。𧆇、𧆇（或𧆇字）正、假字。黃善夫本索隱作『韋昭曰：「𧆇，龍之行貌也。」音起碧反。』與正文作𧆇異，殿本則正文、索隱並改爲𧆇矣。

沛艾赳𧆇，佂以旣儻兮。

集解：『漢書音義曰：……旣儻，不前也。』

索隱：『孟康曰：「赳𧆇，申頸低頭。」……張揖曰：「佂，舉頭也。旣儻，不前也。……』

正義：沛艾，駁駁也。

案𧆇，俗字，正作𧆇，說文：『𧆇，行也。』段注：『廣韻一送曰：「蔓𧆇，疲行兒。」大人賦說螭虯「沛艾赳𧆇，佂以旣儻兮。」』張揖曰：「赳𧆇，申頸低卬也。」按「赳𧆇」卽「蔓𧆇」。』又說文：『旣，癡兒。』段注：『大人賦：「沛艾赳𧆇，佂以旣儻兮。」』張揖曰：「旣儻，不前也。」此癡意也。』景祐本、黃善夫本、殿本集解，儻上並脫旣字。黃本、殿本索隱，並略孟康注，又略佂上『張揖曰』三字。『舉頭也』下略『旣儻，不前也。』五字，而增『佂音魚乙反』五字。正義說，本張揖注。

跔𧆇輶轄，容以委麗兮。綢繆偃蹇，恍以梁倚。

集解：『徐廣曰：「……綢，一作雕。……」駟案漢書音義曰：「恍梟，走也。……」』

索隱：『「跔 蹠 輶 磧，」張揖曰：「跔 蹠，疾行貌。輶，前卻也。」……輶，音烏葛反。磧音曷。「蜩 𧈧 偃蹇，」蜩，音徒弔反。𧈧，音勑弔反。張揖曰：「偃蹇，卻距也。」廣雅曰：「偃蹇，夭矯之貌。」張揖曰：「恍梟，奔走。梁倚，相著。」韋昭曰：「……相如傳云：『候梟遠去。』梟，視也。」』

王念孫云：『「綢繆」本作「蜩𧈧」，淺學人改之也。漢書作「蜩𧈧」，張揖曰：「蜩𧈧，掉頭也。」顏師古曰：「蜩，徒鈞反。𧈧，盧鈞反。」音義與「綢繆」迥別。索隱本正作「蜩𧈧」，注曰：「蜩，音徒弔反。𧈧，音來弔反。」「徒弔」之音，與雕相近，故集解引徐廣曰：「蜩，一作雕。」今并集解、索隱內之蜩字皆改爲綢，而不知其與「徒弔」之音不合也。』

案索隱本『輶轄』作『輶磧』，卷子本玉篇石部磧下云：『司馬相如賦：「跔 蹠 輶 磧。」（輶，原誤輶。）漢書音義曰：「跔 蹠，乍前乍却也。輶磧，搖目吐舌也。」揚雄長楊賦：「建輶磧之虞。」漢書音義曰：「刻猛獸爲虞，故其形輶磧而盛怒也。」所據相如及揚雄賦，亦並作『輶磧』。今傳揚賦作『磧磧』，漢書揚雄傳、文選長楊賦並同。）漢傳此文作『輶蟾』。『『輶蟾』、『磧磧』、『輶磧』、『輶磧』、『輶轄』，』皆同。漢傳補注：『集韻：「輶轄，轉搖也。」士相見禮注：「容，謂趨翔。」』漢傳委作斂，師古注：『斂，古委字。』王氏謂『綢繆』本作『蜩𧈧』，是也。黃善夫本索隱，蜩字尙未改爲綢。漢傳蹇作蹇，蹇，或蹇字。集解引漢書音義：『恍梟，走也。』漢傳張揖注走上有奔字，當補。恍借爲趨，說文：『趨，狂走也。』（朱駿聲通訓定聲有說。）殿本梟作梟（索隱同），漢傳、司馬文園集並同。梟乃梟之誤。索隱引韋昭曰：『相如傳云：「候梟遠去。」梟，視也。』上林賦本作『儻貳遠去。』候、儻正、假字。（前已有說。）梟無視義，梟乃貳之誤。貳與曠同，廣雅釋詁一：『曠，視也。』或韋氏所見此文梟作貳與？漢傳補注：『「梁倚」，如屋梁之相倚。文選魯靈光殿賦：「奔虎獮擎以梁倚。」』『『梁倚』之義是否如王說，存參。黃善夫本索隱作『張揖』曰：「跔 蹠，疾行，互前却也。輶轄，搖目吐舌也。」……輶音遏，轄音曷。蜩，音徒弔

反。張揖曰：「偃蹇，却器也。」廣雅曰：「偃蹇，夭矯也。」韋昭曰：「……相如傳云：『修躉遠去。』躉，袂也。」（殿本索隱與黃本合，惟綢作綱，躉作裊，並非。）改易、省略、譌誤，兼有之。當以考證本所據單本索隱爲正。蹻以𦥑路兮。

索隱：……踏，音徒荅反。

案索隱本蹻作踏，漢傳同。蹻、踏正、俗字。漢傳𦥑作𦥑，𦥑、𦥑亦正、俗字。說文：『𦥑，船箸沙不行也。』段注：『大人賦張揖注曰：「𦥑，箸也。」尸部：「届，行不便也。」郭注方言云：「𦥑，古届字。」按釋詁、方言皆曰：「𦥑，至也。」不行之義之引伸也。』張注本作『𦥑，著也。』段氏引作『𦥑，箸也。』改俗從正耳。朱駿聲云：『𦥑借爲奏，爾雅釋詁：「𦥑，至也。」孫注：「古届字。」方言一：「𦥑，至也。宋語也。」郭注：「古届字。」按凶、𧆸聲隔，届義非届音也。孫、郭失之。漢書司馬相如傳：「蹻以𦥑路兮。」注：「著也。」亦失之。』（說文通訓定聲。）

蔑蒙踊躍，騰而狂趨。

集解：『漢書音義曰：蔑蒙，飛揚也。趨，走。』

索隱：『「蔑蒙，」張揖曰：「蔑蒙，飛揚也。趨，走貌。」』

考證：趨，……漢書作趨。

案索隱本蔑作蔑。漢傳蔑作蔑，趨作趨。張揖注：『蔑蒙，飛揚也。趨，奔走也。』蔑、蔑並蔑之俗變。淮南子脩務篇亦云：『蔑蒙踊躍。』高注：『蔑蒙踊躍，明其疾也。』趨亦趨之俗變，說文：『趨，動也。』段注：『說文有趨無趨，廣雅釋宮：「騰趨，犇也。」曹音「子肖。」今疑趨恐誤字，「子肖」恐誤音耳。然大人賦曰：「騰而狂趨，」師古音確。吳都賦：「狂趨獵獵，」李「子召反。」則古非無趨字矣。』岷以爲趨變爲趨，乃別爲音耳。張守節史記正義論正例云：『極下爲點。』極可變爲趨，則趨加點變爲趨，亦無足怪矣。集解引漢書音義，即張揖注，依此正文改蔑、趨二字爲蔑、趨，是也。

莅颯卉翕，熛至電過兮。

正義：莅颯，飛相及也。卉翕，走相追也。

考證：漢書翕、嫖作歛、焱。

案漢書卉作𦗔，𦗔，古卉字。翕、歛古通。焱當爲燄，嫖、燄並廳之借字。前子虛賦、上林賦有說。正義說，本漢傳張揖注。惟依此正文改『𦗔歛』爲『卉翕』耳。

邪絕少陽而登太陰兮，與真人乎相求。

案漢傳張揖注：『真人，謂若士也，游於太陰之中。』師古注：『真人，至真之人也，非指謂若士也。』補注：『若士，見淮南子。盧敖經乎太陰，所見若士者也。』見淮南子道應篇。御覽三六九引莊子佚文亦云：『盧敖見若士。』互折窈窕以右轉兮，橫厲飛泉以正東。

正義：『厲，渡也。張揖曰：飛泉，谷也。……』

施之勉云：漢書注引張說，谷上有飛字。

案漢傳補注：『說文：「窈，深遠也。窕，深肆極也。」楚辭：「吸飛泉之微液兮。」所引楚辭，見遠遊篇，洪補注引張注，谷上亦有飛字。正義『厲，渡也。』本師古注。

部乘衆神於瑤光。

集解：『漢書音義曰：搖光，北斗杓頭第一星。』

考證：『漢書乘作署，瑤作搖。遠遊篇：選署衆神以竝轂。』

案釋名釋姿容：『乘，陞也。』遠遊洪補注引大人賦，乘亦作署，瑤亦作搖。集解引漢書音義釋『搖光，』而不舉異文，所據此文，瑤蓋本作搖。搖、瑤古通，淮南子本經篇：『取焉而不損，酌焉而不竭，莫知其所由出，是謂瑤光。』文字下德篇瑤作搖，卽其比。

左玄冥而右含靁兮，

集解：『漢書音義曰：含靁，黔贏也。……』

梁玉繩云：漢書作黔雷。

案司馬文園集含亦作黔，遠遊洪補注引大人賦同。漢傳張揖注本作黔雷，集解引作含靁，依此正文作含靁改之也。

前陸離而後漏漚。

集解：『漢書音義曰：皆神名。』

正義：陸離，漢書作長離。

考證：漢書鴻漿作喬皇。

案陸離，疑本作長離，長之作陸，因離字聯想而誤耳。喬皇乃鴻漿之省。集解引漢書音義，而不舉異文，疑所據此文與漢傳同也。

廩征伯僕而役羨門兮，

索隱：『……張揖曰：「王子喬也。」漢書郊祀志作正伯僕，此當別人，恐非王子喬也。』

梁氏志疑所據湖本伯作北，云：『索隱本是伯僕，北、伯聲相近。』

考證：索隱本、楓、三本、蔡本、中統、舊刻、游本，作伯僕，與漢書合。他本誤北僕。

施之勉云：景祐本作伯僕。

案司馬文園集亦作伯僕。黃善夫本、殿本並作北僕。漢傳張揖注：『伯僕，仙人王子僕也。』索隱引僕作喬，古字通用。師古注：『征伯僕者，仙人，姓征，名伯僕，非王子僕也。郊祀志征字作正，其音同耳。或說云：「征，謂役使之。」非也。』索隱『漢書郊祀志』云云，即本師古注。

屬岐伯使尚方。

集解：『……漢書音義曰：尚，主也。岐伯，黃帝太醫，屬使主方藥。』

考證：漢書屬作詔。

案集解引漢書音義，即張揖注，『屬使主方藥』句同。漢傳補注：『是漢書本作屬，不作詔。疑傳寫誤也。』作詔，蓋後人所改耳。

祝融驚而蹕御兮，清氛氣而後行。

正義：……火正祝融警蹕，清氛氣也。

考證：『漢書驚作警。警，戒也。遠遊篇：「祝融戒而蹕御兮。」……漢書「霧氣」作「氣氛。」』（『氣氛』原誤『氣霧。』）

蓋正義云云，是所據本驚作警，霧作氛，與漢傳合。遠遊洪補注引大人賦驚亦作警，警、驚正、假字。殿本霧亦作氛，霧，或氛字。漢傳『氣氛』乃『氛氣』之

誤倒，補注有說。

屯余車其萬乘兮，緺雲蓋而樹華旗。

索隱：『……如淳曰：緺，合也。合五采雲爲蓋也。』

考證：『漢書其作而。遠遊篇：屯余車之萬乘兮，紛溶與而竝馳。』

案漢傳其作而，遠遊作之，義並同。緺，或𠀤字。說文：『𠀤，會五采縕色。』

使句芒其將行兮，吾欲往乎南嬉。

正義：『……顏云：將行，領從者也。』

考證：『漢書嬉作媯。媯、嬉皆訓爲戲。遠遊篇：「指炎帝而直馳〔兮〕，吾將往乎南疑。」注：「疑，一作媯。」』

案正義引顏云云，師古注本作『將行，將領從行也。』司馬文園集嬉亦作媯，遠遊作疑，洪校云：『疑，一作媯。』媯、嬉古、今字，（下文『氾濫水嬉兮。』漢傳嬉作媯，亦同例。）媯、疑音近通用。

雜遜膠葛以方馳。

索隱：『「膠輶，」廣雅：膠輶，驅馳也。』

考證：『索隱本葛作輶，與漢書合。遠遊篇：「騎膠葛以雜亂兮，斑漫衍而方馳。」注：「膠葛，雜亂貌。」』

案索隱本葛作輶，漢傳同。非作輶。遠遊之『膠葛，』洪校云：『一作「膠輶。」』

補注：『膠音膠，輶音葛。車馬喧雜貌。』非作『雜亂貌。』膠、輶、葛三字，說文所無。當以作『膠葛』爲正。黃善夫本、殿本索隱，輶並作葛，依正文作葛改之也。

騷擾衝菑，其相紛挐兮。滂濞泱軋，灑以林離。

索隱：『衝菑，』上昌勇反……

考證：漢書衝作衝，灑作麗。

案索隱本衝亦作衝，衝、衝古、今字。漢書補注：『菑當爲𡇗之借字，廣雅釋言：「𡇗，撞也。」「泱軋」一作「块扎」，亦作「鞅軋」，謂無涯際也。「林離」當爲「淋漓」，離，亦省作離，羽獵賦「淋離廓落」，是也。今俗作「淋漓」。』『泱軋』亦作『块軋』、『鞅軋』。（參看賈生傳斠證。）灑諧麗聲，

與麗古蓋通用。『林離，』當從羽獵賦作『淋離。』爲正，楚辭哀時命：『劙淋離而從橫。』亦作『淋離。』灑、漓二字，說文所無。

鑽羅列聚，叢以龍茸兮。衍曼流爛，壇以陸離。

考證：『漢書鑽作攢，壇作彥。……王先謙曰：壇 彥 皆𡇣借字。……』

案鑽乃攢之借字，漢傳補注亦有說。司馬文園集壇亦作彥。

洞出鬼谷之嵐崿嵬礪。

集解：『……楚辭曰：「贊鬼谷于北辰」也。』

正義：『張云：嵐崿嵬礪，不平也。』

考證：『漢書嵐作堦，「嵬礪」作「歲魁。」……』

案說文：『崛，山短高貌。』嵐、堦正、假字，前上林賦有說。說文：『嵬，高不平也。』(段注本作『山石崔嵬高而不平也。』)歲，或嵬字。礪與魄同，(魄之作礪，猶魄亦作礪也。)魄、魁古通，爾雅釋木：『枹，箠木，魁魄。』釋文：『魁魄，讀若魄磊。』卽其證。漢傳張注本作『堦嵬歲魁，不平也。』正義引作『嵐崿嵬礪，』依此正文改之也。集解引楚辭云云，見九歎遠遊，今本贊作綴，綴、贊正、假字。

杭絕浮渚而涉流沙，

案漢傳無而字。

奄息總極，

考證：漢書總作蕙。

案漢傳補注：『總，蕙之借字。』

使靈嫗鼓瑟而舞馮夷。

集解：『徐廣曰：「嫗，一作貽。」駟案漢書音義曰：「……淮南子曰：馮夷得道，以潛大川。」』

梁玉繩云：漢書瑟作琴。……

案漢傳補注：『帝王世紀云：「女嫗，一號女希，是爲女皇。」希、貽聲近，故又爲女貽也。……楚詞遠遊：使湘靈鼓瑟兮，令海若舞馮夷。』漢傳瑟作琴，蓋聯想之誤。古書中琴、瑟二字往往相亂，莊子讓王篇：『孔子削然反琴而弦歌。』

呂氏春秋慎人篇琴作瑟（冊府元龜八二引瑟作琴），彼文瑟又琴之誤也。〔服虔〕漢書音義引淮南子云云，見齊俗篇。莊子大宗師篇：『馮夷得之，以遊大川。』（文選張平子西京賦注引之作道，遊作潛。）又淮南子所本也。

時若暎暎將混濁兮，召屏翳誅風伯而刑雨師。

正義：『應云：「屏翳，天神使也。」韋云：「雷師也。」』

考證：漢書『暎暎』作『曖曖』。

俞正燮云：『楚辭天問云：「莽號起雨。」王逸注云：「莽，屏翳，雨師名。」史記司馬相如傳大人賦云：「召屏翳，誅風伯，刑雨師。」下文有列缺、豐隆，則司馬相如以屏翳爲雲師。文選曹子建洛神賦云：「屏翳收風，川后靜波。」注引植詰谷文云：「河伯典澤，屏翳司風。」謂曹指爲風師。選注又引虞喜志林云：「屏翳，韋昭說爲雷師，喜則以爲雨師。說屏翳者雖多，並無明據。」今案屏翳似雲，而號則爲風。楚詞注蓋誤字。韋昭知掌故，以爲雷師，因號生義。而不知莽號自應爲風師。天問亦言風號乃起雨也。』（癸巳存稿十三『屏翳』條。）

案漢傳補注：『離騷：「時曖曖其將罷兮。」注：「曖曖，昏昧貌。」釋言：「暎，隱也。」義本相近，故「暎曖」亦作「暎暎」，（見前。）混濁，不明也。』

案楚辭哀時命亦云：『時曖曖其將罷兮。』洪校云：『曖，一作暎。』暎、曖古通，前上林賦有說。

西望崑崙之軒沕汎忽兮，

正義：『……「軒沕汎忽」，不分明貌。』

考證：漢書汎作荒。

案景祐本汎作恍，汎蓋恍之誤。前上林賦：『眴盼軒沕，茫茫恍忽。』與此作恍同。恍，或悅字。悅、荒古通，淮南子原道篇：『驚忽悅。』文選枚叔七發注引悅作荒，即其比。正義說，本漢傳張揖注。

舒閨風而搖集兮，

考證：漢書舒作登，搖作遙。

案搖、遙古、今字。

吾乃今日睹西王母，纁然白首，

考證：楓、三本目作日，與漢書合。

施之勉云：景祐本目作日。

案日之作目，日、目形近，又涉睹字偏旁而誤也。晏子春秋內篇雜上：『吾迺今日睹而贖之。』叔孫通傳：『吾乃今日知爲皇帝之貴也。』並與此作『吾乃今日』同。漢傳纁作鳩，纁乃鶡之俗變，說文：『鶡，鳥之白也。』引申爲凡白之稱。鳩乃鶡之俗變，說文：『鶡，鳥白肥澤貌。』引申亦爲凡白之稱。廣雅釋器：『纁、鶡，白也。』

戴勝而穴處兮，

考證：漢書戴作戴，

案殷本戴亦作戴，司馬文園集同，古字通用，釋名釋姿容：『戴，戴也。』（據畢沅疏證本。）

呼吸沆瀣朝霞兮，噍咀芝英兮嚙瓊華。

考證：『漢書「噍咀」作「咀噍」。』李笠曰：『漢書兮字在餐字上，以下句例之，班書是也。』……』

案遠遊洪補注引大人賦，兮字亦在餐字上。噍卽嚼字，說文：『嚼，噍或从爵。』

媯侵潯而高縱兮，紛鴻涌而上厲。

集解：『徐廣曰：媯音讎。』

索隱：漢書媯作媯。媯，仰也。音襟。……

考證：漢書『媯侵潯』作『媯浸尋』，『涌』作『溶』。……

施之勉云：『錢大昕曰：漢書媯作媯，媯、媯聲相近。媯讀如檢，徐音讎，非也。說文尋字旁从彑，隸變與水相亂。』

案說文：『媯，敏疾也。』媯，或禁字。媯亦借爲媯。漢傳張揖注：『媯，卬也。』此別義。索隱『媯，仰也。』本張注，卬、仰古、今字。索隱單本侵作浸，古字通用，莊子大宗師篇：『浸假而化予之左臂以爲雞，』御覽三六九引浸作侵，卽其比。漢傳侵作祲，亦古字通用，釋名釋天：『祲，侵也。』潯乃尋之隸變，錢說是。尋又尋之隸省也。遠遊洪補注引大人賦，涌亦作溶。溶、涌古同

音通用。黃善夫本、殷本索隱，並作『漢書儉作襟。襟，仰也。音禁。』非其舊也。

涉豐隆之滂沛。

正義：『張云：「豐崇，雲師也。淮南子云：季春三月，豐崇乃出以將雨。」案豐崇將雲雨，故曰滂沛。』

考證：漢書沛作澆。……

案漢傳『滂沛』作『滂澆』，並雙聲連語，義同。師古注：『滂澆，雨水多也。』正義所引張揖注，漢傳作應劭注。『豐崇』本作『豐隆』，避玄宗諱改之也。淮南子云云，見天文篇。又黃善夫本、殷本正義，案並作接，接乃接之誤。

馳游道而脩降兮，驚遺霧而遠逝。

正義：游，游車也。道，道車也。脩，長也。降，下也。『驚遺霧，』言馳車從長路而下馳，遺棄其霧而遠逝也。

考證：『楓、三本馳作騁，與漢書合。……張文虎曰：蔡、中統、舊刻、游、柯、毛本，脩作循。』

施之勉云：景祐本馳作騁。又景祐本、黃善夫本脩作循。

案正義既云『脩，長也。』則作脩字是，脩、循隸書形近，相亂之例至多。黃善夫本正文雖誤循，正義尚不誤。（殷本正文、正義並不誤。）文選王子淵聖主得賢臣頌：『追奔電，逐遺風。』李善注：『遺風，風之疾者也。』奔、遺互文，『遺風』猶『奔風』。此文『遺霧』猶『奔霧』，非『遺棄其霧』也。正義云云，本師古注。黃善夫本、殷本正義，並無『驚遺霧』以下二十字。

遺屯騎於玄闕兮，軼先驅於塞門。

考證：『王先謙曰：「淮南子：『盧敖游乎北海，經乎太陰，入乎玄闕。』又云：『北方北極之山曰塞門。』……」』

案王氏引淮南子云云，見道應篇及地形篇。（遠遊洪補注已引地形篇。）道應篇許慎注：『玄闕，北方之山也。』地形篇高誘注：『積寒所在，故曰塞門。』

下崢嶸而無地兮，上寥廓而無天。視眩眠而無見兮，聽惝恍而無聞。乘虛無而上假兮，超無友而獨存。

考證：『漢書眠作泯，「惝恍」作「敞悅」，「假」作「遐」。……陳子龍曰：「數語言至道，係乎廣成之對軒轅也。」愚按遠遊篇云：「下崢嶸而無地兮，上寥廓而無天。視儻忽而無見兮，聽惝恍而無聞。超無爲以至清，與泰初而爲鄰。」長卿蓋襲其語也。……』

案漢傳寥作寥，遠遊：『上寥廓而無天。』洪校云：『寥，一作寥。』與此同例。寥、寥並聲之或體，說文：『寥，空虛也。』前難蜀父老文有說。漢傳眠作泯，眠，俗瞑字。泯，借字。說文：『瞑，翕目也。』段注：『引伸爲「瞑眩」。』孟子滕文公篇：『書曰：若藥不瞑眩，厥疾不瘳。』一本瞑亦作眠。『惝恍』並俗字，當從漢傳作『敞悅』爲正。『上假』猶『登假』，『亦猶『升假』。』莊子德充符篇：『彼且擇日而登假，人則從是也。』淮南子齊俗篇：『其不能乘雲升假者亦明矣。』並其例。此文漢傳假作遐，古字通用。文選郭景純江賦注引莊子云：『其死登遐，三年而形遯。』莊子大宗師篇釋文引崔譏本有此文，遐作假，卽其比。又莊子在宥篇，廣成子謂黃帝曰：『余將去女，入无窮之門，以遊無極之野。……當我，緒乎！遠我，曄乎！人其盡死，而我獨存乎！』遠遊洪補注引淮南云：『若士曰：我遊乎罔寘之野，北息乎沈墨之鄉，西窮冥冥之黨，東開鴻濛之光。此其下無地而上無天，聽焉無聞，視焉無晦。』（亦見淮南子道應篇。我下脫南字，『冥冥』乃『宵冥』之誤。又『東開』當作『東闕』，『無晦』當作『則晦』。）王念孫淮南雜志有說。長卿此數語，兼本遠遊與莊子在宥。淮南云云，亦本遠遊也。

相如既奏大人之頌，天子大說。飄飄有凌雲之氣，似游天地之間意。

案漢傳頌作賦，凌作陵。揚雄傳：『往時武帝好神仙，相如上大人賦，欲目風帝，帝反縹縹有陵雲之志。』（風下帝字，據長短經是非篇補。長短經陵作凌。）飄、縹並借爲票，票乃纓之隸變，說文：『纓，火飛也。』引申有輕舉義。論衡謹告篇：『孝武皇帝好仙，司馬長卿獻大人賦，上乃僂僂有凌雲之氣。』『僂僂』下舊注云：『宜讀爲「飄飄」字。』黃暉論衡校釋引沈濤銅熨斗齋隨筆卷四云：『據論衡此文，謂史、漢古本作「僂僂」，不作「飄飄」。』詩賓之初筵傳曰：『僂僂，舞貌。』卽飄然輕舉之意。今本乃淺人妄改。』竊以爲漢書揚雄傳作『縹

縹，』則史、漢作『飄飄，』恐非淺人妄改。論衡作『儻儻，』疑是『儻儻』之誤，故舊注云：『宜讀爲「飄飄」字。』若本作儻，則無飄音矣。儻、儻形近，又因聯想及神儻而誤耳。（儻、仙古、今字。）儻亦借爲票。（方言十：『儻，輕也。楚凡相輕薄謂之儻。』『輕薄』非『輕舉』也。）凌、陵、凌，古並通用，廣雅釋詁四：『陵，乘也。』西京雜記三：『相如作大人賦，言神仙之事以獻之，賜錦四匹。』文心雕龍風骨篇：『相如賦仙，氣號凌雲，蔚爲辭宗，迺其風力遒也。』

使所忠往，

索隱：『張揖曰：使者姓名，見食貨志。』

案黃善夫本、殿本，並略索隱。

時時著書。

案漢紀十：『相如口吃，而善著書。』（御覽四六四誤引爲史記文。韓非傳，稱非亦『口吃而善著書。』）世說新語品藻篇注引嵇康高士傳，亦稱相如『爲人口吃，善屬文。』

『有使者來求書，奏之。』無他書。其遺札書，言封禪事，奏所忠。忠奏其書。

案漢傳作『「有使來求書，奏之。」其遺札書，言封禪事。所忠奏焉。』文選司馬長卿封禪文注引史記亦作『「有使來求書，奏之。」其遺札書，言封禪事，所忠奏言。』（末句『奏言』蓋本作『奏焉，』涉上言字而誤。）與漢傳最合。所引蓋漢傳文，而標史記之名也。

其書曰。

案漢傳書作辭。

伊上古之初肇，自昊穹兮生民。歷撰列辟，以迄于秦。

考證：漢書昊作顓，無兮字。索隱本撰作選，與漢書、文選合。

案景祐本提行，漢傳同（補注：官本不提行。）昊（俗皋字）、顓古通，前上林賦：『置酒乎昊天之臺。』漢傳、文選、藝文類聚、司馬文園集昊皆作顓，與此同例。師古注：『顓、穹，皆謂天也。』藝文類聚十兮作之，之猶兮也。胡氏文選考異云：『茶陵本無兮字，云：「五臣有之字。」袁本兮作之，云：「善無之

字。」案二本所見是也。漢書正無，善與之同。」謂李善本文選原無兮字也。藝文類聚撰亦作選。文選注引文穎曰：『選，數也。辟，君也。』撰，俗僕字。僕、選古通，論語憲問篇『大夫僕。』釋文：『僕，本又作撰。』漢書古今人表作選。作撰，亦俗字。

率邇者踵武，

索隱：案率，循也。邇，近也。言循覽近代之事，則繼跡可知也。

考證：『踵武』猶言『足跡。』與『風聲』對言。

案『踵武，』當從索隱釋爲『繼跡。』離騷：『及前王之踵武。』王注：『踵，繼也。武，跡也。』或卽索隱所本。（離騷洪補注：『踵亦跡也。』或卽考證釋『踵武』爲『足跡』所本。迹、跡古今字。）黃善夫本、殿本索隱，並略『案率，循也。邇，近也。』七字。

逖聽者風聲。

索隱：『風聲，』風雅之聲。以言聽遠古之事，則著在風雅之聲也。

殿本考證：『凌稚隆曰：言「風聲，」見其遠也。索隱言「風雅之聲，」謬。』

考證：『漢書「逖聽」作「聽逖。」徐廣云「聽察遠古之風聲。」徐本似亦作「聽逖。」……』

案索隱『聽遠古之事，』似所據正文亦作『聽逖。』『聽逖』與『率邇』對言。

漢傳文穎注：『聽遠者之風聲。風，謂著於雅頌者也。』似卽索隱『著在風雅之聲』所本，是相沿而誤釋者矣。

紛綸歲蕘，堙滅而不稱者，不可勝數也。

索隱：『「紛綸歲蕘，」胡廣曰：「紛，亂也。綸，沒也。歲蕘，委頓也。」張揖云：「亂貌。」』

王念孫云：『「紛綸歲蕘，」索隱本歲作威，注曰：「胡廣云：『歲蕘，委頓也。』張揖云：『亂兒。』」案漢書、文選竝作威，說文無歲字，則作威者是也。

凡「歲蕘」之威或作歲者，皆因蕘字而誤。上文子虛賦：「錯翡翠之威蕘，」張衡東京賦：「羽蓋威蕘。」字竝作威。又案「威蕘」與「紛綸」連文，張揖以爲「亂，」是也。陸機文賦：「紛威蕘以駟遷。」義與此同。胡廣以爲「委頓，」

失之。』

考證：漢書綸作輪，文選堙作涇，無也字。

施之勉云：五臣本有也字。

案漢傳綸作輪，張揖注：『紛綸、威蕤，亂貌。』綸、輪正、假字。文選注引張揖曰：『紛綸，亂貌。』依彼正文作綸，改引輪爲綸也。胡廣云：『紛，亂也。綸，沒也。』分釋『紛綸』二字，失之。文選、藝文類聚堙並作涇，涇、堙正、俗字，伯夷傳：『名堙滅而不稱。』與此作堙同。又伯夷傳：『而遇禍災者，不可勝數也。』與此數下有也字同。

續昭、夏，崇號、謚，略可道者七十有二君。

索隱：『七十有二君。』韓詩外傳及封禪書皆然。

考證：漢書、文選續作繼，文選昭作韶。……

案藝文類聚續亦作繼。黃善夫本昭亦作韶。胡氏文選考異云：『茶陵本云：「五臣作昭。」袁本云：「善作韶。」』漢傳補注引李慈銘曰：『史記作「續韶、夏。」韶、昭字古通。』封禪書：『管仲曰：古者封泰山、禪梁父者七十二家。』正義引韓詩外傳云：『孔子升泰山，觀異姓而王，可得而數者七十餘人。』即此索隱所稱外傳之文，乃外傳佚文也。文選注引管子曰：『封太山、禪梁父者，七十有二家。』見管子地數篇。後漢書祭祀志注引莊子佚文亦云：『易姓而王，封於泰山、禪於梁父者，七十有二代。』（又見路史前紀二、天中記八。古籍中類此記載者甚多，參看孝武本紀斠證及莊子校釋附錄。）

其詳不可得聞也。

考證：也，與下文犯。漢書、文選作已。

案司馬文園集也亦作已。（師古注：也，語終之辭。）封禪書：『其詳不可得而記聞云。』

五三六經載籍之傳，維見可觀也。

考證：文選見作風。

施之勉云：『胡紹煥曰：五臣、史、漢並作見。言見於載籍之傳，故可觀也。此不知者，妄改爲風。』

案司馬文園集亦作見。見，俗作現。『維見可觀，』猶言『至今可觀』耳。文選作風，或亦有所本。『維風可觀，』維猶其也。

因斯以談，

梁玉繩云：談字何以不諱？說在晉世家。

案史公父名談，史記中凡人名談字，皆諱。其不諱如晉世家之惠伯談，李斯傳之韓談，蓋後人改爲談，以復其舊耳。史公必諱之也。至於行文所用談字，史公似不諱，如孟子荀卿列傳『談天衍』。『鄒陽傳』『有人先談』，『滑稽傳』『談言微中』。及此文之『因斯以談』。皆是也。

后稷創業於唐，

考證：『文選唐下有堯字。注引漢書音義曰：唐堯之世，播殖百穀。』

施之勉云：類聚十唐下亦有堯字。

案文選考異云：『堯字衍，茶陵本無，袁本亦無。』考證說，本漢傳補注。

文王改制，爰周郅隆，

集解：『徐廣曰：「郅，蓋字誤。皇甫謐曰：『王季徙郅，故周書曰：「維王季宅郅。」孟子稱「文王生於畢郢。」』或者郅字宜爲郢乎？或爲脰，北地有郁郅縣。脰，大也。音質。」……』

索隱：『爰，於及也。郅，大也。隆，盛也。應劭曰：「郅，至也。」樊光云：「郅，可見之大也。」……』

案郅非誤字，郅借爲至，俗作晊。徐注『或作脰。』脰蓋晊之誤。（景祐本集解『晊，大也。』晊字不誤。）爾雅釋詁：『晊，大也。』釋文：『晊，本又作至，又作脰。』脰，蓋亦晊之誤。郝氏義疏云：『晊者，古本作郅。史記司馬相如傳云：「爰及郅隆。」索隱引樊光曰：「郅，可見之大也。」是樊本作郅。通作晊。』竊疑樊本爾雅，本亦作晊，索隱依史記正文作郅，改引樊說爲郅耳。景祐本、黃善夫本、殿本集解，四郢字皆作程。（黃本、殿本徙並誤宅。）周書大匡篇：『維周王宅程三年。』孫詒讓斠補云：『史記司馬相如傳集解引皇甫謐云：「王季徙程，故周書曰：『維周王季宅程。』是也。故孟子稱「文王生於畢程。」』（今孟子作畢郢，程、郢聲類同。孟子離婁篇云：「文王生於岐周，卒

於畢郢。」此作「生於畢程，」似誤記。）皇甫謐所引王下有季字者，傳寫誤衍，實不當有。王，自謂文王，不謂王季也。』孫氏所引集解，孟子上多『是也。故』三字，未知何據。（施之勉札記亦引孫說，較略，且有改易。）又索隱『隆，盛也。』單本索隱隆作崇，避玄宗諱改之，作隆非其舊。黃本、殿本並脫崇字。

大行越成。

索隱：案行，道也。越，於也。以言道德大行，於是而成之也。

案藝文類聚越作厥，恐非其舊。漢傳文類注：『行，道也。』文選注引如淳曰：『越，於也。』並索隱所本。黃善夫本、殿本索隱並作『應劭云：大行，謂以言道德大行也。』非其舊也。

而後陵夷衰微，千載無聲，豈不善始善終哉！

考證：文選夷作遲。

案夷、遲古通，鍾嶸詩品序：『爾後陵遲衰微。』蓋本文此，字亦作遲。漢傳補注：『文選注引漢書音義曰：「美周家終始相副若一也。」莊子曰：「善始善終，人猶效之。」』見莊子大宗師篇。

湛恩濛涌，

考證：漢書、文選濛作厯。漢書涌作洪，文選作鴻。……

案藝文類聚『濛涌』亦作『厯鴻。』厯、濛正、假字。洪、鴻亦正、假字，涌與洪義近。爾雅釋詁：『厯、洪，大也。』

是以業隆於纏褓，

集解：『漢書音義曰：纏褓，謂成王也。……』

案藝文類聚纏作襁。漢傳褓作保，文選、司馬文園集並作縗。襁、纏正、假字。縗、保亦正、假字。褓，俗字。說文：『褓，負兒衣。縗，小兒衣也。』（魯世家斠證有說。）漢傳孟康注：『縗保，』謂『成王也。』集解引保作褓，依此正文作褓改之也。

然猶躡梁父，

案漢傳父作甫，古字通用。下文『意者泰山、梁父，』『而梁父靡幾也。』文選

亦並作甫。

大漢之德，逢涌原泉，沕潏漫衍，

集解：『韋昭曰：漢德逢涌如泉原也。』

索隱：『逢源泉，』……又作峰，讀曰烽。……

考證：各本逢从火，今依索隱本、漢書、文選改。……

案景祐本、黃善夫本、殿本皆作漒，集解同。藝文類聚、司馬文園集亦並作漒。（藝文類聚有注云：音蜂。）索隱本逢下蓋脫涌字。文選注引徐廣曰：『沕，沒也。亡必切。』集解缺引。漢傳、文選、藝文類聚『漫衍』皆作『曼羨』，古字通用。又黃本、殿本索隱，讀下並脫『曰烽』二字。

旁魄四塞，雲霧散，

考證：漢書、文選專作布。

案師古注：『旁魄，廣被也。魄，音步各反。』讀如薄也。文選注：『魄音薄。』

荀子性惡篇：『雜能旁魄而無用。』楊注亦云：『魄音薄。』藝文類聚專亦作布，說文：『專，布也。』

上暢九垓，下泝八埏。

案漢傳如淳注：『淮南云：「若士謂盧敖：吾與汗漫期乎九垓之上。」』師古注：『埏，本音延。合韻音「弋戰反。」淮南子作「八殟」也。』淮南子道應篇許注：『九垓，九天之外。』地形篇：『九州之外，乃有八殟。』（高注：殟猶遠也。）初學記五引殟作埏，與此作埏合。

霧濡浸潤，協氣橫流，武節飄逝，

案漢傳、文選霧並作沾，飄並作疾。霧、沾正、假字。疾、飄亦正、假字，楚辭九歌雲中君：『疾遠舉兮雲中。』王注：『疾，去疾貌。』漢傳補注：『疾，宣本作焱。』焱乃疾之誤。

邇陁游原，迴闊泳沫，

王念孫云：沫本作末，『泳末』與『游原』相對。今作沫者，因泳字而誤加水旁耳。文選亦誤作沫，唯漢書不誤。

考證：『漢書陁作陦。文選迴作遐。……王先謙曰：陦作陁，末作沫，皆借字。』

案漢傳迺作爾，補注：『官本爾作迺。』迺、爾正、假字。文選、司馬文園集陝亦並作陦，陹、陦正、俗字，陹非借字。迺、遐同義，爾雅釋詁：『迺，遐也。』沫、末雖可通用，但此作沫（司馬文園集亦相承作沫），當是因沫字而誤加水旁，如王說。

首惡湮沒，闇昧昭晳，

集解：『漢書音義曰：始爲惡者皆湮滅。……』

考證：漢書、文選湮作鬱，文選闇作曉。

施之勉云：五臣本作闇。

案鬱、湮義通，集解引漢書音義云云，文選注引爲孟康注。（漢傳補注有說。）師古注亦云：『始爲惡者皆卽湮滅。』卽承孟注釋『鬱沒』爲『湮滅』。本史文釋之也。曉、闇正、假字。說文：『曉，不明也。』漢傳晳作晰，晳之或體。說文：『昭晳，明也。』

昆蟲凱澤，回首面內。

集解：『韋昭曰：面，向也。』

正義：『澤音懌。文穎曰：凱、懌，皆樂也。』

考證：漢書、文選凱作闔。

案『昆蟲，』衆蟲也。昆借爲蛻，說文：『蛻，蟲之總名也。』凱，俗愷字。澤，漢傳作懌，爾雅釋詁：『懌、愷，樂也。』闔、澤並借字。面借爲𠙴，說文：『𠙴，鄉也。』鄉、向古、今字。又漢傳文穎注，凱本作闔，正義引作凱，依此正文作凱改之也。

然後囿騶虞之珍羣，徼麋鹿之怪獸，

集解：『漢書音義曰：徼，遮也。麋鹿得其奇怪者，……』

正義：騶虞，義獸也。白虎黑文，不食生物，有至信之德則應之。……

案漢傳後作后，下文『而後因雜薦紳先生之略術，』漢傳亦作后，史記故本亦當作后，正義論字例所謂『史、漢文字，後字作后。』是也。藝文類聚麋作麅，恐非其舊。文選注引漢書音義，麋上有遮字，集解缺。正義說，本詩召南騶虞毛傳。（文選注亦引毛傳，較略。）

穀一莖六穗於庖，

集解：『徐廣曰：「穀，瑞禾也。」鄭玄案漢書音義曰：謂嘉禾之米於庖廚，以供祭祀。』

索隱：『「穀一莖六穗。」鄭玄曰：「穀，擇也。」說文云：「嘉禾一名穀。」字林云：「禾一莖六穗謂之穀也。」』

梁玉繩云：『此傳道下從禾，漢書、文選俱從寸，蓋古字通用。穀爲瑞禾，導訓作擇。張湯傳有導官，漢公卿表屬少府，主擇米。而唐百官志作穀官令，謂擇此嘉禾之米也。志又云：「掌穀擇米麥。」則穀雖禾名，而亦訓爲擇可知。顏氏家訓書證篇，辨穀非相如所用，以說文穀字引封禪書爲誤。困學紀聞八董通彥遠謝除正字啓「定文于六穗之禾，訓同于導。」亦是一論。顏說殊未然。學林、顏真子、說文繫傳、吹景集竝有說。』

施之勉云：黃善夫本、凌本、殿本索隱，鄭玄並作鄭德，是也。此誤。

案顏氏家訓書證篇、藝文類聚、初學記十三穀皆作導，導、穀正、假字。說文：『穀，禾也。司馬相如曰：穀一莖六穗也。』段注本改『禾也』爲『穀米也。』云：『三字句。各本刪穀字，改米爲禾，自呂氏字林、顏氏家訓時已然。今正。穀，擇也。擇米曰「穀米」，漢人語如此，漢書百官表、後書殤帝和帝紀，皆有穀官。注皆云「穀官主擇米。」鄧后詔曰：「減大官穀官，自非共陵廟，稻粱米不得穀擇。」光武詔曰：「郡國異味有豫養穀擇之勞。」凡作導者譌字也。「穀米」是常語，故以「穀米」釋穀篆。呂忱、徐廣、顏之推、司馬貞皆執誤本說文，謂穀是禾名。史、漢司馬相如傳封禪文曰：「穀一莖六穗於庖。」鄭德云：「穀，擇也。一莖六穗，謂嘉禾之米。」鄭語最明憭。言「於庖」者，擇米作飯必於庖也。呂忱乃云「禾一莖六穗謂之穀。」蓋不讀封禪文，而誤斷許書之句度矣。』段氏改『禾也』爲『穀米也。』其說甚精，但說文是否原即如此，未敢遽斷。（段氏治說文，往往精於許慎，昔年孟真師有此說。）且所引漢書、後漢書諸穀字，本皆作導，段氏悉改爲穀，以就己說，以爲『作導者譌字。』恐未必然。固不如梁氏之謂『古字通用』矣。此文穀字，漢傳作導，卽以導說穀耳。文選、藝文類聚則並從漢傳作導也。又集解引漢書音義，『嘉禾』上初學記引有擇字，

當補。漢傳鄭氏注及文選注引鄭玄注，亦並脫擇字。惟鄭玄當作鄭德，胡氏文選考異引此文索隱，亦作鄭德。

犧雙餚共抵之獸，

集解：『……駟案漢書音義曰：……底，本也。……』

考證：文選抵作柢。

案柢、抵正、假字。爾雅釋言：『柢，本也。』（藝文類聚抵作柢，蓋涉餚字偏旁而誤。）集解底字，殿本作抵，是也。漢傳服虔注亦作抵。文選注引服注作柢，與彼正文作柢合。

獲周餘珍收龜于岐，

集解：『徐廣曰：「一作『放龜。』」駟案漢書音義曰：「餘珍，得周鼎也。」岐，水名也。』

索隱：餘珍，案謂得周鼎也。

梁玉繩云：徐廣收作放，是。漢書、文選作放。（水經注十八引作收。）集解以「餘珍」爲「得周鼎」，與「放龜」分二事解。（文選有珍字。）而漢書無珍字，作一句讀，謂漢得周放畜餘龜于岐山。以上下文句觀之，當從漢書。獲龜事，他處不見。

施之勉云：『五臣本亦無珍字。吳汝綸曰：「收，毛本作牧。」張森楷曰：「岐是山名，謂之水名，豈以收龜於岐，龜是水產，因謂岐爲水平？然龜固兩棲動物，固不必杜撰故實，以山爲水也。」』

案漢傳文穎注：『周放畜餘龜於池沼之中，至漢得之於岐山之旁。』是文所見漢傳無珍字。（文選注引文注以釋正文，是文選亦本無珍字。五臣本是。）惟集解引漢書音義曰：『餘珍，得周鼎也。』是漢傳一本亦有珍字。（參看漢傳補注。）以上下文句觀之，無珍字是，如梁說。珍字蓋涉上文『珍羣』而衍。（考證謂『珍字涉上下衍。』下文無珍字。）司馬文園集收亦作放，收乃放之形誤。毛本收作牧，牧又收之誤也。收俗書作枚，與牧形近易亂，五帝本紀：『黃收純衣。』金樓子興王篇收誤牧，與此同例。集解『岐，水名也。』水蓋本作山，因聯想而誤。管子輕重甲篇：『煮沸火爲鹽。』戴望校正云：『火字誤，當依朱（東光）

本作水。』亦水、火二字相亂之例。又黃善夫本、殿本並略索隱。

招翠黃乘龍於沼，

索隱：『服虔云：「龍翠色。」又云：「卽乘黃也。乘四龍也。」……

案黃善夫本、殿本索隱，並作『服虔云：「乘龍，四龍也。」翠黃，孟說是也。……』

假儻窮變。

案漢傳儻作黨，補注：『官本黨作儻。』儻、黨古通，莊子天地篇：『儻然不受。』釋文：『儻，本亦作黨。』卽其比。

猶以爲薄，

案漢傳補注：『文選薄上有德字。』藝文類聚亦有德字。

蓋周躍魚隕杭，休之以燎。

索隱：『杭，舟也。』胡廣云：武王渡河，白魚入于王舟，俯取以燎。……』

考證：文選杭作航。

案藝文類聚、司馬文園集杭亦並作航。杭借爲旒，說文：『旒，方舟也。』或體作航。漢傳應劭注：『杭，舟也。』卽索隱所本。文選注引應注，杭作航，依彼正文作航改之也。又引尚書旋機鈴曰：『武王得兵鈴，謀東觀，白魚入舟，俯取魚以燎也。』（又見王子淵四子講德論注，『旋機』作『旋璣』。）周本紀：『武王渡河，中流白魚躍入王舟中，武王俯取以祭。』（御覽九三五引『以祭』作『以燎之』。）卽胡說所本。

微夫斯之爲符也，

案文選、藝文類聚斯並作此，義同。

進讓之道，其何爽與！

索隱：『何其爽與！』爽猶差也。言周未可封而封，漢可封而不封，爲進讓之道皆差之也。

考證：『漢書讓作攘，顏師古曰：「攘，古讓字。」索隱本「其何」作「何其」，與漢書、文選合。』

案藝文類聚『其何』亦作『何其』。黃善夫本、殿本索隱，並略作『爽猶差也』。

言漢、周進讓之道皆差也。』

義征不懷。

案漢傳、文選、藝文類聚、憶皆作諫。漢傳補注：『釋言：惠，「順也。」說文無諫、憶字。』諫、憶並惠之或體。

休烈浹洽，

案漢傳、液作浹，補注引宋祁曰：『液，疑作浹。』液蓋浹之形誤。

意者泰山、梁父，設壇場望幸，

索隱：『設壇場望幸華，』案諸本或作『望華蓋。』……今言望華蓋太帝耳。且言『設壇場望幸』者，望聖帝之臨幸也。……皆云『「望幸」下有華字。』……則唯云『望幸，當是也。』於義亦通。……遂安華字，……。

案文選意下無者字，疑脫。『望幸，』謂『望聖帝之臨幸。』此說是。索隱本幸下衍華字；諸本或又誤幸爲華，因誤連下文蓋字絕句矣。黃善夫本、殿本索隱，『今言』下並略『望華蓋太帝耳。且言「設壇場望幸」者』十四字，皆下無『云望』二字。『望幸，當是，』望並誤幸。『遂安』並誤『遂定。』

蓋號以況榮。

索隱：『案文穎曰：「蓋，合也。」……』大顏云：「蓋，語辭也。言蓋欲紀功立號，受天之況賜榮名也。」於義爲愜。然其文云蓋，詞義典質，又上與幸字連文，致令有「華蓋」之謬也。』

梁玉繩云：『史記考異曰：蓋讀如盍，文穎訓爲合，「合號」猶言「合符。」小顏以爲語辭，似迂。』

案藝文類聚蓋字誤與上幸字連讀。師古（小顏）注：『蓋，發語辭也。』本大顏（遊秦）說。黃善夫本、殿本索隱，『蓋，語辭也。言蓋欲紀功立號，』並作『蓋，欲也。言欲化功立號，』妄改之也。

上帝垂恩儲祉，將以薦成。

索隱：薦，漢書作慶，義亦通也。

考證：文選無此十字。

施之勉云：五臣本有此十字，薦作慶。

案藝文類聚薦亦作慶，作薦是。『薦成』者，徐廣注『薦之上天告成功。』是也。漢傳作慶，慶蓋本作薦，薦乃薦之隸變，與慶形近，因誤爲慶耳。五臣本文選、藝文類聚諸書，亦相沿而誤爲慶矣。文選考異稱袁本、茶陵本亦有此十字，薦亦作慶。司馬文園集從史記作薦，最爲可貴！黃善夫本、殿本索隱，並無薦字，慶下並有成字。

陛下謙讓而弗發也。

案漢傳謙作嗛，師古注：『嗛，古謙字。』謙、嗛正、假字。

挈三神之驩，缺王道之儀，

案挈、缺互文，藝文類聚挈作契，古字通用。廣雅釋言：『絜，缺也。』玉氏疏證：『史記司馬相如傳：「挈三神之驩。」集解引韋昭注：「挈，缺也。」漢書毋將隆傳：「契國威器。」李奇注：「契，缺也。」挈、契竝與絜通。』漢傳、文選、藝文類聚驩皆作歡，歡、驩正、假字，其例習見。

或謂且天爲質闇，珍符固不可辭。

索隱：『孟康曰：言天道質昧，以符瑞見意，不可辭讓也。』

梁玉繩云：漢傳、文選闇下有示字，連下『闇示珍符』作一句。

案司馬文園集闇下亦有示字，『闇示珍符』連讀，與梁說合。據孟康注，則闇字屬上絕句。黃善夫本、殿本，並略索隱。

而梁父靡幾也。

案漢傳、文選靡並作罔，義同。『靡幾』猶『無察。』禮記玉藻：『御瞽幾聲之上下。』鄭注：『幾猶察也。』

咸濟世而屈。

考證：漢書、文選濟下有厥字。

案司馬文園集濟下亦有厥字。

而云七十二君乎？

案漢傳、文選乎並作哉。

不爲進越。

考證：漢書、文選越下有也字。

案藝文類聚越下亦有也字。

而修禮地祇，

案漢傳地作目，補注：『史記、文選「目祇」作「地祇」，官本不誤。』地之作目，涉彼上下文諸目字而誤。（藝文類聚、司馬文園集亦並作「地祇。」）

勒功中嶽，以彰至尊。舒盛德，發號榮，受厚福，以浸黎民也。

案漢傳、文選、藝文類聚彰皆作章，彰、章正、假字，其例習見。殿本「號榮」二字倒，司馬文園集亦作『榮號。』文選民作元，避唐太宗諱改之也。

王者之丕業，

考證：丕，漢書、文選作卒。

案師古注：『卒，終也。字或作本，或作丕。丕，大也。』文選注亦云：『卒或爲本。』卒、本並丕之誤。說文：『丕，大也。』（爾雅釋詁同，）段注：『丕，隸書中直引長，故云「丕之字不十」漢石經作卒。』三國志魏志闕澤傳，澤對孫權曰：『以字言之，不十爲丕。』秦本紀、年表之丕鄭，左僖九年傳丕作卒。卽其例。卒，隸書作卒。本，隸書作卒。與丕之作卒、平，並易相亂。漢書匡衡傳：『殆論議者未丕先帝之盛功。』師古注：『丕，大也。丕字或作本。』本亦丕之誤。

以展采錯事。

集解：『……駟案漢書音義曰：采，官也。……』

案集解引漢書音義，文穎注也。漢傳補注：『書堯典馬注：「采，官也。」文選正文及引文說並作案，蓋後人妄改。』爾雅釋詁：『案，官也。』郭注：『地官爲案。』郝氏義疏云：『漢書刑法志注引案作采。』采、案古、今字。

校飭厥文，作春秋一藝。

集解：『徐廣曰：校，一作祓，祓猶拂也。……』

考證：『漢書、文選「校飭」作「祓飾。」文選注云：「祓，音弗。」蓋讀爲祓也。祓、飾二字一意。藝讀爲經。』

施之勉云：『文選無此注。胡紹漢曰：按「祓飾」，猶「拂拭」，謂拂拭其文也。史記作「校飭」，形近之誤。』

案司馬文園集校亦作祓，祓乃祓之誤，（交，隸書作爻，與祓相似。）祓，聲訓爲拂，徐說是，胡氏從之。（殿本集解，兩祓字並誤从衣作祓。）文選祓字下右旁注弗字，故考證云『文選注云：祓，音弗。』施氏失檢。惟祓，不必如考證說『讀爲祓』耳。飭非誤字，飾、飭正、假字，（前上林賦有說。）飾、拭古、今字。『一藝』猶『一經』，然藝不得讀爲經。

據之無窮，

集解：『徐廣曰：據，一作臚。臚，敍也。』

索隱：『廣雅云：據，張舒也。』

正義：據，布也。

案廣雅釋詁一：『據，張也。』釋詁四：『據，舒也。』（索隱合引之。）王氏疏證：『舒亦張也。據、舒聲相近，淮南子脩務訓注云：「據，舒也。」楚辭九章云：「據青冥而據虹兮，」史記司馬相如傳：「據之無窮，」徐廣音義云：「據，一作臚。」爾雅云：「舒，敍也。臚，敍也。」義並相通。』正義據訓布，布與張、舒同義。

蜚英聲，

案藝文類聚蜚作飛。師古注：『蜚，古飛字。』

宜命掌故，悉奏其義而覽焉。

集解：『漢書音義曰：掌故，太史官屬，主故事也。』

考證：漢書、文選義作儀。

案藝文類聚義亦作儀，古字通用。禮記樂記：『制之禮義，』漢書禮樂志義作儀，莊子馬蹄篇：『雖有義臺路寢，无所用之。』藝文類聚九三引義作儀。並其證。集解引漢書音義云云，師古注『太史』作『太常』，文選考異：『陳(少章)云：「史，常誤。」是也。漢書注作常。』

於是太子沛然改容曰：「愈乎，朕其試哉！」

考證：「漢書、文選愈作俞。」顏師古曰：「沛然，感動之意也。俞者，然也。然其所請也。」文選沛作怖，注：「怖，感動之意也。或作沛。」』

施之勉云：『少卿曰：「按說文云：『怖，訟面相是。』段氏以爲『內爭外順，

如臯陶謨所謂面從』者，是也。然則張揖注『俌，感動之意。』疑非矣。』』  
案文選注：『張揖曰：「俌，感動之意也。」俌，或爲沛。』師古注：『沛然，  
感動之意也。』卽本張注，而俌作沛，竊疑俌乃沛之誤。（疑沛之俗書作沛，與  
俌相亂。）藝文類聚愈亦作俞，古字通用。爾雅釋言：『愈，然也。』

詩大澤之博，廣符瑞之富。

集解：『漢書音義曰：詩，歌詠功德也。下四章之頌也。……』

案漢傳補注引王念孫曰：『詩者，志也。志者，記也。謂作此頌以記大澤之溥博，  
廣符瑞之富饒也。詩訓志意之志；又訓志記之志。』詩譜正義引春秋說題辭曰：  
「詩之爲言志也。」是詩訓爲志意之志也。賈子道德說篇：「詩者志德之理而  
明其指，令人緣之以自成也。故曰：詩者，此之志者也。」是詩又訓爲志記之志  
也。』管子山權數篇：『詩者，所以記物也。』下四章之頌，則所以記功德也。  
藝文類聚廣作演，義同。集解引漢書音義，乃孟康注，孟注歌上有『所以』二字。補注：『集解引作「詩，歌詠功德也。下四章之頌也。」文選注引同。是以  
詩字作「歌詠功德」解，得古人實字虛用之義例。』

乃作頌曰。

考證：漢書、文選乃作遂。

案藝文類聚乃亦作遂，乃猶遂也。秦本紀斠證有說。

自我天覆，

案景祐本提行，文選同。

厥壤可游。

考證：漢書、文選游作遊。

案藝文類聚、司馬文園集游亦並作遊，游、遊古、今字。漢傳作游，與史記同，  
考證失檢。

滋液滲漉，

索隱：『案說文云：滲漉，水下流之貌也。』

案漢傳補注引文選注：『說文：「滲，下澆也。」又曰：「澆，水下貌。」』

索隱云云，合而引之也。

非唯雨之，又潤澤之。非唯濡之，汎專濩之。

集解：『徐廣曰：古布字作專。』

索隱：『胡廣曰：汎，普也。言雨澤非偏於我，普偏布散，無所不濩之也。』

考證：『濡之，』漢書作『偏我。』文選作『偏之我。』漢書、文選專作布，作護，護讀爲濩。……

施之勉云：『胡紹煥曰：「按偏與偏皆誤。史記作濡，是也。此四句俱用韻，濡與上雨、澤，下濩爲韻，古音同在魚部。胡廣注「非偏於我」，乃釋其義如是，非正文作偏也。漢書遂改濡爲偏，五臣又誤爲偏，以韻求之，胥失矣。」』

案漢傳兩非字並作匪，藝文類聚同，非、匪正、假字。文選兩唯字並作惟，習見通用字。又『濡之』作『偏之我』，胡氏考異：『偏當作偏，之字不當有，讀以四字爲一句，漢書正如此。史記索隱引胡廣曰：「言雨澤非偏於我。」最爲明晰。是史記亦作「偏我」，與漢書同。今有誤，當據索隱訂也。』考異說是。此四句，雨與『潤澤』相應，偏與『專濩』相應。胡廣注『非偏於我』，明就正文『偏我』而言，豈僅釋其義而已邪？偏作濡，蓋後人以意改之，與上文雨、澤及下文濩協韻耳。不知濡與『專濩』義不相應也。且此句亦不必協韻，胡紹煥未審文義，但以韻求之，其說泥矣！藝文類聚作『偏之我』，與文選合。偏、徧古本通用，（莊子繕性篇：『禮樂徧行，』覆宋本徧作偏，庚桑楚篇：『徧得老聃之道，』日本舊鈔卷子本徧作偏，並其比。）此作徧，當是偏之誤。之字涉上下文而衍。藝文類聚『專濩』亦作『布護』，索隱單本專亦作布。前上林賦『專結縷』，集解引徐注亦云：『專，古布字。』濩、護古通，上林賦有說。

萬物熙熙。

案文選注引周書：『王子晉曰：萬物熙熙，非舜而誰？』見王子晉解，誰下尚有能字。孔晁注：『熙熙，和盛。』

般般之獸，樂我君囿。白質黑章，其儀可嘉。

梁玉繩云：嘉乃喜之譌。

考證：漢書、文選囿作園，漢書嘉作喜。

案景祐本提行。師古注：『般字與斑同。』斑借爲辨，說文：『辨，駁文也。』

俗作斑。漢傳補注引朱一新曰：『文選五臣本圃作圉，（李善本作圉。）史記同。圉、喜古音叶也。作圉誤。』文選考異亦有說，並云：『善自作圉，傳寫誤作圃耳。』

攷攷 瞳瞳，君子之能。

集解：『徐廣曰：「……能，一作態。」駟案漢書音義曰：「旻，和。穆，敬。……」』

梁玉繩云：徐廣能作態，是也。

考證：漢書、文選瞳作穆，能作態。

施之勉云：『張森楷曰：王、秦本能作態，注亦是「能，一作態。」謬不可通。』案藝文類聚瞳亦作穆，集解引漢書音義（孟康注）『穆，敬。』而不稱異文，是所據正文亦作穆。說文：『瞳，一曰：敬和也。』段注：『古書瞳、穆通用，如史記「攷攷瞳瞳」，漢書作「攷攷穆穆」。』是也。穆多訓敬，故於瞳曰「敬和。」』藝文類聚能亦作態，態、能正、假字，屈原傳：『誹俊疑桀兮，固庸態也。』論衡累害篇態作能，能亦態之借字也。

蓋聞其聲，今觀其來。

考證：『觀，漢書作視，文選作親。聲，名也。瞿鴻禡曰：來與之、哉、喜、態皆叶。』

施之勉云：『楊樹達曰：按之古韻在咍部，與哉、喜、態固爲同韻。然上文「匪唯雨之」以下六句，乃以古韻模、鐸部之雨、澤、護、慕爲韻，之字不入韻也。「名山顯位」以下十二句，以來、哉、圉、喜、態、來爲韻。瞿不舉圉字，亦非也。瞿氏不瞭古音，故出入兩失之如此。』

案藝文類聚觀亦作親。漢傳作視，師古注：『言往昔但聞其聲，今親見其來也。』補注：『文選視作親，李善注云：「親見其來。」據顏注：疑漢書亦作親。』竊以爲師古蓋以見釋視，見上增親字以足文義，非正文本作親也。文選注『親見其來，』卽本師古注，而正文誤爲親，藝文類聚亦同誤耳。考證引瞿說，本漢傳補注。

厥塗靡蹤，天瑞之徵。

集解：『徐廣曰：其所來路非有迹，蓋自天降瑞，不行而至也。』

考證：『漢書、文選蹤作從。中井積德曰：作從爲長，無知其所從來也。乃所以爲天瑞。』

案藝文類聚蹤亦作從。徐注『其所來路非有迹，』是史記舊本作蹤。莊子知北遊篇：『其來無迹。』與此文義相近。漢傳文穎注：『其來之道何從乎？此乃天瑞之應也。』是漢傳作從，文選、藝文類聚本之。從、蹤古、今字，酷吏張湯傳：『蹤跡安起？』漢傳蹤作從，師古注：『從讀曰蹤。』與此同例。文氏未達從字之義，中井說，蓋本文注。

茲亦於舜，虞氏以興。

考證：『漢書亦作爾，王念孫曰：爾字於義無取，當〔從史記、文選〕作亦。……』

施之勉云：五臣本亦作爾。

案藝文類聚亦誤爾。

灌濯之麟，

索隱：『詩人云：「麌鹿灌濯。」注云：「灌濯，嬉遊貌。」』

案漢傳文穎注：『灌濯，肥也。』詩大雅靈臺：『麌鹿灌濯。』師古注已引之。

毛傳：『灌濯，娛遊也。』索隱引娛作嬉。

帝以享祉。

案漢傳、文選以並作用，義同。

宛宛黃龍，

案文選注引楚辭曰：『鶴八龍之宛宛。』離騷『宛宛』本作『婉婉。』宛、婉正、假字，說文：『宛，屈艸自覆也。』『宛宛，』屈貌。

采色炫燿，熒炳輝煌。

梁氏志疑所據湖本煌作湟，云：湟乃煌之譌。

考證：漢書炫作玄，漢書、文選熒作煥。

案漢傳炫作玄，師古注：『玄讀曰炫。』熒，或煌字，與煌字複，當從漢傳、文選作煥爲長。煥、炳、暉、煌，四字疊義。景祐本暉誤煌。

覺寤黎烝。

案文選、藝文類聚寤並作悟，悟、寤正、假字。

不必諄諄。

案文選注引孟子：『萬章曰：「天與之者，諄諄然命之乎？」曰：「否。」』見萬章篇。

依類託寓，

考證：『張文虎曰：「託，從舊刻，與漢書、文選合。據集解，則本是託字，它本作記，非。」愚按楓、三本亦作託。』

施之勉云：景祐本作託。

案殿本亦作託，藝文類聚、司馬文園集並同。黃善夫本誤記。

天人之際已交，上下相發允答。

施之勉云：『吳汝綸曰：案文選劉琨勸進表注引此文作「上下之情允洽。」此作「相發允答」者，誤也。勸進表：「天地之際已交，華裔之情允洽。」正擬此文。』

案文選載此文同。而劉琨勸進表注引下句作『上下之情允洽。』『之情』二字，蓋涉彼正文『華裔之情允洽』而誤記，非此文『相發』本作『之情』也。文選載陶淵明歸去來辭：『或命巾車。』（呂延濟注：『巾，飾也。』李善注引孔叢子記問篇『巾車命駕，』即陶公所本。）而江文通雜體詩擬陶徵君田居一首『日暮巾柴車，』李善注引歸去來辭作『或巾柴車。』亦涉彼正文而誤記，與此同例。段玉裁說文巾字注，據雜體詩注，以爲歸去來辭本作『或巾柴車。』其失與此文吳說同類也。古人注疏引書，往往因正文而誤記；或依正文而有所增改，此當注意者也。（參看拙著陶淵明歸去來兮辭并序箋證。）

兢兢業業也。

考證：漢書、文選無也字。

案藝文類聚亦無也字。文選注：『尚書（皋陶謨）曰：「兢兢業業。」毛詩（大雅烝民）曰：「小心翼翼。」爾雅曰：「翼翼，敬也。』』爾雅釋訓：『兢兢，戒也。』（生：戒慎。）翼翼，恭也。（郭注：恭敬。）釋詁：『翼，敬也。』李善注引爾雅，釋訓、釋詁相亂。

興必虛衰，安必患危。

考證：漢書、文選興上有於字。

施之勉云：『文選興上於字，音烏。劉良注曰：歎美之辭也。』

案藝文類聚興上亦有於字。漢傳補注引沈欽韓曰：『周書程典解：於安思危，於始思終。』據周書云云，於非歎美之辭，不當音烏。於字冠下兩句言之，於猶在也，居也。左襄十一年傳：『書曰：居安思危。』亦可證。

是以湯、武至尊嚴，不失肅祇。舜在假典，顧省厥遺。此之謂也。

正義：在，察也。

案漢傳補注：『文選厥作闕。李善注：「湯、武雖居至尊嚴之位，而猶不失肅祇之道。舜所以在於大典。謂能顧省其遺失。言漢亦當不失恭敬而自省也。祭天，是不忘敬也。不封禪，是遺失也。毛詩[商頌長發]曰：湯降不遲，上帝是祇。」』藝文類聚厥亦作闕。文選考異：『闕當作厥，史記、漢書皆作厥。善注云：「謂能顧省其遺失。」以其解厥，是作厥字無疑。袁、茶陵二本所載五臣濟注云：「恐政治有所闕遺。」蓋其本乃作闕。』闕、厥古亦通用，論語憲問篇『闕黨童子，』漢書古今人表闕作厥，即其證。師古注：『在，察也。』即正義說所本。又案文心雕龍封禪篇：『觀相如封禪，蔚爲唱首。爾其表權輿，序皇王，炳玄符，鏡鴻業，驅前古於當今之下，騰休明於列聖之上，歌之以禎瑞，讚之以介邱，絕筆茲文，固維新之作也。』

八年而遂先禮中嶽，

案漢傳無先字。

相如他所著，若遺平陵侯書、與五公子相難草木書篇，不采。采其尤著公卿者云。

梁玉繩云：『漢藝文志有相如作凡將一篇，賦二十九篇。又漢書佞幸傳云：「上方興天地諸祠，欲造樂，令司馬相如等作詩頌。」此何以不及？』

考證：『漢書藝文志詩賦略云：「司馬相如賦二十九篇。」其存者史、漢本傳子虛賦、上林賦、哀秦二世賦、大人賦四篇，文選長門賦一篇，古文苑美人賦一篇，凡六篇。又有梨賦、魚鱠賦，竝殘。梓桐山賦，亡。其雜文，本傳諫獵上書、喻巴蜀檄、難蜀父老、封禪文四篇。報卓文君書、荅盛覽問作賦，竝殘。遺

幸陵侯、與五公子二書，佚。藝文志小學略又云：「武帝時司馬相如作凡將篇。」侯幸傳云：「上方興天地諸祠，欲造樂，令司馬相如等作詩頌。」本傳亦不及。」施之勉云：『姚振宗曰：「蜀志秦宓傳：『仲舒之徒，不達封禪，相如制其禮。』按，據宓所言，則長卿所奏封禪書，並附有禮儀。疑編入漢志禮家封禪議對十九篇中。又文心雕龍頌贊篇云：『相如屬筆，始讚荆軻。』按漢志雜家，荆軻論五篇，軻爲燕刺秦王不成而死，司馬相如等論之。」』

案相如諸著，今尚流傳之全篇，或尚可考之殘篇殘句，嚴可均輯全上古三代秦漢三國六朝文，皆已收入全漢文卷二十一。惟嚴氏不輯詩，玉臺新詠卷九載司馬相如琴歌二首，明張溥輯漢魏六朝百三家集收入司馬文園集。至於蜀志秦宓傳，稱相如制封禪之禮，是否可信，殊難遽斷。易培基蜀志補注云：『相如雖爲封禪書，臨沒乃成。未與諸儒共制禮。蜀士多誇，往往過寔。』說亦有見。

春秋推見至隱。

索隱：『……韋昭曰：推見事至于隱諱，謂若晉文召天子，經言「狩河陽」之屬。』

案黃善夫本、殿本索隱，並略韋注。

易本隱之以顯。

考證：『漢書「之以」作「以之。」』中井積德曰：「『之以』當作『以之。』」愚按，以字當衍。』

案『之以』乃『以之』之誤倒，以字非衍。殿本作『以之，』長短經是非篇引同，與漢傳合。

所以言雖外殊。

考證：漢書無以字。楓、三本無外字，與漢書合。

案長短經引此，亦作『所言雖殊。』

然其要歸引之節儉，此與詩之風諫何異！

案漢傳『引之』下有於字，（漢紀十云：「卒歸之於節儉。」亦有於字。）記纂淵海七五引司馬相如贊同。又引何下有以字。

揚雄以爲靡麗之賦，勸百風一。猶馳騁鄭、衛之聲，曲終而奏雅，不已虧乎！

考證：『已，猶太甚也。岡白駒曰：「不亦虧損本旨乎！漢書虧作戲。王先謙曰謂揚雄之論，過輕相如也。」梁玉繩曰：「揚雄以下二十八字，當削。困學紀聞引江濤曰：雄後於遷甚久，遷得引雄辭，何哉？蓋後人以漢書贊附益之。」』案漢傳百下有而字，記纂淵海五五、七五引司馬相如贊並同。『不已虧乎！』猶言『不亦少乎！』勸百風一，故曰少也。漢傳補注引宋祁曰：『已當作亦。』已、亦一聲之轉，已猶亦也，無煩改字。廣雅釋詁三：『虧，少也。』漢傳虧作戲，記纂淵海五五同。戲乃虧之誤，虧俗書作虧，戲俗書作戲，虧、戲形近易亂。（禮記月令鄭注『宓戲氏』，釋文：『戲，又作虧。』亦二字相亂之例。）張揖注：『不亦輕戲乎哉！』所見漢傳已誤。王先謙更承之爲說，非也。困學紀聞（卷十一）引江說，何焯注云：『索隱言之矣。』索隱未言之，何氏失檢。

余采其語可論者著于篇。

案梁書文學傳上：『昔司馬遷、班固書，竝爲司馬相如傳。相如不預漢廷大事，蓋取其文章尤著也。』